

DE ARTE  
RHETORICA

libri tres ex Aristotele, Ci-

cerone, & Quintiliano præcipue

deprompti.

Auctore Cypriano Soarez.



PARISIIS,

Apud Thomam Brumennium, in claufo  
Brunello, sub signo Oliuæ.

1576.

Emmanuel Alvarez Societatis Nominis  
IESV, ad Lectorem.

**E** Loquio quicumque paras accendere mentes,  
Dulcèque Nestora fundere voce melos.  
Perlege non auro nitidum, sed pondere rerum  
Prædiues, pauper sit licet auctor, opus.  
Emicat hîc sophia princeps, hîc fulminat ore  
Tullius, hîc monstrat Quintilianus iter.

Michael Venegas eiufdem Societatis,  
ad eundem.

Quos Arabes, Persæque legunt Oriente lapillos,  
Omnes una manus si tibi fortè daret,  
Et quos gemmiferi præceps alit æquoris unda:  
Et quos terra gravi parturit alma sinu:  
Nónne libens hilari caperes data munera vultu,  
Et tantas nolles spernere sanus opes?  
En tibi Rhetorices unus liber explicat omnes  
Thesauros: ingens quos reperire labor:  
Ne te pæniteat lætas hinc sumere gemmas,  
Attica quas tellus, quæsq; Latina tulit.  
Has virtute, velut fuluo si cinxeris auro,  
Aurea gemmato vox tibi corde fluet.



# Cyprianus Soarez Christiano

## LECTORI S.

**N**ONGE profectò melius, atque prudentius studiis suis consulunt, qui optimos auctores in omni disciplinarum genere legendos sibi, atque imitandos proponunt, quàm qui his neglectis, delectati omni, ac discrimine remoto, quòvis cupidissimè sequuntur. Quòd si quis vetera paulò altius repetere voluerit, quocunque se animo & cogitatione converteret, hoc ita esse comperiet. Vt enim alios omittam, qui in bonarum artium studiis liberalissimis sunt, doctrinæque versati, satis constat Platonem ingenio, doctrinâ, & copia dicendi longè omnibus superioribus præstitisse. Rego ex eius disciplina quot viri, quanta scientia, quantaque in suis studiis varietate, & copia, quàm admirabiles extiterunt? Atque, vt alios fideam, quorum scripta temporum iniuria perierunt, illi & Aristotelem summum philosophum & Demosthenem omnium oratorum facile principem procul dubio debemus. Si quidè Aristoteles totos viginti annos Platone audiuit: Demosthenes vero eundem non solum audiuit, sed etiam lectitauit. Quid Ciceronem ad tantum in philosophia, & eloquentia decus euexit? An non Platonis, Aristotelis Demosthenis imitatio. Finis non sit, si velim eos numerare, qui ex Aristotelis disciplina in omni doctrinæ & ingenij laude præstantes prodierunt. Tanti refert, quæ imitatoris, quæ admireris. Hoc intelligentes nostræ Societatis Nomini Iesu præceptores, ex eo tempore quo inuenerunt, virtute, & literis, & informant, eos auctores discipulis exponere, qui præter ceteros in suo genere floruerunt. Quæ de causa molestius etiam ferebant nullum esse librum veterum scriptorum, qui ad adolescentibus discendi cupidis primum aditum ad eloquentiam aperiret. Non quod doctrina dicendi parum Latinis literis sit illustrata, nam & Quintilianus de ea diligentissimè simul & doctissimè scripsit, & in libris Ciceronis tantum est curæ, tantum suauitatis, elegantiae, atque doctrinæ, vt ne apud Græcos quidem aut pluribus, aut melioribus præceptis orationis facultas sit exornata: sed quod ad primam tyronum institutionem eorum scripta minis sint accommodata. Quid enim discipulis ad hæc studia ingredientibus explicaret Quintiliani libros? sūt illi quidem, vt dixi, summa diligentia, singulati iudicio, summa etiam eruditio: conscripti: at ita sunt longi, sic non nunquā obscuri, vt maius otium, & acrius iudicium desiderent. Partitiones oratorias: at ita sunt breues, & concisæ, vt multas & magnificas eloquentiæ opes constructas, & rectè ditas nimis angustè coarctet Libros de oratore ad Quintum Fratrem: at in dialogo sunt scripti. Præcipuas autè in illis partes habent L. Crassus, & M. Antonius homines vt dignitate, sic eloquentia in Romana Repub. maximi qui minora illa, sed discētib in primis necessaria, celeriter transigunt, quæ verò sunt à vulgari intelligentia magis remota, ea, non faciliè dixerim ornatius ne an copiosius proficiuntur. Huc accedit, quòd dum Crassus perfectus, Antonius communem informat oratorè magis

altercationibus, qui dialogorū est mos in contrarias partes dillicitur quod mediocriter quidem eruditus, qui iudicij iam aliquid habent, non solum magnā & ingenuā delectationē, sed mirabilis etiam vtilitatis fructum affert. tyronibus nō item, qui disputationis vim atque incitationē aspiciunt, vestigia, ingressus quē vix intuentur. Duos de Inuentione libros puto sibi inchoatos, & rudes Ciceronem docent, nec inueniendi fontes ab Aristotele demonstratos aperiuunt. Itaque multa in eis præcepta sunt, quæ editis libris idē Cicerō improbanis. Libri verō ad Herennium, à quocunque illi sint scripti, similem inueniēdi viam demonstrant, & quēdam de statu, multa de verborum, & sententiarum continent ornamentis diuersa ab his, quæ Cicerō, & Quintilianus eisdem de rebus tradiderunt. Topicorum liber tantummodò declarat vim ab Aristotele inuentam ad repericndum in omni ratione argumentum : & quoniam ad Trebatium iurisconsultum scriptus est, exempla habet ex iutima iuris scientia desumpta, quæ usque eò sunt diffidilia, vt sua obscuritate multos ab eius libri lectione reiciant. In oratore verò ad Brutum quæ sūt optima species, & quasi figura dicendi Cicerō disertissimè exponit. Sed cum ad Brutum scriberet, vulgaria præcepta permulta, quæ discendi studiosis vehemēter conducunt, breuiter percurrit, vel penè præterit. Quæ verò de orationis numero misabiliter præcipit, vt aduentibus ad eloquentiam vtilia sunt, ordinem alium, & exemplorum lumen desiderant. His de causis cupiebant nostri præceptores, vt omnes eloquentiæ partes explicare definitionibus, exemplis illustratæ ex Aristotelis sententia, Ciceronis verò, & Quintiliani non sententia solum, sed plerunque etiam verbis aliquo libro, via, & ordine comprehenderentur. Futurum enim existimabant, si id fieret, vt discipuli simul cum vulgaribus Rhetoricæ præceptis illa magis secondita de argumentorum locis, de amplificatione, de orationis forma & numero perciperent. Quam ego provinciam cum eorum voluntate suscepissem, quibus libenter vitæ meæ rationes commisi, his tribus libris dicendi præcepta, quantum exigux ingenij mei vires efficere & consequi potuerunt, complexus sum, vt inuarem adolecentes ad legendos Aristotelis, Ciceronis, & Quintiliani doctissimos libros, quibus eloquentiæ fontes continentur. Neque verò ignoro multa horum, quæ à veteribus sunt tradita, ab his à quibus defendi æquius erat, editis etiam libris oppugnari. Sed cū à multis qui singulari doctrina sunt præditi, eadem defensa sunt, mihi consilium fuit, de his, quæ tot doctissimorum seculorum approbavit consensus, nihil sine ratione mutare. Imò verò te, Christiane lector vehemēter oro atque obsecro, vt hanc libidinem temerè contradicēdi veteribus scriptoribus de animo tuo penitus euellas, ne ad eius perniciem longius deinde serpat. Nam simul atque cupiditas hæc ad ingenium, tanquam fax ad materiam adhæsit, incredibile dictū est, quæ continuo excitet incendia. Illud etiam tibi persuadeas velim, nos nihil magis cupere, quàm vt virtute, & literis maximè sis ornatus, vt Christo Iesu, qui est parens, & salus vitæ nostræ gratus sis & iucundus.

**R**ationis, & orationis tanta est similitudo, ut Græci, qui nō intelligēdi solū, sed loquēdi etiā principatum tenuerunt; vno vtranq; vocabulo, Latini Græcorū prudentiæ æmuli eodem penē nominarint. Est enim oratio quasi rationis imago quædam. Rationem in mētē, cui regnum totius animi tributū est, Deus Opt. Max. posuit. orationis sedē idē summus opifex in celsissima, ac nobilissima corporis partē collocauit: ratio est sicuti lux quēdā, lumenq; vitæ: oratio est rationis decus, & ornāmētū: ratio regit ac moderatur propriū animū: oratio flectit etiā alienos: rationis est species admirabilis, eā tamē intus latentē orationis pulchritudo declarat. Ita quod lumen est Soli principi, ac moderatori luminū reliquorū, id est oratio rationi dominæ, ac reginæ rerum omnium. Hinc nimirū fit, ut summi illius rectoris mundi huius bonitatē, sapientiā, vim & potestatem suspiciendā, admirandāque hominū generi ut rationis, sic orationis vis, & natura cōgat confiteri. Quid enim admirabilius esse potest, quā cogitationes tam multas, tam excellentes, tam varias, atque multiplices orationi commendari? Orationem verò, exceptam aëre, quasi vehiculo, incredibili celeritate, breuissimo temporis spatio ad quā plurimos peruenire? ac postremò per tenuissimos auriū meatus singulari opere, artificioque perfectos, in alienos animos introire atq; in eis

tam perfectè, tam insigniter imprimere speciẽ suã,  
vt mœrentes consoletur, torpentes excitet, afflicto  
erigat, inani lætitia elatos cohibeat, & in quemuis  
denique motum auditorem impellat? Quod si ora-  
tionis tanta præstantia est, non potest non maxima  
esse dignitas Rhetoricæ, qua ornandæ orationis do-  
ctrina continetur. Eadem enim hominis ratio, quæ  
cæteras artes inuenit, dicēdi quoque artificiũ illu-  
strauit. Nā primò terrã p̄ruagata, non modò eius  
formam, situm, fœcunditatem, sed eorũ etiam quæ  
in ea gignuntur, varietatem, vsum naturãq; cognouit.  
Tum mare ingressa profundum & immensum  
quot genera quãmq; disparia degentium in eo bel-  
luarum inuestigauit? Ex in siderum ornatũ & pul-  
chritudinẽ admitas, cognito prius aëre, & his, quæ  
ex eo generãtur, in cœlum vsq; penetrauit. In qui-  
bus rebus tam multis, tam variis, tam dissiũctis, tam  
abditis, atque obscuris inuestigandis, si tanta fuit ra-  
tionis sagacitas, & solertia in expolienda oratione,  
quæ eius comes, & interpret est, nõ minori p̄fecto  
fuit cura. Hic est eloquentiẽ ort⁹, hæc nobilitas, hæc  
cũ ratione cõiunctio. Qua de causã vehementer vi-  
gilandũ est iis, qui sapientiæ flagrant studio, emirẽ-  
dũque omni cura, ac diligentia, vt Rhetoricæ, dia-  
lecticęq; præceptis optimè cognitis, ad reliquatũ  
artium fastigium contendant. Quam viã iucundã,  
facilem, breuem, & quasi compendiariam, non mo-  
do non asperam, atq; arduam, aut longam esse con-  
perient. Quod vt facilius cõsequantur, hi tres libri  
artificium dicendi à veteribus traditũ breuiter ex-

plicabunt. Et in primo quidem libro, qui de inuentione est, sedecim argumentorū loci sunt explicati simul cū his, quę ad permouendos animos, ex eisdē locis eruuntur. Præcepta etiam quædam sunt exposita ad exornationem, & deliberationem accommodata. In secūdo verò, qui dispositionis præcepta cōtinet, de orationis partibus, de statu, iudicatione, & ea cōtrouersia, quæ ex interpretatione scripti existit: præterea de ratiocinatione, enthymemate, inductione & exemplo agitur. Et quoniā frequens mentio facta est ab antiquis auctoribus: Epicherematis, Soritis, & Dilemmatis, eorum vis explanatur. Tertius denique liber docet orationis ornatū, qui est in verbis vel simplicibus, vel cōiunctis. Itaque de verbis nouis, de inusitatis, de tropis, de luminibus verborum, & sententiarum, de origine, causa, natura, & vsu orationis aptæ, ac numerosæ, tum ad extremum de memoria, & pñciatione in eo differitur. Sed quò maior utilitas ex eloquentia percipi possit, Christianis præceptis diligēter ea purganda est. Vt enim bonus agricola vitem, quæ syluescit, & in onnes partes nimia funditur, ferro coercens, tū fructu lētiore tum aspectu pulchriorē reddit: sic eloquentia si amputetur errorū inanitas, in quos delapsa est vitio hominū diuinas leges ignorantium, suā admirabilē speciem recuperabit. Excidatur igitur mentiendi licētia, quā seuerē diuinis præceptis interdictā oratori. Quint. & antiqui rhetores cōcedunt amputetur ꝑccacitas, & vitium illud teterrimum lacerandi alios probris,



cōtumelijs, maledictis, cui vtiā ne Dēmosthenes  
& Ciperō tantopere indulgissent, referetur arrogan-  
tia, & inanis laudis appetitus, qui aciem animi per-  
stringit: intelligatur iniquū esse tenebras auditori-  
bus offundere, ne verū perspiciat; & suffragiū, atq;  
sententiā dicendo corrūpere, quod à Græcis, & Ro-  
manis oratoribus est factitatū. Hic tot, tantisq; de-  
letis maculis, cōtinuū existet illa diuina, & cœlestis  
Christianæ eloquētiæ pulchritudo, quæ tantò erit  
præclara magis & eximiā, quā tō diligentius ad om-  
niū hominū vtilitatē cōferet, & ad laudes celebrā-  
das Dei Opt. max. qui sermonē homini dedit, ad so-  
cietatē & cōiūctionē cū hominibus tuēdā. Hæc est  
illa Christiana eloquētia, quæ Gregorius & Basilius  
nobilissimū par amicitie, doctrinæ, sanctitatis, plu-  
rimū præstiterūt, & Iuliani amentissimi, & pphiga-  
tissimi hostis religionis impetus oēs fregerūt: hac  
excelluit Athanasius vir sanctissimus, quæ nec sæ-  
uissima periculorū tēpestas, nec humanorū cōmo-  
dorum aura potuit vnquā de suo cursu dimouere,  
quin Arrij impiū, & cōsceleratum cōprimeret fu-  
rorē: hac floruerunt Chrysostomi, Ambrosij, Au-  
gustini, Hieronymi, Cipriani, qui Christianæ Reip.  
fuerunt lumen longè clarissimū. Vt alios quā plu-  
rimos omittā, quorum est copia digna Christiani  
nominis gloria. Hos tales ac tātos viros qui volēt  
imitari, colat Christianā eloquētiā, quæ ex diuinā-  
rū rerū cura, & contēplatione, ex Christi Iesu amo-  
re, ex maximarum deniq; artium studijs efflorescit.





# DE ARTE RHETO-

## RICA LIBER. I.

Quid sit Rhetorica, quod eius officium  
& finis. Cap. I.

**R**hetorica est vel ars, vel doctrina dicendi. Ars est, quæ dat rationes certas, & præcepta faciendi aliquid, quæ habent ordinē, & quasdam errare in faciendo non patientes vias. Esse autē eloquentiæ artem perspicuum est: cū enim rerum minimarū sine arte nulla sit, hominum est parū consideratē iudicantium, credere maximarum rerū nullam esse artem. Dicere est, ornatē, grauitē & copiosē loqui. Rhetorica officium est, dicere appositē ad persuasionem: finis persuadere dictione.

quid sit ars  
De Claris  
orat.

Rhetorica  
est ars.  
De offic. 2.

Officium &  
finis Rhe-  
toricæ; de  
inuent. 2.

De vtilitate, dignitatēque Rhetoricæ. Cap. 2.

**D**ignitas eloquentiæ, vel ex eo intelligi potest, quod in omni libero populo, maximēque in pacatis, tranquillissimeque ciuitatibus præcipuē semper floruit, semperque dominata est. Quid enim aut tam iucundū cognitu, atque auditu, quā sapiētibus sentiētiis, grauibūque verbis ornata oratio, & perpolita: aut tam potens, tamque magnificum, quā hominū animos vnius oratione conuerti? Quid admirabilius quā res splendore illustrata verborū? Oratoris est in dando consilio de maximis rebus cum dignitate expli-

Eloquentiæ  
dignitas.  
De orat.

Oratoris,  
& in rep. &  
inter priu.

# DE ARTE

105 magna & præclara munera. *cata sententia, eiusdem & languentis populi incitatio, & effrenati moderatio. Eadem facultate fraus hominum ad perniciem, & integritas ad salutem vocatur. Quis cohortari ad virtutem ardentius? quis à vitiis acrius reuocare? quis vituperare improbos asperius? quis laudare bonos ornatiùs? quis cupiditatem vehementius frangere accusando potest? quis mærorem leuare mitius consolâdo? Ac ne plura quæ sunt penè innumerabilia, dicantur, breui statuendum est, perfecti oratoris moderatione & sapientia, non solum ipsius dignitatem, sed & priuatorum plurimorum, & vniuersæ Reipub. salutem maximè contineri. Quo maior igitur est eloquentiæ vis, hoc est magis probitati iungenda, summâque prudentia: quarum virtutum expertibus si dicendi copiam tradiderimus, non eos quidem oratores fecerimus, sed furentibus quadam arma dederimus.*

## De materia Rhetoricæ. Cap. 3.

Quid artis materia sit. De Inuent. 1.

**A**rtis materia est, in qua omnis ars & ea facultas, quæ conficitur ex arte versatur: ut si medicinæ materiam dicamus morbos ac vulnera, quodd in his omnis medicina versetur. Item quibus in rebus versatur ars & facultas oratoria, eas res materiam artis Rhetoricæ nominamus. Sed hoc interest inter alias artes & eloquentiam, nam ceteræ ferè artes se ipsæ per se tuentur singula: bene dicere autem, quod est scienter, peritè, & ornate dicere, non habet definitâ aliquam regionem, cuius terminis septa teneatur. Omnia quæcunque in hominû disceptatione cadere possunt, bene sunt ei dicenda, qui hoc se posse profiteatur, aut eloquentiæ nomen relinquendû est: materia enim oratori ad dicendum subiecta, quæstio est.

Quid inter artium extetarum & rhetoricæ materiâ inter sit. De orat. 1.

Oratoris materia est quæstio.

## De quæstione. Cap. 4.

**Q**uæstionum duo sunt genera, alterum infinitum, quod Græci Thesin, Cicero propositum vocat: alterum certum & definitum, quod hypothesein, illi Latini vel causam, vel controuersiam solent appellare. Propositum est, in quo aliquid generatim quaritur hoc modo: expetenda ne sit eloquentia? Causa est, quæ certis personis, locis, temporibus, actionibus, negotiisque cernitur: hoc modo, An Socrates iure fuerit ab Atheniensibus damnatus? Propositi duo sunt genera, cognitionis alterum, cuius scientia, est finis, ut an solis magnitudine multis partibus terra superetur? alterum actionis, quod refertur ad efficiendum quid, ut si quaratur quibus officiis amicitia colenda sit. Causarum tria sunt genera iudicij, deliberationis, exornationis, quæ quia in laudationes maximè confertur proprium habet ex eo nomen laudationis.

Quæstionum  
duo genera.  
In part.

Topic.  
Propositum  
quid sit  
De orato. 1

Quid sit  
causa.  
Topic.  
Propositum  
duo genera.

Cicer. in  
Topic. in  
Part.  
De orato. 3  
Quint. lib.  
3. cap. 5.  
Causarum  
tria genera.

## De exornatione, Deliberatione, &amp;

## Iudicio. Cap. 5.

**I**n exornatione duæ sunt partes, laus & vituperatio. Tempus tum præsens, tum præteritum. Spectat autem orator honestatem, præcipuè cum laudat: turpitudinem, dum vituperat: mouetque auditores ad delectationem. Deliberatio continet in se suasionem & dissuasionem, tempus verò futurum. Finis, quæ sibi proponit orator in suadendo est dignitas, mouetque diliberatorem ad spem maximè: in dissuadendo contra indignitatem spectat, & in reformidationem pertrahit. Iudicium habet in se accusationem, & defensionem: eius finis iustorum & iniustorum quæstione continetur, & ad seuitiam, aut clementiam index est incitandus.

De inuent.  
Ar. lib. 1.  
Rhet. ca. 4.  
Exornationis  
partes,  
tempus, &  
finis. In  
par. De inu-  
ent. 1. Ar. 1.  
Rhet. ca. 3.  
Cice. de or-  
at. 2.  
Deliberationis  
partes, tempus,  
& finis.  
In part.  
De inuēt. 1  
Iudicij par-  
tes tempus  
& finis.

Quomodo hypothesis ad thesin re-  
uocanda sit. Cap. 6.

Consulta-  
tio est pars  
causæ. In  
par. in top.  
Quintil. li.  
3. ca. 5.

**M**Aneat ergo & infinitas, & finitas questiones ad  
Mortuorū pertinere, sed cū cōsultatio sit quasi pars cau-  
sæ quædam & controuersia, inest enim infinitum in defi-  
nito, debet orator causā ad infiniti generis quæstionē trās-  
ferre: quod ut exemplo pateat finita est, An Aristotelis phi-  
losophia sit perdiscenda: eius quasi pars quædā est illa infi-  
nita, An philosophia sit perdiscenda ad quā orator finitā  
trāsferret. Sūt enim ornatissima orationes ea, quæ latissime  
vagantur, & à priuata, ac singulari cōtrouersia se ad uni-  
uersi generis vim explicandā conferūt, & cōuertunt, ut ij  
qui audiūt, natura, & genere, & uniuersa re cognita, de  
singulis rebus statuere possint. Quod ut facere possit orator  
excellēs, à propriis personis, & tēporibus semper, si potest  
auocat controuersiam, & ad uniuersi generis orationem  
traducit.

Cice. de o-  
rat. 3.  
Ornatissi-  
mæ sunt o-  
rationes  
quæ uniuers  
i generis  
vim expli-  
cant. In o-  
rat.

De partibus Rhetoricæ. Cap. 7.

De orat. 1.  
Quinque  
Rhetoricæ  
partes.

**Q**Vinq; sunt partes, & quasi mēbra eloquētiæ: inuen-  
tio, dispositio, elocutio, memoria pronūciatio. Opor-  
tet enim primū inuenire quid dicas, inuēta di-

De inuen-  
tio. 1.

sponere, deinde ornare uerbis, pōst memoriæ mādare, tū ad  
extremū agere. Inuētio est excogitatio rerum uerarū, aut  
uerissimilium, quæ quæstionem probabilem reddant. Di-  
positio est rerum inuentarum in ordinem distributio. Elo-  
cutio est idoneorum uerborum, & sententiarum ad inuē-  
tionem accommodatio. Memoria est firma orationis per-  
ceptio. Pronūciatio est ex rerum & uerborum dignitate  
corporis, & uocis moderatio. Nec audiendi quidam, qui  
iudicium sextam esse partem uoluerunt, adeo enim tribus

Iudicium  
non est  
Rhetoricæ  
pars. Qu.  
lib. 3. cap. 3.

primis partibus est permistū (nam nec inuentionio sine eo, nec dispositio, nec elocutio fuerit) ut pronuntiatio quoque vel plurimum ab eo mutuetur. Nec inuenisse credendus est, qui non iudicauit. Quod similiter in aliis partibus, quibus iudicium permistum est, existimare debemus. Hinc apparet quā praeclara res, quā etiam difficilis eloquentia sit quae ex quinque rebus constat, quarum unaquaeque est ars ipsa magna per sese. Quare quinque artium cōcursus maximarum, quantam vim, quantāque difficultatem habeat existimari potest. Sūt igitur quinque Rhetoricae partes omnino. At inuenire, disponere, eloqui, memoria complēti & pronuntiare opera sunt oratoris.

Non este-  
xistimā-  
dus  
inuenisse,  
qui sine iu-  
dicio inue-  
nit.  
De clar.  
orator.

Opera ora-  
toris.

Quibus eloquentia comparetur ac primū  
de Natura. Cap. 8.

**E**loquentia, quae quinq; supradictis constat partibus, natura, arte, & exercitatione cōparatur. Imitatione enim, vel arti vel exercitationi subijcere possis. De quibus singulis, quoniam maximi sunt momenti, & ponderis, aliquid dicendum est. Natura igitur primū, atque ingenii ad dicendum vim affert maximam. Nam & animi, & ingenij celeres quidam motus esse debent, qui ad excogitandum acuti, & ac explicandum, ornandūque sint uberes, & ad memoriam firmi, ac diuturni. Quae accendi, ac commoueri arte possunt, inferi quidem, & donari ab arte non possent omnia: sunt enim dona naturae. Illa etiam naturae sunt, quae cum ipso homine nascuntur, linguae solutio, vocis sonus, latera, vires, conformatio quaedam & figura totius oris & corporis. Quae tamen ab arte limari possunt, & quae bona sunt, fieri meliora possunt doctrina, & quae

Eloquētia  
compara-  
tur arte, na-  
tura; & ex-  
ercitatio-  
ne.  
Quint. li. 3.  
cap. 5.  
De orato. 1

Naturae do-  
na sunt ar-  
te meliora.

non optima, aliquo modo acui & corrigi possunt. Neque homines adolescentes, siquid naturale fortè non habet, dicendi studia relinquunt, magni enim facere debent illam ipsam, quancunque habuerint mediocritatem in dicendo.

## De arte. Cap. 9.

De orat. 1. **C**um natura, quæ optima est ars, iungi debet, quæ à Notatione naturæ profecta est. Notatio enim naturæ, atque animaduersio peperit artē. Habet igitur ars hanc vim, non ut aliquid, cuius in ingeniis nostris pars nulla sit, pariat, & procreet: verū ut ea quæ sunt orta iā in nobis, & procreata, educet, atque confirmet. Quæ de causa studiosè colenda est, ut quæ viam, & rationem dicendi doceat: & si Ars certior est dux quàm natura.

## De exercitatione. Cap. 10.

Exercitatio dicendi **I**n præstanti natura, quæ ars expoliuit, exercitatio absolutiōne perfectionemque dicendi consummat. Cum enim ad naturam eximiam, & illustrem accefferit ratio quæ dū confirmatioque doctrinæ, tum illud nescio quid præclarū, ac singulare solet existere. Quocirca interest permagni, studium, & ardorem quendam amoris assumere sine quo cū nihil quicquam egregium tum certè eloquentiā nemo unquam essequetur. Ex hoc ardore nascitur diligētia, quæ ut in omnibus rebus, sic in dicendi facultate plurimū valet. Hæc præcipuè colenda est nobis: hæc semper adhibenda: hæc nihil est quod non assequatur. Quoniam de Rhetorica definitione, dignitate, fine, officio, & materiā dictū est, quotque sint eius partes explicauimus, & naturam, artem, exercitationem eloquentiæ consequendæ necessarias ostendi-

mus, sequitur ut de singulis eius partibus differamus.

De inuentione.

Cap. 11.

In Partit.

**Q**uoniam igitur primū oratoris munus est inuenire, dabit operam ut inueniat, quemadmodum fidem faciat eis, quibus velet persuadere, & quemadmodum motum eorum animis afferat. Fidem facit orator argumentis, mouet incitando aut ad voluptatem, aut ad molestiam, aut ad metum, aut ad cupiditatem. tot enim sunt motus genera, partes plures generum singulorum. Cū enim omnis animi commotio ex opinione boni alicuius aut mali nascatur, letitia & cupiditas ex opinione boni nascuntur: agritudo, & metus in malorum opinione versantur. Est igitur agritudo, siue molestia, opinio recens præsens mali, in quo demitti, cōtrahique animo rectum esse videatur. Voluptas, opinio recens boni præsens, in quo efferrī rectum videatur. Metus, opinio impendentis mali, quod intolerabile videatur. Cupiditas, opinio venturi boni, quod sit ex usu iam præsens esse, atque adesse. Opinio autem, quæ in omnes superiores definitiones includitur, est imbecilla assentio. In proposito fidem solū facit orator, in causa verò fidem, & motum, de quo mox dicemus.

Orator facit fidē argumentis. Mo: us quatuor sunt genera. Cic. Tul. 4.

Quid inuentio, quid argumentum, & argumentatio.

Cap. 12.

**I**nuentio est excogitatio argumenti. Argumentū est probabile inuentum ad faciendam fidem: vel aliter, est ratio rei dubiæ faciēs fidē. Fides verò est firma opinio, ut si velis fidē facere eloquentiā esse expetendā, excogitēsque illud argumentum, nimirum esse artem benedicendi: possis hoc modo argumentationem cōcludere. Ars bene dicendi est expe-

Quid sit inuentio, quid argumentū. In part.



Quid sit ar-  
gumenta-  
tio Topic.  
Dialectici  
prestitusquā  
oratores ar-  
gumētatio-  
ne utitur.  
De orat.

tenda, ea est eloquētia: est igitur eloquentia expetenda. Est autē argumētatio argumēti explicatio, qua dialectici pres-  
sius: oratores ornatiūs, & liberiorē utuntur. Locus autē est sedes argumēti. Aristoteles enim proposuit quosdam locos ex quibus omnis argumentatio ad omnem disputationē in-  
ueniretur. Qui nihil aliud esse videtur quā notae quādā, quibus admonemur, quid in ipsis peruestigare debeamus.

Argumēta,  
vel insita  
sunt, vel as-  
sumpta. In  
top. in par.

Quotuplicia sint argumenta. Cap. 13.

**A**rgumēta partim in eo ipso, de quo agitur haerent quo circa insita dicūtur, partim extrinsecus assumū-  
tur, quae remota vocantur: quoniam absunt, longēque ab eo de quo agitur, disjuncta sunt: ut si dicas eloquētiā esse expe-  
tendā, quod bene dicēdi sit ars, ratio est insita, in eo de quo agitur. Eloquentia enim est ars bene dicēdi: sin expetendā dicas, quod Aristoteli, vel Ciceroni, vel Platoni ita visum sit, ratio erit remota, autoritas enim illorum virorum non est in ipsa eloquentia, quae suapte natura esset expetenda sine illorum commendatione.

De numero locorum. Cap. 14.

Loci argu-  
mētōrū in-  
sitorū sunt  
sedecim.  
In Topicis,  
in par.

**L**oci, unde argumēta insita eruuntur, numero sunt se-  
decim: alia enim ducuntur à definitione, alia à partiū enumeratione, alia à notatione, alia cōiugata appellātur, alia ex genere, alia ex forma, alia ex similitudine, alia ex dif-  
ferētiā, alia ex cōtrario, alia ex adiūctis, alia ex antecēdēti-  
bus, alia ex cōsequētib⁹, alia ex repugnātibus, alia ex causis alia ex effectis, alia ex cōparatione maiorū, aut parū, aut minorū. Argumēta extrinsecus assumpta Quintiliano sunt sex: pra iudicia, fama, tormēta, tabulae insinuatū, testes.

Argumen-  
ta assump-  
pta sunt  
sex. Quin.  
lib. 5. cap. 1.

De definitione. Cap. 15.

**D**efinitio est oratio, quæ id quod definitur, explicat quid sit: ut, Virtus est recta animi affectio, Rhetorica est doctrina dicendi. Definitionum multa sunt & genera, & præcepta, sed ad huius libri institutum ea nihil pertinent, tantum est dicendum, qui sit definitionis modus. Sic igitur veteres præcipiunt. Cum sumpseris ea, quæ sunt ei rei, quam definire velis, cum aliis communia, eo usque persequi, dum proprium efficiatur, quod nullam in aliam rem transferri possit, ut hoc, Rhetorica est ars: commune adhuc: multa enim genera sunt artium, ut grammatica, dialectica: unum adde verbū, Dicēdi: iam à communitate res disiuncta videbitur, ut sit explicata definitio. Rhetorica est ars dicēdi. Hac facultas definiēdi debet esse in eloquēte, ut definire rē possit. Est enim explicanda sæpe verbis mēs nostra de quaque re atque inuoluta rei notitia definiēdo aperiēda est. Definitio enim quasi inuolutum euoluit, id de quo queritur, sed id, nō faciet tā pressè & angustè quàm in illis eruditissimis disputationibus fieri solet: sed cum explanatius, tum etiam uberiorius, & ad commune iudicium, popularēque intelligētiam accommodatius. Sic Cicero, quid sint optimates definit, cum ait: Sed genus uniuersum (ut tollatur error) breui circūscribi, & definiri potest. Omnes optimates sunt, qui neque nocentes, nec natura improbi, nec furiosi, nec malis domesticis impediti. Argumēti à definitione talis est formula, Ius civile est æquitas constituta iis, qui eiusdē sunt ciuitatis, ad res suas obtinēdas, eius autem æquitatis utilis est cognitio, utilis est ergo iuris civilis cognitio. Sæpe etiam definiūt & oratores, & poætæ per translationem verbi ex similitudine cum quadam suauitate, quos licet imitari si adolescentiam

Definitio-  
num multa  
sunt genera.

In Top.  
Quid sit de  
finitionis  
modus.

Facultas  
definiēdi  
est oratori  
necessaria.  
In orat.

Orator de-  
finit ubi-  
tius & ex-  
planatius  
quā philo-  
sophus.

Pro Sestio.

Optimates  
qui sint.

In Topic.

Oratores &  
poætæ sæpe  
definiunt  
per transla-  
tionem.

florem ætatis senectutem occasum vitæ velis definire.

De partium distributione. Cap. 16.

In Top.

In offic.

**A**rgumento à partium distributione sic est utendum nullam ut partem relinquamus. Ut si velis probare calliditatē non esse virtutem à virtutis partibus, quæ quatuor sunt Prudentia, Iustitia, Fortitudo, Temperantia, sic probare possis. Omne quod honestum est, id quatuor partiū oritur ex aliqua, aut enim in perspicitiā veri, solertiāque versatur: aut in hominum societate tuenda, tribuendōque suum unicuique, & rerum contractarum fide: aut in animi excelsi, inuictique magnitudine, ac robore: aut in omniū quæ fiunt, quæque dicuntur, ordine, & modo, in quo inest modestia, & temperantia: calliditas ex nulla illarum partium oritur, non est igitur virtus.

Denotatione. Cap. 17.

Notatio  
Græcis Ety-  
mologia di-  
cta, orato-  
ribus, &  
poetis est fa-  
miliaris.  
Quint. 1. c.  
6. In Top.  
Met. lib. 1.  
Fast. 5.  
Vnde sena-  
tus dictus.  
Fast. lib. 4.  
April. vnde  
Argumen-  
tum à no-  
tatione.  
Vis huius  
exempli est  
in Orat. in  
Pisonem.

**E**tymologia, quæ verborum originem inquirat, à Cicerone dicta est Notatio. Ea sæpè utuntur Oratores, & Poeta, ut Ovidius.

Est via sublimis cœlo manifesta sereno,  
Lactea nomen habet candore notabilis ipso.

Et alibi.

A senibus nomen mite senatus habet.  
Nam quia ver aperit tunc omnia, densaque cedit  
Frigoris asperitas, foetæque terra patet,  
Aprilem memorant ab aperto tempore dictum.

A notatione sumitur argumentum, cū ex vi nominis elicatur, hoc modo: Si consul est, qui consulit patriæ, non igitur Piso consul, qui eam evertit.

De coniugatis. Cap. 18.

**C**onjugata dicuntur, quæ sunt ex verbis generis, eiusdem autem generis verba sunt, quæ orta ab uno variè commutantur, ut sapiens, sapienter, sapientia. Ex hac verborum coniugatione huiusmodi argumento usus est Ovidius.

In Topic.

Aurea nunc verè sunt sæcula, plurimus auro  
Venit honos.

Item Propertius. li. 3  
ele. 12.

Et Iuuenalis.

Saty. 8.

Summum crede nefas animam præferre pudori,  
Et propter vitam viuendi perdere causas.

In Pisonè.

Cicero etià. Cum enim esset omnis causa illa mea consularis, & senatoria, auxilio mihi opus fuerat & consulis & senatus. Est & illud elegans in primis. Homo sum humani nihil à me alienum puto. Cice. lib. de oratore 2. utitur exemplo, Si pietati summa tribuenda laus est, debetis moueri, cum Q. Metellum tam pie lugere videatis.

Teren. in  
heaut.

De genere & forma. Cap. 19

**G**enus est quod duas, aut plures partes sui ipsius communioni similes amplectitur. Partes, quas genus amplectitur formæ dicuntur, ut, Virtus est genus, plures enim formas, quatuor scilicet complectitur, Prudentiam, Iustitiam, fortitudinem, & temperantiam, quæ sunt, similes virtutis communiōe: ut prudentia enim, sic iustitia, sic fortitudo, sic temperantia virtus est. Hinc perspicuum fit, quid sit forma, est enim pars generi subiecta. Argumentum à genere sic tractatur. Virtutis laus omnis in actione consistit, prudentia igitur laus omnis in actione consistit. Ex forma autem, Quod iustitia est, utique virtus est.

De orat. 1.  
Quid ge-  
nus sit.Quid for-  
ma sit.  
De orat. 1.  
Officio 1.  
Arg. à gen.  
Arg. à for-  
ma.  
Quint. 5.  
cap. 10.

De similitudine, & dissimilitudine. Cap. 20.

Quid simi-  
litudo sit.  
Auctor ad  
Her. lib. 4.  
Arg. à simi-  
litudine.  
Phil. 2.  
Trist. lib. 1.  
ele. 4.

**S**imilitudo est, quæ traducit ad rem quampiam aliquid  
Sex re dispari simili: ex ea sumitur argumentū hoc mo-  
do. Cicero, Sed nimirū ut quidam morbo, vel sensus stupo-  
re suauitatem cibi nō sentiunt: sic libidinosi, auari, facino-  
rosi verè laudis gustum non habent. Ouidius,

Scilicet ut fuluum spectatur in ignibus aurum,  
Tempore sic duro est inspicienda fides.

Argumen-  
tum à dissi-  
militudine  
de orat.

Ex dissimilitudine siue differentia, ducitur hoc modo argu-  
mentum,

Si barbarorum est in diem viuere, nostra consilia sempiter-  
num tempus spectare debent.

De contrariis, Cap. 21.

Cōtrario-  
rum gene-  
ra sunt qua-  
tuor. Arist.  
in ca. de  
op. Cic. in  
Topic.  
Aduersa  
quid sint.  
Argumen-  
ta ab aduer-  
sis. Topic.

**C**ontrariorum genera sunt quatuor, aduersa, priuan-  
tia, quæ inter se conferuntur, & contradicentia. Ad-  
uersa sunt, quæ in eodem genere plurimū differunt, ut vir-  
tus, vitium quæ cum animi habitus sint, plurimum tamē in-  
ter se differunt: ut bellū, pax, sapientia, stultitia, ex quibus  
argumenta talia existūt. Si stultitiā fugimus sapiētiā sequa-  
mur, & bonitatē si malitiā. Hinc illud Dracis apud Verg.

Nulla salus bello pacem te poscimus omnes.

Perinde enī est, atque hoc: Bellū est nobis perniciosum, pax  
igitur expetenda est. Cicero, Quid cū fatentur satis magnā  
viri esse in vitiis ad miserā vitā, nōne fatēdū esse eā-  
dē viri in virtute esse ad beatā vitā? Contraria enim  
contrariorum sunt consequentia. Priuantia sunt habitus,  
& ei<sup>9</sup> priuatio, ut lux, tenebræ, vita, mors, sciētia, inscitia  
humanitas, inhumanitas: præpositio enim, in, priuat ver-  
bū ea vi, quā haberet, si in præpositū non fuisset. Ex his du-  
ctū est illud Cic. pro Miloniana, Eius igitur mortis sedetis

Tuscul. 5.

Priuantia  
quid sint.

Topic.

Argumentū  
à priuanti-  
bus pro  
Mil.

ultores, cuius vitam si putetis per vos restitui posse, nolitis. Tertio loco sunt ea, quæ inter se conferuntur, ut duplum, simplum: datû, acceptum: miles, & imperator: docere, & discere. Ex loco est illud Ci. ex quo profectò intelligi debet, quanta in dato beneficio sit laus, cû in accepto tanta sit gloria. & itè hoc, Nô igitur periculû est, ne quis putet in magna arte, & honesta, turpe esse docere alios id quod ipsis fuerit honestissimû discere. Huc pertinet Vergilianû illud,

Pro Marcel  
lo.

In Orat.

Lib. 1.

Arma rogo genitrix nato.

Ultimo loco sunt negantia valde contraria aientibus: ut, si hoc est, illud nô est: ex quibus necesse est, alterum verum esse, alterum falsum.

Negantia  
sunt valde  
contraria  
aientibus  
Top.

De adiunctis. Cap. 22.

**A**diuncta sunt ea, quæ cum re sunt coniuncta, ut locus, ut tempus, ut ea, quæ re circumstant: ut vestitus & comitatus hominem circumstant, & apparatus, colloquia pedum crepitus, strepitus hominum, rubor, pallor, cæteraque, quæ suspiciônè possunt mouere. Latissimè itaque patent adiuncta, nam & quæ in hominis sunt siue animo siue corpore, ut virtus, ut vitia, ut oris vel pulchritudo, vel deformitas, aliæque innumera comprehendunt. Ab his sumit argumentum Cicero pro Milone, cum ait, videamus nunc id, quod caput est, locus ad infidias ille ipse, ubi congressi sunt, utri tandem fuerit aptior, & multa deinceps: & paulo post, Videte tunc illum egredientem, primum egredientem è villa subitò, cur vesperi? quid necesse est tarde? quî conuenit, præsertim id tēporis? & pro Cornelio. Hunc quisquam incredibili quadam, atque inaudita gravitate virtute, cōstantia praditum fœdera scientē neglexisse vio-

Adiuncta  
quid sint.  
In Topic.

Latissimè  
patent ad-  
iuncta.

Argumen-  
tum ab ad-  
iunctis Cic.  
pro Mil.

Laus Pom-  
peii.  
Cic. pro  
Cor. Balb.



lasse, rupisse dicere audebit? loquitur autem de Pompeio.

Aristot. 1. t.  
Top. ca. 2.  
Quomodo  
antecedentia  
ab adiunctis  
distinguantur.  
In Topic.  
Cic.  
Consequentia  
quid  
sint Arist. 2.  
Topic. ca.  
2. Cic. in  
Top. Phil.  
7.

De antecedentibus, & consequentibus Cap. 23

**A**ntecedentia sunt ea, quæ sic antecedunt consequentia, ut cum ipsis necessario coherereant, quæ ratione ab adiunctis distinguuntur. Coniuncta enim nunquam necessario cohererent cum his, quibus adiuncta sunt. Argumenti ab antecedentibus talis est formula, Ortus est sol, igitur dies est. Consequentia vero sunt, quæ rem necessario consequuntur: ab eis ducitur argumentum, cum ratio rei dubia faciens fidem sumitur à consequentibus: hoc modo, Dies est, igitur ortus est Sol, Ex hoc loco est illud Ciceronis in Antoniū, Luculentā tamen ipse plagam accepit, ut declarat cicatrix probat enim; quoniam cicatrix magna esset, vulnus quoque fuisse magnū.

De repugnantibus. Cap. 24

Repugnantia  
differunt  
à contrariis,  
& dissimilibus.  
Argumentum  
à repugnantibus.

**R**epugnantia neque certa lege, neque numero inter se dissident: quæ ratione à contrariis, atque dissimilibus discernuntur. Exempli gratia, amare, & odio habere, contraria sunt: amare verò, & nocere, & ledere, & conciliis insectari, repugnantia sunt. Argumenti à repugnantibus talis est formula, Amat illum, igitur non insectatur illū conciliis. Hortensius non erat aduersarius Ciceronis aut obtrectator, semper enim est alter ab altero adiutus, & communicando, & monendo & fauendo.

Declar. o.  
rat.

Quid causa sit.

Cic. de fato. Genera causarum sunt quatuor.  
Finis quid sit. Arist. 1. 2. physic. c. 1.  
Cic. de Fin. 2.

De causis. Cap. 25.

**C**ausa est, quæ sua vi efficit id, cuius est causa: ut vulnus mortis, cruditas morbi, ignis ardoris. Eius quatuor sunt genera, finis, efficiens, forma, materia. Finis est, cuius gratia fit aliquid, ut domus finis est usus, belli pax hominis beata vita. Ab eo ducit argumentū hoc modo Cic.



contra Epicureos. Hi non viderunt, ut ad cursum equum ad arandum bouem, ad indagandum canem: sic hominem ad duas res, ut ait Aristoteles, intelligendum, & agendum esse natum, quasi mortalem Deum: contraque ut tardam aliquam & languidam pecudem ad pastum, & procreandi voluptatem hoc diuinum animal ortum esse voluerūt, quo nihil mihi videtur absurdius. Huius enim loci haec vis est, Homo natus est ad intelligendum & agdum, nō igitur ad pastum, & voluptatem est ortus. Efficiens causa est à qua aliquid est, ut, Sol diē efficit, toto caelo luce diffusa: Ab ea est illud Ci. cōtra senectutis vituperatores, Caret epulis, aiunt, extructisq; mensis & frequentibus poculis: caret ergo vinolētia, cruditate, et insomniis. Cui<sup>9</sup> loci vis in eo est, quod ubi causa deest, effecta quae ex illa oriūtur nullo esse modo possint. Et Nisus ut Euryalū seruet, se auctore cadis p̄stetur.

Homo ad intelligendū, & agendum est natus.

Efficiens causa quid sit. Arg à causa efficiēte. In lib de Senect.

Meme adsum, qui feci, in me conuertite ferrum

En. lib. 9.

O Rutuli, mea fraus omnis, nihil iste, nec ausus,

Nec potuit.

Forma est ratio rei, & nota per quā res est id, quod est, & à rebus aliis distinguitur, ut, Anim<sup>9</sup> est hominis forma, hic enim causa est, ut homo sit, eūque à reb<sup>9</sup> aliis distinguit. Sic dom<sup>9</sup>, sic nauis, sic ignis, sic terra, caterarūq; rerū sua forma est, vel artificiosa, vel naturalis. Ab ea ducitur argumentū hoc modo, Animi hominū immortales sunt, homines igitur ad aeternitatē, immortalitatēq; beata vitā aspirare debēt. Materia est, ex qua, & in qua res sunt, ut statuae, argētū, patera, corp<sup>9</sup> hominis. Ex materia sic sumitur argumentū, Corp<sup>9</sup> hominis mortale est, ab eius igitur societate & cōtagione immortalis anim<sup>9</sup> seu cādus est. Ex hoc loco, Regia solis

forma quid sit. Aristo. 2. Phisic ca. 3. Forma vel artificiosa est vel naturalis. Argumentū à forma: Cic. de Natura. Deo. l. 1.

Argumentū à materia.

Lib. 1. Met.  
lib 8.  
Locus à  
causis in  
omni scri-  
bendi gene-  
re suppedi-  
tat magnā  
copiam.  
Actio. 7. in  
Ver.

apud Ovidium, Arma Aenea apud Virgilium, multa signa  
sublata à Verre à Cic. describuntur. Ex his causarum gene-  
ribus tanquam ex fonte nō modò in causis, sed in omni scri-  
bendi genere magna argumentorum suppetit copia. Licebit  
igitur diligenter eo cognito nō modò oratoribus, & philo-  
sophis, quorum est proprius, sed historicis etiam & poetis  
multa, & varia, & copiosa, ex eo facillè depromere.

## De effectis. Cap. 26.

Effecta  
quid sint,  
eorum ge-  
nera.

Aristot. 1.  
post ca. 17.  
Ci. in Top.  
Effecta co-  
gnitis cau-  
sis & causis  
cognitis ef-  
fectis faci-  
lè intelli-  
guntur.  
Argumen-  
tum ab effe-  
ctu.

Effecta sunt ea, quæ sunt orta de causis. Eorum ut cau-  
sarum quatuor sunt genera, est enim suus effectus, &  
finis, & efficientis causa, itēque forma, ac materia. Quæ  
autem sint singularum causarum effecta, cognitis causis in-  
telligitur: ut enim, quod effectum est, quæ fuerit causa de-  
monstrat: sic causa effectū indicat. Nā si finis belli pax est,  
bellum eius pacis, quæ bello queritur, effectus est. Eodē-  
que modo dies solis effectus est & homo corporis, ac animi,  
quorum illud materia eius est, hic forma. Ab effectu sumi-  
tur hoc modo argumentum, Virtus facit laudem, sequenda  
igitur: at voluptas infamiam, fugienda igitur.

## De comparatione. Cap. 27.

Arg. à ma-  
ioribus ad  
minora.  
1. Aene.

Arg. à mi-  
noribus ad  
maior.

Locus à comparatione simplex quidem est, sed tripliciter  
tractatur: à comparatione nimirum maiorum, vel mi-  
norum, vel parium. A comparatione maiorum ducitur ar-  
gumentum cū contendimus ut id, quod in re maiori va-  
let, valeat in minori. Virgilius,

O passi grauiora, dabit Deus his quoque finem.

A minoribus ad maiora ducitur argumentum, ut id, quod  
in minori re valet, valeat in maiori. Ovidius,

Vt corpus redimas ferrum patieris, & ignes,

Arida nec sitiens ora leuabis aqua.

Vt valeas animo: quicquam tolerare negabis?

At pretium pars hæc corpore maius habet.

*Et Horatius.*

Vt iugulent homines, surgunt de nocte latrones,

Vt te ipsum serues, non expergisceris.

*Parium autem comparatio nec elationem habet, nec submissionem, est enim equalis. Multa autem sunt, quæ equalitate ipsa comparantur, quæ ita ferè concluduntur, Si consilio iuuare ciues, & auxilio æqua in laude ponendum est, pari gloria debet esse ij, qui consulunt, & ij qui defendunt. At quod primum, & quod sequitur igitur.*

De argumentis remotis. Cap. 28.

**A**rgumenta siue remota, siue assumpta non eo dicuntur sine arte, quod ita sunt, sed quod ea non parit oratoris ars sed foris ad se delata tamen arte tractat. Ea Cic. in Topicis testimonij nomine complectitur. Testimonium enim in eo loco dicit omne id, quod ab aliqua re externa sumitur ad faciendam fidem. Sed ad intelligendum erit facilius, si cum Quintiliano in præiudicia, rumorem, & famam tormenta, tabulas, iusiurandum, & testes ea diuidamus: quæ ut ipsa per se carent arte, ita summis eloquentiæ viribus & alluanda sunt plerunque, & refellenda. Quare genus harum rerum, quæ ad oratorem deferrebantur meditatum in perpetuum ad usum similitum rerum, veteres oratores habebant. Nunc translatis ab oratoribus ad iurisperitos iudiciis, ut veterum oratorum scripta intelligamus, cognoscenda sunt.

De præiudiciis & testibus. Cap. 29.

In Epist. 1.  
lib. 1. ad Lol  
lium.

In Top.  
Arg. à pari-  
bus.  
Consilio iu-  
uabant iur-  
isconsulti,  
auxilio O-  
ratores.

Argumen-  
ta remota  
arte tracta-  
tur.

In Part.  
Testimonij  
nomine cõ-  
prehendun-  
tur argu-  
menta re-  
mota.

In Top.  
Lib. 5. à c. 1.  
vsque ad 7.  
Argumen-  
ta remota  
sunt præiu-  
dicia, ru-  
mor, fama  
tormenta,  
tabulæ, iur-  
iurandum,  
& testes.

Quintil. li. 3  
cap. 2.  
Præiudicio  
rū tria sunt  
genera.

Cicero. pro  
Mil.  
Oratores  
olim ma-  
gno labore  
dicebant,  
pro testib'  
& contra te-  
stes.

**C**Aeteris quatuor omiſſis, quæ facile intelliguntur, de præiudiciis, & teſtibus dicamus. Præiudiciorum viſ omnis tribus in generibus verſatur: rebus, quæ aliquando ex paribus cauſis ſunt iudicata, quæ exempla rectius dicuntur iudiciis ad ipſam cauſam pertinentibus, unde etiam nomen dictum eſt, qualia in Milonem à ſenatu facta dicuntur: aut cum de eadem cauſa eſt pronunciatum. Veteres oratores & pro teſtibus, & contra teſtes magno labore dicebāt, ut è pluribus Ciceronis orationibus, maximè que oratione pro Flacco apparet. Nunc iudiciorum mutata ratio facit, ne is labor ſit neceſſarius, & ut de rumore, fama, tormentis, & iureiurando, pluribus agendum non ſit.

De uſu, & utilitate locorum. Cap. 30.

Loci multa  
meditatio-  
ne parati  
eſſe debent  
De orat. 2.

**H**O S locos multa commentatione, atque meditatione paratos, atq; expeditos, qui volet in dicendo excellens eſſe habere debet. Atq; ut quæque res ad dicendum erit ſuſcepta, tum deniq; ſcrutari locos, ex quibus argumēta eruat. Quæ quidem ei, qui mediocriter ea modò conſiderarit ſtudio adhibito, & uſu, pertractata eſſe poſſunt. Eſt enim utiliſſimum noſſe regiones, intra quas venere & perueſtigas quod quæras. Vbi eum locum omnem cogitatione ſepſeris, ſi modò uſum rerū percallueris, nihil te effugiet atq; omne, quod erit in re occurret, atque incidet. Ut enim ſi aurū cui, quod eſſet multifariam deſoſſum, commonſtrare aliquis vellet, ſatis eſſe deberet, ſi ſigna, & notas oſtenderet locorum, quibus cognitſis ille ipſe ſibi foderet, & id quod vellet, paruo labore nullo errore inueniret, ſic has argumentorum notas indicare ſatis eſt quæ illa quærenti demonſtrant, ubi ſint. Reliqua cura & cogitatione eruuntur.

Loci ſunt  
argumētu-  
rum notæ.

Qui modus in argumentis adhibendus. Cap. 31.

**N**ec verò imprudenter quisquam utetur hac copia, sed In orat. in Part. Argu. sunt se ligenda. *N*omnia expēdet, & seliget. Non enim semper, nec omnibus causis, ex iisdem argumentorum momenta sunt. Iudicium ergo adhibebit, nec inueniet solum quid dicat, sed etiam expendet. Nihil enim feracius ingenius, his praesertim, Nihil feracius ingenius quae sunt disciplinis exculta. quae disciplinis exculta sunt: sed ut segetes fecundae, & uberes, non solum fruges, verum herbas etiam effundunt inimicissimas frugibus, sic interdum ex illis locis, aut leuia quaedam, aut causis aliena, aut non utilia gignuntur. Quorum ab oratoris iudicio delectus magnus adhibebitur. Illud autem intelligendum est ex his locis & ad faciendam fidem, & ad afferendum motum auditorum animis materiam peti. Sed quia difficile est, etiam si locorum naturam cognoueris, ex illis ea, quae ad mouendos animos valent, eruere, de affectibus mouendis separatim dicamus, illud iterum monentes, nihil planè esse siue ad docendum, siue ad mouendum accommodatum, quod ex his supradictis fontibus non fluat.

De affectibus. Cap. 32.

**M**axima vis existit oratoris in hominum mentibus per- In orat. mouendis, quod amplificatione fit. Est enim amplificatio grauior quadam argumentatio, quae motu animorum conciliet in dicendo fidem. Ea & verborum genere conficitur & rerum. Quae verba in amplificatione ponenda sint, tunc dicemus, cum ad elocutionis praecepta venerimus. Rerum amplificatio sumitur ex eisdem locis omnibus, quibus illa, quae dicta sunt ad finem: maximèque definitiones valent conglobatae, & consequentiū frequentatio, & contrariarum & dissimilium, & inter se pugnantium rerum conflictio, & causae maximavis oratoris est in affectibus mouendis. In Part.

Qui loci maximè ad mouendum valcant.

## DE ARTE

Et ea quæ sunt orta de causis maximèque similitudine, & exempla: ficta etiam persona, muta denique loquantur.

De amplificatione à definitionibus conglobatis.

Cap. 33.

Historiæ  
laus per  
amplifica-  
tionē à de-  
finitionib;  
congloba-  
tis.  
De orat. 1

**A** Definitionibus conglobatis est illa Cic. amplificatio. *Historia verò, testis temporum, lux veritatis, vita memoria, magistra vita, nuncia vetustatis, qua voce alia nisi oratoris immortalitati commendatur? Est & illud ex eodem loco imprimis illustre exemplum eiusdem pro Sestio. Ignari quid gravitas, quid integritas, quid magnitudo animi, quid denique virtus valeret, quæ in tempestate sæva quietata est, & lucet in tenebris, & pulsa loco manet tamē, atque hæret in patria, splēdetque per se semper, nec alienis unquā sordibus obsolescit. Vbi sunt quinque quasi definitiones, tum historia, tum virtutis conglobatæ: rard enim adhibetur ab oratore definitio ad amplificandum, quæ genere declaretur, & proprietate.*

Definitio,  
quæ gene-  
re & pro-  
prietate de-  
claratur ra-  
rò ad am-  
plificandum  
adhibetur.

De amplificatione à consequentium frequentatione. Cap. 34.

A&7.

**A** Consequentium frequentatione est illa in Verrem amplificatio, *Cōstitue nihil opis esse in hac voce, cuius Romanus sum, iam omnes prouincias, iam omnia regna, iam omnes liberas ciuitates, iam omnem orbem terrarum, qui semper nostris hominibus maximè patuit, ciuib; Romanis ista defensione præcluseris.*

De amplificatione à contrariarum rerum conflictione. Cap. 35.

**A** Rerum contrariarum conflictione est illa amplificatio Cic. in Antonium: *Tam autem eras excors, ut tota in*

oratione tecum ipse pugnaret, ut non modò non coherentia inter se diceret, sed maximè disiuncta, atque cõtraria: ut non tanta tecum, quanta tecum tibi esset contentio: Vitricum tuum in tãto fuisse scelere fatebare, pœna affectũ querebare. Ita quod proprium meũ est, laudasti: quod totius senatus est, reprehendisti. Nam cùm comprehensio fontiũ mea, animaduersio senatus fueris: homo disertus non intelligit eum, quẽ cõtra dicit, laudari à se, eos, apud quos dicit, vituperari. Et in eisdem orationibus. O spectaculum illud non modò hominibus, sed undis ipsis, & littoribus luëtuo sum, cedere patria seruatoreĩ eius: manere in patria proditores. Et in Catil. Hoc verò quis ferre possit inertes homines fortissimis insidiari, stultissimos prudentissimis, ebriosos sobriis, dormientes vigilatibus? Ex hoc loco etiam est illud eiusdem in Pisonẽ, & Gabinium, Qui latrones igitur, si quidem vos consules? qui pradones, qui hostes, qui proditores, qui tyranni nominabuntur? Magnum nomẽ est, magna species, magna dignitas, magna maiestas Cõsulis, non capiunt angustia pectoris tui: non recipit leuitas ista: non egestas animi: non infirmitas ingenij sustinet, non insolentia rerum secundarum tantam personã, tam grauem, tam seueram.

Orat. 2.

In Pisonẽ.

In Piso.

De amplificatione à dissimiliũ, & inter se pugnantium rerum conflictione. Cap. 36.

**A** Dissimiliũ, & inter se pugnantium rerum conflictione sumpta est eleganter amplificatio Cic. Qua in re mihi ridicule es visus esse incõstãs, qui eundẽ & laderes, & laudares, & virum optimum, & hominem improbißimũ esse diceret: eundem tu & honoris causa appellabas, & virũ primariũ esse dicebas, & socium fraudasse arguebas.

Pro Ros.  
Com.



De amplificatione à causis conglobatis, & his, quæ  
sunt orta de causis. Cap. 37.

**C**Ausæ etiam, & ea, quæ sunt de causis orta, multũ va-  
lent ad amplificandum, si cõglobentur: Cicero multas,  
& varias causas, propter quas multi essent ab eo alienio-  
res, iuxit hoc modo, Cũ alij me suspicioni periculi sui non de-  
fenderet, alij vetere odio bonorum incitarentur, alij inuide-  
rent, alij obstarè sibi me arbitrarentur, alij ulcisci dolorem  
suum aliquem vellent, alij rem ipsam publicam atque hũc  
bonorũ statum ociũmque odissent, & ob hasce causas tot,  
tãque varias, me unum deposcerent. Orta verò de causis ad  
amplificandum adhibuit contra. M. Antonium, Doletis  
tres exercitus P. R. interfectos interfecit Antonius: Desi-  
deratis clarissimos ciues, eos quoque vobis eripuit Anto-  
nius: Auctoritas huius ordinis afflicta est, afflixit Anto-  
nius: Omnia denique quæ postea vidimus mala (quid autẽ  
mali non vidimus?) si rectè ratiocinabitur, uni accepta re-  
feremus Antonio. Ex hoc loco Mezentij immanem crudeli-  
tatem auget Euander apud Vergilium.

Tres exer-  
citus pop.  
Romani in  
bello civili  
Cæsaris &  
Põpei sunt  
interfecti.  
Phil. 2.

Lib. 8.

Quid memorẽ infandas cædes? quid facta tyrãni  
Effera? Dij capiti ipsius, generique referuent.  
Mortua quin etiam iungebat corpora viuis,  
Componēs manibúsque manus, atq; oribus ora,  
Tormenti genus, & sanie tabóque fluentes  
Complexu in misero, longa sic morte necabat.

De amplificatione à dissimilitudine atque  
exemplo. Cap. 38.

Cicero in  
Ver. 7.

**C**icero in Verrem, Non enim Charybdim tam infe-  
stam, neque Scyllam nautis quàm istum in eodẽ fre-

to fuisse arbitror. Vergilius etiam ex hoc loco pulchritudinē  
*Aeneae pulcherrimis carminibus amplificauit.*

Restitit Æneas, clarâque in luce refulcit,  
 Os, humerosq; Deo similis, namque ipsa decoram Aeneid. 1.  
 Cæsariem nato genitrix, lumenque inuentæ  
 Purpureum, & lætos oculi adflarat honores:  
 Quale manus addunt ebori decus, aut vbi flauo  
 Argentum, Pariusve lapis circumdatur auro.

*Idē mirificè expressit vim, qua Aeneas in Turnū hastā cōie-*  
*Cunctanti telum Æneas fatale coruscat.* (cit  
 Sortitus fortunam oculis, & corpore toto  
 Eminus intorquet: murali concita nunquam Aeneid. 12.  
 Tormento sic saxa fremunt, nec fulmine tanti  
 Dissultant crepitus: volat atri turbinis instar,  
 Exitium dirum hasta ferens.

*Ab exemplis verò est illa Ciceronis amplificatio pro Milo-*  
*ne, Quamobrē vteretur eadem cōfessione Titus Annius, qua* Pro Mil.  
*Hala, qua Nasica, qua Opimius, qua Marius, qua nosmet-*  
*ipsi. Et in Catilinā, an verò vir amplissimus P. Scipio Pon-*  
*tifex Maximus Tyberii Gracchum mediocriter labefactā-* In Catil.  
*tem statum Reip. priuatus interfecit: Catilinam verò orbem*  
*terra cade, atque incēdiis vastare cupiētem nos cōsules per-*  
*feremus? nā illa nimis antiqua prætereo, quod Q. Seruius*  
*Hala Sp. Melium nouis rebus studentem manu sua occidit.*

De fictis personis, & mutis rebus. Cap. 39.

**C**icero in oratione pro Calio, Appio Caco vita olim fun-  
 cto sermonem attribuit. Illa etiam oratio ad permou-  
 uendos animos magnā vim habet, cum mutis personis ser-  
 monem damus, ut Cicero fecit contra Catilinam, Etenim si  
 mecū patria, quæ mihi vita mea multo est charior, si cuncta

*Magnam  
 vim habet  
 ad animos  
 permouen-  
 dos cū mu-  
 tis personis  
 sermonem  
 damus.*

Italia, si omnis Respub. loqueretur M. Tul. quid agis? & ea, quæ sequuntur. Eandem etiam in eadem oratione cum Catilina loquentem facit eleganti oratione, cuius initium est, Nullum iam tot annos facinus extitit, nisi per te: nullum flagitium sine te. Fecit & Lucanus eandem cum Iulio Cesare loquentem, priusquam ille Rubiconem fluvium, qui dirimit Galliam ab Italia, transiret.

Lib. 1.

Ut ventum est parui Rubiconis ad undas  
 Ingens visa duci patriæ trepidantis imago;  
 Clara per obscuram vultu mœstissima noctem:  
 Turrigero canos effundens vertice crines  
 Cæsarie lacera, nudisque astarte lacertis:  
 Et gemitu permixta loqui. Quò tanditis vltra,  
 Quò fertis inea signa viri? si iure venitis,  
 Si ciues: huc vsque licet.

Quæ sint ad amplificandum adhibenda.

Cap. 40.

Ad ampli-  
 cādū adhi-  
 bēda sunt,  
 quæ magna  
 habentur.  
 In Partit.  
 Duplex est  
 genus rerū  
 magnarū.

Rerum vsu  
 magnarū  
 genera sūt  
 ad ampli-  
 cādū tria.  
 Maximè  
 mouentur  
 homines  
 honestate  
 virtutum,  
 quæ ad cō-  
 munionē  
 hominum  
 valent.

**S**I causa patitur, ea sunt ad amplificandū adhibenda, quæ magna habentur: quarum est duplex genus. Alia enim magna natura videntur, Alia vsu. Natura vt celestia, vt diuina, vt ea, quorū obscura causæ, vt in terris, mūdōq; admirabilia, quæ sunt: ex quibus, similibusque, si attendas, adaugendum multa suppetunt. Vsu habentur magna, quæ videtur hominibus aut prodesse, aut obesse vehemētius: quorū sunt genera ad amplificandū tria. Nam aut charitate mouentur homines, vt Dei, vt patriæ, vt parentū: aut amore, vt fratrum, vt coniugum, vt liberorum, vt familiarū: aut honestate, vt virtutum, maximèque earum, quæ, ad communionem hominum, & liberalitatem valēt. Ex his & cohortationes

tationes sumuntur ad ea retinenda, & in eos à quibus ea violata sunt, odia incitentur, & miseratio nascitur: proprius locus agendi in his rebus, aut amissis, aut euitandi periculo.

Quamuis enim neque ad probandum, neque ad amplificandum adhiberi quicquam potest, quod ex locis petitum non sit tamen ea ipsa, quæ petuntur è locis ad amplificandum, magna esse debent. Sic fecit Cic. in Catil. cum ait, Quapropter de summa salute vestra & pop. Rom. P. C. de vestris coniugibus, ac liberis, de aris, ac focus, de fanis ac templis, de totius urbis tectis, ac sedibus, de imperio, de libertate, de salute Italia, deque uniuersa Rep. decernite diligenter, ut instituisitis ac fortiter. Pleraque omnia sumpta sunt è loco ab adiunctis, sed sunt usu magna. Vergilius etiã cum Iulij Caesaris deplorat mortem à rebus natura magnis, quas ad locos supra dictos referre tamen possis, amplificationem duxit.

Ille etiam extincto miseratus Casare Romam,

Cum caput obscura nitidum ferrugine textit:

Georg. 1.

Impiãque, æternam timuerunt sæcula noctem

Quam usque ad libri finem elegantissimè prosequitur.

Quid in amplificatione seruandum. Cap. 4<sup>o</sup>.

**N**ihil in amplificatione nimis enucleandum est. Munita est enim omnis diligentia, hic autem locus grandia requirit. Illud est iudicij, quo quaque in causa genere utamur augendi: in illis enim causis, quæ ad delectationem exornantur, ij loci tractandi sunt, qui mouere possunt expectationem, admirationem, voluptatem. In cohortationibus autem bonorum ac malorum enumerationes, & exempla valent plurimum. In iudiciis accusatori ferè quæ ad iracundiam, reo plerunque quæ ad miserationem pertinent. Nonnunquam

Minura est omnis diligentia.

Quo genere amplificationis utendum in exornatione.

In cohortationibus bonorum, & malorum enumeratio per amplificationem tractanda est.

tamen accusator misericordiam mouere potest, & defensor iracundiam.

Cur quædam inuentionis præcepta ad causarum genera dentur accommodata: & de dignitate exornationis. Cap. 42.

Laus generis demonstratiui.  
De Orat. 2.

Quiut. li. 3.  
cap. 7.

1. Act. 4.

Animi motus leniter in exornatione tractantur.  
Arist. lib. 1.  
Rhet. ca. 6.  
Quint. li. 3.  
cap. 2.  
Exornatio maximè idonea ad scribendū.  
Quint. li. 3.  
cap. 7.

Laus hominum in ætate reposita diuiditur.

**E**T si ex suprâ dictis fontibus omnis ad omnem orationē emanat inuentio, tamen veteres oratores de generibus causarū (ut discantium minuerēt laborē) seorsum præcepta tradiderunt. De præceptis autem exornationis imprimis dicendum est. Nam & latum genus est, sanèque varium, ut quod ad laudandos claros viros, & ad improbos vituperandos suscipiatur: ad aliorum etiam vel animalium, vel carentium anima laudem, vel vituperationem adhibetur: ut Cicero laudes Pompeij in Oratione pro lege Manilia, Sicilia in actionibus in Verrem: studiorum verò humanitatis in oratione pro Archia poeta exornauit. Accedit etiam ad eius commendationem, quod nullū est genus orationis, quod aut vberius ad dicendum, aut utilius ciuitatibus esse possit, aut in quo magis orator in cognitione virtutū vitiorūque versetur. Conficitur autem genus hoc dictionis ad animi motus leniter tractandos, magis quàm ad fidem faciendam, aut confirmandam accommodatè. Proprium enim laudis est res amplificare, & ornare. Quam ob causam Aristoteles, & postea Cic. & Quintilianus idoneam maximè inter omnia genera causarum existimauerunt ad scribendum exornationem.

Ex tempore præterito quomodo laus ducatur.

Cap. 43.

**A**us hominū, cuius cognita præcepta facillè ad res alias transferentur, diuiditur in tempora quòdque ante eos

fuit, quôque ipsi vixerunt, In his autem qui vita sancti sunt, etiam quod est infecutum. Ante hominem patria, ac parentes, maioresque erunt, quorum duplex tractatus est: aut enim respondisse nobilitati pulchrum erit aut humilius genus nobilitasse factis. Illa quoque interim ex eo, quod ante ipsum fuit, tempore trahentur, quæ responsis, vel oraculis, vel signis futuram claritatem promiserint, ut in Diuo Iohanne Baptista, multisque aliis viris sanctissimis.

De tempore quo vixit is, qui laudatur.

Cap. 44.

**I**psius laus hominis ex animo, & corpore, & extrâ positis peti debet. Externa sunt, ut educatio, opes, diuitiæ, propinqui, amici, potentia, gratia, ceteraque huiusmodi. In corpore verò sunt hæc, forma, vires, valetudo, & his similia.

Qui hæc habuerit, laudabitur, quod bene illis sit usus: si non habuerit, quòd sapienter caruerit: si amiserit, quod moderatè tulerit. Et quanuis & corporis, & fortuna, quæ dicuntur

bona in se veram laudem non habeant, quæ deberi virtuti uni putatur, tamen quòd ipsa virtus in earum rerum usu, ac moderatione maximè cernitur, tractanda etiam in laudationibus hæc sunt. In quibus est summa laus non extulisse se in potestate, non fuisse insolentem in pecunia, non se pretulisse aliis propter abundantiam fortunæ: ut opes & copiæ, non superbiæ videantur, ac libidini, sed bonitati, ac moderationi facultatem, ac materiam dedisse. Inter corporis verò bona forma, quæ virtutem significat, facillè laudatur, quòd elegantissimè Latinus poëta his verbis significauit.

Tutatur fauor Euryalum, lachrymæque decoræ,  
Gratior & pulchro veniens in corpore virtus,

D ij

Quint. li. 3.  
cap. 7.  
Dupliciter  
tractatur  
laus eorū,  
quæ ante  
hominem  
sunt.

Laus homi-  
nis ex ani-  
mo, corpo-  
re & rebus  
externis pe-  
tenda est.  
Quint. li. 3.  
cap. 7.  
Cice de O-  
rat. 2.

Virtus in  
externarū  
rerum usu,  
ac modera-  
tione ma-  
ximè cerni-  
tur.

In Part.  
Inter bona  
corporis  
forma ex-  
cellit.  
Æneid. 5.



*Sed horum omnium leuior, at animi semper vera est laus, quæ quoniam à virtute profici scitur, de illa nunc dicendum est.*

*De animi bonis, & virtute quæ in scientia cernitur. Cap. 45.*

Virtus aut  
in scientia  
cernitur,  
aut in a-  
ctione.  
In Part.

Prudentia  
quid sit.  
Offic. 1.

In Part.

Dialectici &  
oratoria  
quasi mini-  
stra sunt &  
comites sa-  
pientia. E-  
loquentia  
est copiosè  
loquens sa-  
pientia.

**V**irtutis duplex est vis: aut enim in scientia cernitur vir-  
t<sup>us</sup> aut in actione. Namque, prudentia, quæque grauissimo  
nomine sapientia appellatur, hæc scientia pollet una, quæ ve-  
rò moderandis cupiditatibus, regendisque animi motibus lau-  
datur, eius est munus in agendo. Prudentia est rerum expe-  
tendarum, fugiendarumque scientia. Sapientia autem vir-  
tutum omnium princeps, est diuinarum humanarumque re-  
rum scientia. Sunt autem aliæ quasi ministra, comitesque  
sapientia: quarum altera, quæ dialectica dicitur, quæ sint in  
disputando vera, atque falsa distinguit, & indicat: altera est  
oratoria. Nihil enim est aliud eloquentia, nisi copiosè loquens  
sapientia, quæ ex eodem hausta genere, quo illa in disputan-  
do uberior est, atque latior, & ad motus animorum, vulgi-  
que sensus accommodatur. Studia etiam omnium bonarum  
artium ad hunc locum pertinent.

*De virtute, quæ in actione consistit. Cap. 46.*

Tres sunt  
partes vir-  
tutis in a-  
ctione posi-  
ta. Iustitia  
quid sit.  
Offic. 1.  
Iustitiæ  
partes.  
In Part.  
Fortitudo  
quid sit.  
De inuent.  
1. Tempe-  
rantia quid  
sit.

**V**irtus, quæ in actione posita est; tres habet partes, Iu-  
stitiã, Fortitudinem, & Temperantiã. Iustitia est vir-  
tus, quæ in hominum societate tuenda, tribuendoque suum cui-  
que, & rerum contractarum fide versatur. Illa erga Deum  
religio, erga parentes pietas, vulgò autem bonitas, credi-  
tis in rebus fides, in moderatione animaduertendi lenitas,  
amicitia in benevolentia nominatur. Fortitudo est con-  
siderata periculorum susceptio, & laborum perperessio, cu-  
ius est liberalitas in usu pecuniæ. Temperantia est ratio-



nis in libidinem, atque in alios nō rectos impetus animi firma, & moderata dominatio. Custos verò virtutum omnium, dedecus fugiens, laudēque maximē consequens, verecundia est.

Verecūdia  
est custos  
virtutum  
omnium.

Quomodo laus ab hoc loco sit ducenda.

Cap. 47.

**E**T quoniam singularum virtutum sunt certa quadam officia, ac munera, & sua cuique virtuti laus propria debetur: erit explicandum in laude iustitiæ, quid cum fide, quid cum æquabilitate, quid cum huiusmodi aliquo officio is, qui laudabitur, fecerit. Huc spectat illa Ser. Sulpitij laus apud Ciceronem. Nec verò silebitur admirabilis quadam, & incredibilis, & penè diuina eius in legibus, interpretandis, æquitate, explicandis, scientia. Omnes, qui ex omni ætate ac in ciuitate intelligentiam iuris habuerunt, si vnum in locum conferantur, cum Ser. Sulpitio non sunt comparandi. Neque enim ille magis iurisconsultus, quàm iustitia fuit. Itaque quæ proficiscebantur à legibus, & à iure ciuili, semper ad facilitatem, æquitatēque referebat: neque constituere litium actiones malebat, quàm controuersias tollere. Itēque in cæteris res gestæ ad cuiusque virtutis genus, & vim, & nomen accommodabuntur. Gratissima autem laus eorum factorum habetur, quæ suscepta videtur à viris fortibus sine emolumento, ac præmio: quæ verò etiam cum labore, & periculo ipsorum, hæc habent vberissimam copiam ad laudandum, quod & dici ornatissimè possunt, & audiri facillimè. Ea enim denique virtus esse videtur præstantis viri, quæ est fructuosa aliis, ipsi autem laboriosa, aut peri-

Singularū  
virtutum  
sunt certa  
quædam of-  
ficia.  
De orat. 1.  
In Part.

Phil. 9.

Res gestæ  
ad cuius-  
que virtu-  
tis nomen,  
& vim sunt  
reducendæ

Quæ vir-  
tus præ-  
stantis  
viri sit.

culosa, aut certè gratuita. Hinc Seruium Sulpitium mirificè Cicero laudat: quòd difficillimo Rēip. tempore, graui, periculosoq; morbo affectus auctoritatem Senatūs, salutemq; pop. Rom. vitæ suæ pręposuerit, contrāque vim grauitatē quæ morbi contenderit, ut ad castra Antonij, quo Sanatus cum miserat, perueniret. Magna etiam illa laus, & admirabilis videri solet, tulisse casus sapienter aduersos: nō fractū esse fortuna retinuisse in rebus asperis dignitatē. Sic Cic. Milonis in graui, ac difficili tempore vultum semper eundē & vocem, & orationem stabilem ac non mutatam cōmendat, & eius infractum, & excelsum animum extollit. Summę autem res erunt aut magnitudine præstabiles: aut nouitate primæ: aut genere ipso singulares. Eiusmodi rerū plenæ sunt orationes Ciceronis pro lege Manilia, & pro M. Marcello, in quarum altera Cn. Pompeium, in altera Iuliū Cæsarem laudat: neque enim parue neque v̄sitate, neque vulgares admiratione, aut omnino laude dignæ videri solēt.

Philip. 9.

Magna est  
laus tulisse  
casus sapienter  
aduersos.

Quæ res in  
laudatione  
ponendæ.

I. I. Ænci. 6.

Est etiam cū cæteris præstantibus viris comparatio in laudatione præclara. Sic apud Vergilium Augustus Cæsar cum his cōparatur, quorum erant illustres victoriæ.

Nec verò Alcides tantum telluris obiuit,  
Fixerit æripidem ceruam licet aut Erymanthi.  
Placarit nemora, & Lernam tremefecerit arcu.  
Nec qui pampineis victor iuga fle&it habenis,  
Liber agens celfo Nisæ de vertice tigres.

Philip. 3.

Et Cicero in philippicis M. Antonium cum Tarquinio superbo cōparat: & D. Bruti, qui regnare non patiebatur Antonium, beneficia in Remp. maiora esse docet, quàm L. Bruti, à quo Tarquinius expulsus est.

De tempore quod finem hominis insequitur.

Cap. 48.

**N**EC mors eorum, quorum vita laudabitur, silentio prateriri debet: si modò quid erit animaduertendum aut in ipso genere mortis, aut in iis rebus, quæ mortem erūt consecuta. In tēpore autē, quod finē hominis insequitur, in-sunt habiti post mortē honores, decreta virtutis præmia, res gestæ iudiciis hominum comprobata. Afferunt etiā laudem Quæ sunt laudā. in tēpore quod finē hominis insequitur. Liberi parētibus, vrbes cōditoribus, leges latoribus, artes in-uentoribus, necnon instituta quoque autoribus. Hinc est illud Ciceronis de Seruio Sulpitio. Quāquam nullum moni-mētum clarius Ser. Sulpitius relinquere potuerit, quā effigiem morum suorum, virtutis, constantiæ, pietatis, ingenij filium, cuius luctus aut hoc honore vestro, aut nullo solatio lenari potest, Et in alia oratione: Romulū, qui hanc urbem condidit, ad deos immortales beneuolentia famāque sustu- liberi parentibus, vrbes cōditoribus, leges latoribus, artes in-uentoribus, necnon instituta quoque autoribus. Hinc est illud Ciceronis de Seruio Sulpitio. Quāquam nullum moni-mētum clarius Ser. Sulpitius relinquere potuerit, quā effigiem morum suorum, virtutis, constantiæ, pietatis, ingenij filium, cuius luctus aut hoc honore vestro, aut nullo solatio lenari potest, Et in alia oratione: Romulū, qui hanc urbem condidit, ad deos immortales beneuolentia famāque sustu-

laudā. in tēpore quod finē hominis insequitur. Liberi parētibus, vrbes cōditoribus, in-uenta inue-toribus lau-dem affe-runt. Philip. 9.

In Catil.

De laude vrbiū. Cap. 49.

**L**AUDATUR vrbes similiter atque homines. Nam pro pa-  
vrbes simi-  
liter atque  
homines  
laudantur.  
Quint. li. 3.  
Cap. 7.  
Æneid. 6.  
vrēte est conditor, & multū auctoritatis affert vetustas  
& virtutes, ac vitia circa res gestas, eadēque in singulis.  
Illa propria, quæ ex loci positione, ac munitione sunt. Ciues  
illis vt hominibus liberi, decori. Ad hunc locū pertinet illud  
Vergil. de vrbe Roma.

En huius, nate, auspiciis illa inclyta Roma,  
Imperium terris, animos æquabit olimpo.

# DE ARTE

Septémque vna sibi muro circundabit arces  
Fœlix prole virum.

*Idem etiam poeta Italiae laudes elegantissimè celebrauit ex  
his locis, in secundo libro Georgicôn.*

## Dedeliberatione. Cap. 49.

Exornatio  
nis præcep-  
ta multum  
conferunt  
ad delibe-  
rationem  
Quintil. 3.  
cap. 7.  
Tria sunt  
spectanda in  
suadendo,  
vel dissua-  
dendo.  
Quint li. 3.  
cap. 8.

**Q**Uæ tradita sunt exornationis præcepta, multum ad  
sententiam dicendam valent: quia plerumque eadem  
illic laudari, hîc suaderi solent. In deliberando finis  
est dignitas, ad quem omnia referuntur in consilio dando,  
sententiâque dicenda. Sunt autem & in suadendo & dis-  
suadendo tria primùm spectanda, quid sit de quo delibera-  
tur: qui sint, qui deliberent: qui sit, qui suadeat.

## De re, de qua deliberatur. Cap. 50

**R**Em, de qua deliberatur, aut certum est posse fieri, aut  
incertum. Si incertum hac erit quæstio sola, aut poten-  
tissima. Sape enim accidit ut prius dicamus, ne si possit qui-  
dem fieri, esse faciendū, deinde fieri non posse. Cum autem de  
hoc queritur, cōiectura est, ut An Rex Emanuel terras ul-  
tra Oceanum sit inuenturus. Sic ait Cic. Pacem cum M.  
Antonio esse nolo, quia turpis est, quia periculosa, quia esse  
nō potest. Quæ tria diligentissimè in oratione explicat. Quæ  
dā & fieri posse, & futura esse credibile est, sed, aut alio tē-  
pore aut alio modo. Partes suadendi in uniuersum sūt tres,  
prima est, ut doceamus effici posse id, quod suademus: secūda  
deinde honestū esse: postremò verò esse utile. In primis ita-  
que videndū est an effici possit id, quod suademus: nā si quid  
effici non possit deliberatio tollitur, quamuis & honestū, &  
utile sit. videndum etiā est quā facile possit: nam quæ per-  
dificilia

Partes sua-  
dendi sunt  
tres. Siquid  
effici non  
potest deli-  
beratio tol-  
litur.  
Arist. Rhc.  
lib. 1. cap 4  
Cice. de o-  
rat. 3.

difficilia sunt, perinde habenda sunt, ac si effici non possint. Et cum de necessitate attendemus, & si aliquid non necessarium videbitur, videndum tum erit, quàm sit magnum. Quod enim permagni interest, pro necessario saepe habetur. Est apud T. Liuium praeclara P. Scipionis oratio, in qua & posse Annibalem in Africa vinci demonstrat: & ad dignitatem populi Romani, famamque apud reges, gentesque externas pertinere, non ad defendendam modò Italiam, sed ad inferenda etiam Africa arma, videri Romanis animum esse: & in primis esse utile requiescere aliquando diu vexatam Italiam, vri popularique inuicem Africam.

Quod permagni interest, pro necessario habetur. Li. 8. dec. 3.

De his qui deliberant. Cap. 51.

**D**iuersi sunt deliberantium animi: & siue consultant plures, siue singuli, in utrisque differentia est. Quia & in pluribus multum interest, senatus sit, an populus: Romani, an Hispani, an Galli: & in singulis, Cato, an Cicero, Caesar, an Pompeius deliberet. Proinde intuenda sexus dignitas, aetas, sed mores praecipue discrimen dabunt. Duo enim sunt hominum genera, alterum indoctum, & agreste, quod antefert semper utilitatem honestati: alterum expolitum, quod rebus omnibus dignitatem anteposit.

Quint. li. 3. cap. 8. Multum interest quis deliberet. Praecipue intue di mores ei, qui deliberat. In Part.

De prima parte suadendi. Cap. 52.

**S**i honestatis pulchritudo cerni oculis posset, mirabiles sui amores excitaret. Sed quoniam genus hominum ad honestatem natum malo cultu, prauisque opinionibus corruptum est, diligenti cohortatione opus est. Et honesta quidem apud honestos suadere facillimum est: si verò apud turpes recta obtinere conabitur, ne videamur exprobrare diuersam vitam, cauendum est. Et animus deliberantis non sola vir-

Magna est honestatis pulchritudo. Offic. 1. In Part. Facile est honesta apud honestos obtinere.

Lenissimi  
cuiusque  
animus fa-  
cillimè ter-  
recur.

Lib. 9.

tutis commendatione permouendus, sed laude, vulgi opinio-  
ne, & secutura utilitate, aliquando verò magis obijciendo  
aliquos, si diuersa fecerint, metus. Nam prater id, quod his  
leuissimi cuiusque animus facillimè terretur, nescio an natu-  
raliter apud plurimos plus valeat malorū timor, quàm spes  
bonorum. Sola virtutis commendatione incendit militum  
animos Cato apud Lucanum, ad aggrediendum iter difficil-  
limum, & periculosissimum.

O quibus vna salus placuit mea castra secutis  
Indomita ceruice mori componite mentes  
Ad magnum virtutis opus, summósque labores.

Quam orationem pulchra illa claudit sententia.

Serpens, litis, ardor, arenæ,

Dulcia virtuti. Gaudet patientia duris.

Lætius est, quoties magno sibi cōstat, honestum.

Quæ offi-  
cia quibus  
ante ponē-  
da.

Sape etiam controuersia inter hominum sentētias in illo est,  
utrū sit honestius. Affirmant autem viri sapientissimi omne  
officium, quod ad coniunctionem hominum, & ad tuendam  
societatem valet, anteponendum esse illo officio, quod cogni-  
tione, & scientia continetur. In ipsa autem communitate  
sunt gradus, ex quibus, quid cuique præstet, intelligi potest,  
ut prima Deo Optimo Max. secunda patriæ, tertia parenti-  
bus, deinceps gradatim reliqua reliquis debeantur. Ex qui-  
bus atque similibus intelligimus, quomodo hanc suasionis  
partem, quæ ad honestatem pertinet, tractare debeamus.

Facile, ma-  
gnū, iucun-  
dum ad vi-  
litis quæ-  
stionē per-  
tinent.

De utilitate. Cap. 53.

**A**N sit autem facile, magnum, iucundum, sine periculo,  
Ad quæstionē pertinet utilitatis. Suasor itaq; vel om-  
nia hæc, vel eorū pleraque inesse in eo, quod suadet, ostēdet.

Qui verò dissuadet, ille difficile, paruum, iniucundum, periculofum monstrabit. Hoc modo Fabius Maximus apud T. Quint. li. 3.  
cap. 8.  
 Liuium ne P. Scipio in Africā traiciat, contendit: cū An-  
 nibal hostis incolumi exercitu quartum decimum annum I- Li. 8. Dec.  
3.  
 talias obsideat. Nam nunc quidem præterquam quòd &  
 in Italia, & in Africa duos diuersos exercitus alere arariū  
 non potest, præterquā quòd unde classes tuamur, unde con-  
 meatibus præbendis sufficiamus nihil reliqui est: periculi tã-  
 dem, quantum adeatur quem fallit? Deinde grauitèr, & sa-  
 pienter difficultates multas, & pericula commemorat, quæ  
 futura sint, ni consul vterq; in Italia retineatur. Eodem etiā  
 modo propositis duobus utilibus, vtrum sit vtilius cōtrouer-  
 sia est. Cum autem species utilitatis cū honestate certat, qui De Orat. 1.  
 utilitatem defendet enumerabit commoda pacis, opum, potē-  
 tiæ, veltigalium, præsidij, militum, utilitatēq; ceterarū re-  
 rum, quarum fructum utilitate metimur: itemq; in commo-  
 da contrariorū. Ex his locis Catilina opud Salustii ad ne- Salust. de  
Catil.  
 farium facinus, quod ille maximū atque pulcherrimum vo-  
 cat, coniuratos hortatus, Vobis (inquit) est domi inopia, foris  
 æs alienū, mala res spes multò asperior, deniq; quid reliqui  
 habemus præter miseram animā? Quin igitur expergiscimi-  
 ni? en illa, quā sæpe optastis, libertas: præterea diuitiæ, de-  
 cus, gloria in oculis sita sunt. Curio similiter apud Lucanum  
 specie utilitatis Iulium Cæsarem ad ciuile bellum hortatur. Lib. 1.

Ballantem geminis tenuit te Gallia lustris,  
 Pars quota terrarum: facili si prælia pauca  
 Gesseris euentu, tibi Roma subegerit orbem.

Qui ad dignitatem impellet maiorum exempla, quæ erunt  
 vel cum periculo gloriosa, colliget, posteritatis immortalem



## DE ARTE

*memoriam augebit, utilitatē ex laude nasci defendet, semperque eam cum dignitate esse coniunctam. Hæc autem exercitatio defendendi speciem utilitatis contra honestatem, in qua una vera est utilitas, ad scholarum exercitationes utilis est: nam & iniquorum ratio noscenda est, ut melius æqua tueamur.*

De eo qui suadet.

Cap. 54.

Suadere aliquid, aut dissuadere gravissimæ est personæ. Nā & sapiētis est cōsiliū explicare suū de maximis rebus: & honesti, & disertī, ut mente providere, aut auctoritate probare oratione persuadere possit. Anteaacta vita si illustris fuit, aut clarius genus, aut ætas, aut dignitas affert expectationē videndū est ne quæ dicuntur, ab eo, qui dicit dissentiant. At his contraria summissiorem quendā modū postulāt. Nam, quæ in aliis libertas est, licentia vocatur, & quibusdam sufficit auctoritas, quosdam ratio ipsa ægrè tuetur.

Quint. li. 3. cap. 8.

Quædam in deliberatione observanda.

Cap. 55.

Ad dicendū probabiliter mores civitatis sunt cognoscendi. Minori apparatu apud sapientes dicendum. Cōcio capit omnem vim orationis.

**A**D cōsiliū de Rep. dandum caput est nosse Rēpublicam, ad dicendum verò probabiliter nosse mores civitatis, qui quia crebrò mutātur, genus quoque orationis est sæpe mutandū. In senatu minori apparatu dicendum est, sapiens enim est cōsiliū, multisque aliis dicendi relinquendus locus, vitanda etiam ingenij, ostentationisque suspicio. Concio capit omnem vim orationis, & gravitatē, varietatēque desiderat: maximæque pars orationis admouēda est ad animorum motus. Hoc videre est in quibusdam Ciceronis orationibus contra M. Antonium in senatu habitis, quæ cum

sint elegantes, & deserta, nullum tamen apparatus habent. At oratio pro lege Manilia, & orationes de lege Agraria multò magnificendum habent & ornatiùs genus dicendi. Vis autem ad suadendum exemplorum est maxima, aut recentium, quo notiora sunt, aut veterum, quo plus auctoritatis habent. Plerunque enim videntur respondere futura praeiudiciis habetúrque exprimentum velut quoddam rationis testimonium. Suadet Fabius Maximus in senatu, ne P. Scipio Annibalem in Italia relicto in Africã traiciat: Dies me deficiat (inquit) si reges imperatoresque temerè in hostium terras transgressos, cum maximis cladibus suis, exercitumque suorum enumerare vellem. Deinde vetus affert Atheniensium exemplum, qui classe in Siciliam transmissa, Republicam suam in perpetuum afflixerunt. Et nouum M. Attilij qui in ea ipsa Africa annis ante quadraginta in praelio victus, & captus est. Sequebatur, ut ea quae iudiciis accommodata sunt, explicarètur: sed quia iudiciorum mutata ratio, ut ea praecepta parum sint necessaria, efficit, & ex orationibus Ciceronis, & locis supradictis, tum etiam his, quae de partibus orationis dicuntur, facillè cognosci possunt: sequitur ut de secunda parte Rhetorica dicamus.

Exemplum maximum est vis ad suadendum.  
Arist. li. 1.  
Rhet. ca. 9.  
Quint. li. 3.  
ca. 8. Cic.  
In Parr.  
Experimentum est velut quoddam rationis testimonium.



# DE ARTE RHETO.

## RICA LIBER II.

### De dispositione. Caput I.

Quint. li. 7  
in pręfa.

De inuēt.  
In Part.  
In propo-  
sito qui ordo  
dispositio-  
nis sit ser-  
uandus.

**S**ECVNDVS hic liber dispositionis præcepta cōtinebit, quæ oratori perutilia sunt & maximè necessaria. Quid enim diligenter argumēta inuenisse cōferet, nisi pari diligentia, quæ inuenta sunt, collocentur? Excellentis ducis virtus non magis in diligendo fortissimo, & strenuissimo quoque milite ad bellum, quàm in instruenda ad pugnam acie cernitur: & si quā in corporibus nostris aliorumve animalium partem permutes, atque transferas, licet habeat eadem omnia, prodigium sit tamē. Et artus etiā leuiter loco moti perdunt, quo viguerunt vsum: & turbati exercitus sibi ipsi sunt impedimēto. Sic oratio carēs hac virtute, tumultuetur necesse est, & sine rectore fluitet, nec cohereat sibi: multa repetat, multa transeat, velut nocte in ignitis locis errās: nec initio, nec fine proposito, casum potius quā cōsiliū sequatur. Quapropter hic liber dispositioni seruiat. Est autem dispositio rerum inuentarum in ordinem distributio. Cuius in infinita quæstione ordo est ferè idem, qui expositus est locorum. In definita autem adhibenda sunt illa etiam,

quæ ad motus animorum pertinent. Atque eo fit, ut utamur exordio, narratione, cōfirmatione, & peroratione. Hæ sunt enim quatuor orationis partes, per quas inuenta distribuimus. Quarum duæ valent ad rem docendā, narratio & cōfirmatio: ad impellēdos animos duæ, exordium, & peroratio, de quibus sigillatim dicendum est.

Cur in causa orationis partibus utamur, duæ partes orationis valent ad rem docendam, ad impellēdos animos duæ In Parr.

De exordio. Cap. 2.

**E**Xordium est oratio, animum auditoris idoneè comparans ad reliquam dictionē. Id fieri tribus maximè rebus inter auctores plurimos constat, si beneuolū, attentum, docilem auditore fecerimus: quorum primus locus, id est, ut amicè audiamur, est in personis nostris, auditorum, aduersariorū è quibus initia beneuolentiæ conciliandæ comparantur: aut meritis nostris, aut dignitate, aut aliquo genere virtutis, & maximè liberalitatis, officij, iustitiæ, fidei, cōtrariisq; rebus in aduersarios conferendis, & cum auditoribus aliqua cōiunctionis aut causæ, aut sp̃e significanda. Cicero pro C. Rabirio perduellionis reo, Me cum amicitia vetustas, tum dignitas hominis, tum ratio humanitatis, tum meæ vitæ perpetua consuetudo ad C. Rabirium defendendum est adhortata: tum verò ut id studiosissimè facerem, salus Reip. Cōsulare officium, Cōsulatus denique ipse mihi vna vobiscum cū salute Reip. commendatus coegit. hæc autem accuratè in eo exordio, & ornatè explicat. In oratione verò pro P. Sylla sic ait: Quanquam ex huius incommodis magnam animo molestiā capio, tamen in ceteris malis faciliè patior oblatū mihi tempus, in quo boni viri lenitatē meam, misericordiāque notam omnibus quondam, nunc quasi intermissam agnoscerēt improbi ac perditī ciues edomiti, atque victi præcipitātē

Quid sit exordium, De inuent. Quint. li. 4 cap. 1. Aristot. 3. Rhet. c. 14. Auditor in exordio beneuolus, docilis, & attentus fieri debet. Quomodo concilietur beneuolentia. In Parr. Pro C. Rabirio.

Pro P. Sylla

## DE ARTE

Rep. vehementem me fuisse atque fortem, conseruata mitē ac misericordem faterentur. Et pro Cn. Plancio suam cum iudicibus coniunctionem significat his verbis. Nunc autem vester Iudices conspectus & confessus iste reficit, & recreat mentem meam, cum intueor & contemplor unumquemque vestrum: video enim hoc in numero neminem cui mea salus chara non fuerit, cuius non extet in me suum meritum, cui non sum obstrictus memoria beneficij sempiterna. Itaque nō extimesco, ne Cn. Plancio custodia mea salutis apud eos obstitit qui me ipsum maximē saluum videre voluerunt. At in oratione pro P. Quintio vim aduersariorū & gratiam in inuidiam vocat, & C. Aquiliū eōsque qui in cōsilio adsunt, orat atque obsecrat, ut multis iniuriis iactatam atque agitatam aequitatem in eo tandem loco consistere atque confirmari patiantur. Intelligenter autē ut audiamur, & attentē à rebus ipsis ordiendum est, sed facillimē auditor discit, & quid agatur, intelligit, si cōplectare ab initio genus naturamque causae, si definias, si diuidas, si neque prudentiam eius impediās cōfusione partium, nec memoriam multitudine. Sic exorditur Cicero pro A. Cluentio: Animaduerti Iudices, omnē accusatoris orationem, in duas diuisam esse partes: Quam distributionem ait certū sibi esse in defensione seruare, ut omnes intelligant nihil eum nec subterfugere voluisse reticēdo nec obscurare dicendo. Ut attentē autem audiamur, triū rerum aliqua consequemur. Nam aut magna quaedam proponemus, aut necessaria, aut coniuncta cū ipsis, apud quos res agitur. Luculenter hunc locum Cicero tractauit in exordio nobilissimae orationis pro Domo sua: Quod si vllō tempore magna causa in sacerdotum populi Ro. iudicio ac potestate

Pro Cn.  
Plancio.

Pro P. Qu.

Quomodo  
fiat auditor  
docilis.

Pro A. Clu-  
ent.

Qua ratio-  
ne redda-  
tur auditor  
attentus.

Pro domo  
sua.

versata est, hæc profectò tanta est, ut omnis Reipublica dignitas, omnium ciuium salus, vita, libertas, ara, foci, dij penates, bona, fortuna, domicilia, vestra sapientia, fidei, potestatique, commissæ, creditæque esse videantur. Verum ex his quæ propòsita sunt, aliud atque aliud pro varietate causarum desiderari palam est.

Quint. li. 4.  
cap. 1.

De generibus causarum.

Cap. 3

**G**enera porrò causarum plurimi quinq; fecerunt, honestum, humile, dubium vel anceps, admirabile, obscurum. Sunt quibus rectè videatur adijci turpe, quod alij humili, alij admirabili subiiciunt. Admirabile autè vocant, quod est præter opinionem hominum constitutum. In ancipiti maximè beneuolum iudicè, in obscuro docile, in humili attentum parare debemus: nam honestum quidem ad conciliationem satis per se valet, in admirabili, & turpi remediis opus est: & ed quidam exordium in duas diuidunt partes, principium, & insinuationem, ut sit in principiis recta beneuolentia, & attentionis postulatio, quæ quia esse in tui causa genere non possit, insinuatio surrepat animis, maximè ubi frons causæ non satis honesta est, vel quia res sit improba, vel quia hominibus parum probetur. Et quidem quibus aduersus hæc remediis sit medendum, consilium ex causis sumetur. Illud in uniuersum præceptum sit, ut ab iis, quæ lædunt, ad ea quæ prosunt, refugiamus. Si causa laborabim⁹, persona subueniet, si persona, causa. His etiam de causis insinuatione utendum est, si aduersarij oratio auditorum animos occupauerit, vel si dicendum apud fatigatos est: quorum alterum promittendo nostras probationes, & aduersas eludendo vitabimus: alterum & spe breuitatis, & iis, quibus attentum fieri auditorè do-

Quinque  
causarum  
sunt gene-  
ra.  
Quint. li. 4.  
cap. 1.  
Genus ad-  
mirabile.

Insinuatio  
quando sit  
necessaria.  
Quintil. 4.  
cap. 1. Ad  
Her lib. 1.  
Ci. de Iou.

Urbanitas  
opportuna  
reficit ani-  
mos.

De orat. 1.  
Exordia de-  
bent esse a-  
pta verbis,  
instructa  
sententiis.

In exordio  
leniter est  
alliciendus  
aut incitā-  
d<sup>o</sup> auditor.

*cuimus. Urbanitas etiam opportuna reficit animos, & unde-  
decunque petita auditoris voluptas leuat tadium.*

Cuiusmodi exordia esse debeant. Cap. 4.

**E**Xordia semper cum accurata, & acuta, & instructa  
sententiis, apta verbis, tum causarum propria esse de-  
bent. Prima est enim quasi cognitio, & commentatio orato-  
ris in exordio, quæ continuè eum, qui audit, permulcere, at-  
que allicere debet. Maxima autem copia exordiorum ad au-  
ditorem aut alliciendum, aut incitandum ex his locis trahi-  
tur, qui ad motus animorum conficiendos inerunt in causa:  
quos tamen totos in exordio explicari non oportebit, sed tã-  
tum impelli primò auditorem leniter, ut iam inclinato reli-  
qua incumbat oratio.

De vitiis exordij. Cap. 5.

Septem ex-  
ordij sunt  
vitia. De  
inuēt. lib. 1.  
ad Heren-  
lib. 1.  
Exordium  
vulgare.  
Cōmune.  
Commuta-  
bile.

**H**Aec autem sunt vitia certissima exordiorū, quæ sum-  
mopere vitare oportebit: vulgare, commune, commu-  
tabile, longum, separatum, translātū, contra præcepta. Vul-  
gare est, quod in plures causas potest accommodari, ut cōue-  
nire videatur. Commune est, quod nihilominus in hanc,  
quàm in contrariam partem causa potest conuenire. Cōmu-  
tabile est, quod ab aduersario potest leuiter mutatum ex cō-  
traria parte dici. Longum est, quod pluribus verbis, aut sen-  
tētiis, ultra quàm satis est, producitur. Oportet enim ut adi-  
bus, ac templis vestibula & aditus, sic causis proportionē re-  
rum principia præponere. Separatum est, quod non ex ipsa  
causa ductum est, nec sicut aliquod membrū annexum ora-  
tioni. Translatum est, quod aliud conficit quàm causæ genus  
postulat, ut si quis docilem faciat auditore, cū benevolentia  
causa desideret: aut si principio utatur: cū insinuationē res

Longum.

Separatū.

Translatum.



postulet, Contra præcepta, est quod nihil eorum efficit, quorum causa præcepta de exordiis traduntur: hoc est quod eum qui audit, nec beneuolum, nec attentum, nec docilem reddit aut, quo profectò nihil peius est, ut contra sit, facit.

De Exordio quædam in genere iudiciali. Cap. 6.

**D**ictum est de exordio in commune, restat ut breuiter, si quid in singulis generib<sup>9</sup> in exordio propriū est, adijciamus. Et ut à iudiciis incipiamus, veteres oratores diligenter id curabant, ut in genere iudiciali ex ipsis visceribus causæ sumerent exordia iudicem conciliabant non tantum laudando eum, sed laudem eius ad utilitatē causæ suæ coniungentes, allegando pro honestis dignitatem illi suam, pro humilibus iustitiam, pro infelicibus misericordiam, pro læsis seueritatem, & similiter cætera: metum nonnunquam amuebant, ut Cicero pro Milone, ne arma Pompeij cōtra se disposita putarent, laborauit: nonnunquam adhibebant, ut idē in Verrem facit. Dabant etiam operam ne ostentarent in principiis curam. Non semper autem exordio utebātur, sed in honestis, in paruis etiam, atque frequentibus causis, ab ipsa re omisso exordio incipiebant.

De exordio in exornatione, & deliberatione.

Cap. 7.

**P**raterea, quæ de exordio dicta in genus demonstratiuū facile transferri possunt, illud est notandum: exordia in eo esse maximè libera, ut Aristoteles existimat: Nam & longè à materia duci, & ex aliqua rei vicinia possunt. In deliberatione verò sæpe nulla vel breuia esse debent. Non enim supplex ut ad iudicem venit orator, sed hortator, atque auctor. Quare cū principio utetur, proponere qua mente

Ex causæ visceribus exordia in genere iudiciali sunt sumenda.  
Deota 2.  
Quint. li. 4. cap. 1.  
Laus iudicium est cū utilitate causæ iungenda.  
Nō semper exordio utēdū in iudicio Aristot. Rhet. li. 3. c. 14. Quint. li. 4. ca. 1. Cic. de orat. 2.  
In exornatione principias sunt maximè libera Rhet. ad Alex. ca. 31. & Quint. li. 3. cap. 3.  
In deliberatione principia vel nulla sunt, vel breuia. In Parr. Quint. li. 3. cap. 8.

## DE ARTE

dicat, quid velit, quibus de rebus dicturus sit, debet : hortarique ad se breuiter dicentem audiendum.

### De narratione. Cap. 8.

In Part.  
Narratio  
debet esse  
breuis, apert  
ta, & proba  
bilis. Quint.  
ti. li. 4. c. 1.  
In Part.  
Quint. li. 4.  
cap. 2.

Breuitas  
narrationis  
non sit inot  
nata.  
In patr.

Narratio  
iucunda sit,  
& suauis.  
In Part. &  
1. de orat.  
& Quint. li.  
4. cap. 2.

**N**arratio est rerum explicatio, & quaedam quasi sedes  
Nac fundamētū cōstituendae fidei. Oportebit autē eam  
tres habere res, ut breuis, ut aperta, ut probabilis sit: per  
quas efficitur, ut auditor intelligat, meminerit, credat. Erit  
autē breuis narratio, si constet simplicibus verbis, & semel  
unaquaq; res dicatur. Tum etiā si reciderimus omnia, qui-  
bus sublati neq; cognitioni quicquā, neque utilitati detra-  
hatur. Non tamen inornata debet esse breuitas, alioqui sit  
indocta. Erit autem perspicua, si verbis usitatis, si ordine  
temporum conseruato, si non interrupto narrabitur. Proba-  
bilis autem erit, si personis, si temporibus, si locis, ea quae  
narrabuntur consentient: si cuiusque facti, & euenti causa  
ponetur: si testata dici videbuntur: si cum hominum opinio-  
ne, auctoritate, si cum lege, cum more, cum religione coniun-  
cta: si probitas narrantis significabitur: si antiquitas, si ora-  
tionis veritas, & vitae fides. Ciceroni vehementer placet ut  
iucunda, & suauis sit narratio, eamq; suauē esse narratio-  
nē ait, quae habet admirationes, expectationes, exitus inopi-  
natos, quae interpositos motus animorum, colloquia persona-  
rum, dolores, iracundias, metus, laetitia cupiditates.

### Quando narratione vtendum sit. Cap. 9.

De Orat. 1.

**I**n iudiciis quando vtendum esset, aut nō esset narratio-  
ne id erat consilij. Nec enim si nota res esset, nec dubium  
erat quid gestum esset, narratio adhibebatur, nec si aduer-  
sarius narrauerat, nisi si refellebatur. In exornatione verd  
narratio non erit ulla, quae necessario consequatur exordiū,

sed si qua inciderit, cū aliquid eius de quo loquemur: nobis narrandum sit, cum laude, aut vituperatione, præceptio narrandi de hoc loco petitur. Nec multum sanè sæpe in deliberatione narrandum est: est enim narratio præteritarum rerū, aut præsentium: suatio autem futurarum. Priuata certè deliberatio narrationē nunquam exiget eius duntaxat rei de qua dicenda sententia est, quia nemo ignorat id, de quo cōsulit: extrinsecus possunt pertinētia ad deliberationem multa narrari. In concionibus sæpe est etiam illa, quæ ordinem rei docet, necessaria. Nunc ad confirmationem transeamus.

Arist. Rhet.  
3. c. 16.  
Ci. in Part.  
Quint. li. 8.

## De confirmatione. Cap. 10.

**S**equitur confirmatio, in qua suggerenda sunt firmamē- De orat. 1.  
sta causæ coniunctæ, & infirmandis cōtrariis, & nostris confirmandis, nanque una in causis ratio quadam est eius orationis, quæ ad probandā argumentationem valet: ea autem & confirmationem, & reprehensionē querit. Sed quia nec reprehendi quæ contradicuntur, possunt, nisi tua confirmes: neque hæc confirmari, nisi illa reprehendas: idcirco hæc & natura, & tractatione, & utilitate coniunctæ sunt. Tota autem spes vincendi, ratioque persuadendi, in hac parte posita est. Nam cū argumenta nostra exposuerimus, contrariæque dissoluerimus, absolute nimirum erit à nobis oratoris muneri satis factum. Vtrumque igitur poterimus commode facere, si constitutionem causæ cognouerimus.

Tota spes  
vincēdi est  
in cōfirma-  
tione. Ad  
Heren. li. 1.

## Quid sit status. Cap. 11.

**S**tatus est questio, quæ ex prima causarum conflictione nascitur, ut sit intentio accusatoris, Sylla coniurasti cū Catilina: depulsio verò defensoris, non coniuraui. Ex hac

Stat' nasci-  
tur ex pri-  
ma causa-  
rum confi-  
ctione.

## DE ARTE

*prima cōflictione nascitur illa quaestio coniuraueritne Sylla cum Catilina? quam quaestionem vel statum, vel constitutionem oratores appellant. Status autem appellatio dicitur ducta vel ex eo quodd ibi sit primus causa congressus, vel quodd in eo causa consistat.*

Statu sunt tres.

Cic. in Topic. & in Part.

Quint. li. 3. cap. 6.

Cōiecturalis status.

quid sit. Finitionis status quid sit.

Status qualitatatis quid sit.

Status qualitatatis habet partes duas. Ad Heren. li. 1.

Cic. de Invent. li. 1. & Quint. li. 7. cap. 4.

In quouis genere causarum reperiuntur tres status.

Ratio affertur à reo.

Cice. In Parr. ad Heren. li. 1. de Inuē. li. 1. & Quint. li. 3. cap. 1.

De ratione, firmamento & iudicatione. Cap. 13.

Quot sint status. Cap. 12.

Utrum tria sint, quae in omni disputatione quaerantur, sit nec ne, quid sit, quale sit, sit ut constitutiones quoque tres sint. Prima coniecturalis, in qua, sit necne quaerimus, ut sit necne insidiatus Miloni Clodius? secunda autem nominis, vel finitionis, cum quid sit aliquid, & quo nomine affirmandum inuestigamus, ut fueritne Iulius Caesar rex, an tyrannus, an dictator? tertia in qua de utilitate, honestate, aequitate differitur deque his rebus, quae his sunt contraria, ut Recte fecerit Romulus cum fratrem interfecit? Eius constitutionis partes sunt duae, quarum una absoluta, altera assumptiua nominatur.

Absoluta est, cum id ipsum quod factum est, ut aliud nihil foris assumatur, recte factum esse dicemus. Ea est eiusmodi: Pater filium verberauit, is iniuriam cum patre agit, pater nihil aliud defendit nisi licere filium à patre verberari. Assumptiua est, cum aliquid necessario foris assumitur, ut recte factum esse aliquid confirmemus: ut, Milo damnetur nisi foris assumat, à Clodio sibi esse factas insidias. Haec tres constitutiones & in exornatione, & in deliberatione, & in iudicio reperiuntur.

De ratione, firmamento & iudicatione. Cap. 13.

Ationē appellant oratores eam quae affertur à reo de pellendi criminis causa, quae nisi esset, quod defenderet

Ationē appellant oratores eam quae affertur à reo de pellendi criminis causa, quae nisi esset, quod defenderet

Ationē appellant oratores eam quae affertur à reo de pellendi criminis causa, quae nisi esset, quod defenderet

non haberet: firmamentū autem quod contra ad labefactā- firmamētū est quod ratio rei labefactatur.  
dam rationem refertur, sine quo accusatio stare non potest.

Ex rationis autem, & ex firmamenti consiliōne, & quasi Ex rationis & firmamēti cōsiliōne nascitur iudicatio.  
concurſu, quæstio exoritur quædam, quam iudicationem appellant, in qua, quid deueniat in iudiciū, & de quo disceptetur, quæri solet, hoc modo: Orestes cū cōfiteatur se interfecisse matrem, nisi attulerit rationem, peruertit defensionem: ergo affert eam: Illa enim, inquit, patrem meum occiderat. Tum contra rationem defensoris firmamētum ab accusatore subijcitur hoc modo: Sed non abs te occidi, tamē neque in-damnatā pœnas pendere oportuit. Ex cōiunctione rationis, & firmamenti iudicatio constituitur, hoc modo. Cū dicat Orestes se patris ulciscendi causa matrē occidisse, rectū mne fuerit a filio sine iudicio Clytemnestrā occidi? Ergo hoc ra- Ratio totius orationis ad iudicationem conferenda est.  
tione iudicationem reperire cōuenit, ad quam omnē rationē totius orationis cōferri oportebit. Nam primus status diffusam habet quæstionem, rationum verò, & firmamentorum contentio, adducit in angustum disceptationem. Ea in cōi- In cōiectura eadē & prima cōsiliatio, & iudicatio est extrema.  
etura nulla est, nemo enim eius quod negat factum, rationē aut potest, aut debet, aut solet reddere. Itaque in his causis eadem & prima quæstio, & disceptatio est extrema.

Quo statu quæstio, quæ in scripto existit  
contineatur. Cap. 14.

Sæpe ex scripti etiam interpretatione existit contentio, Quatuor modis in scripto existit controuersia.  
quod quatuor modis potest contingere. Aut enim defenditur non id scriptum dicere, quod aduersarius velit, sed aliud: id autem contingit cum scriptum ambiguum est, ut duæ differentes sententiæ accipi possint. Tum opponitur scripto voluntas scriptoris. Tum scripto scriptum contra-

Quin. li. 7.  
ca. 8. Ci. li.  
1. de Inuen.  
Antor. ad  
Her. lib. 1.  
Ambigui  
cōtrouersia  
Quint. li. 7.  
cap. 9.

Discrepan-  
tia scripti,  
& volūtatis  
Idem. li. 7.  
cap. 9.

Contraria  
leges.  
Idem li. 7.  
cap. 8.

Idem. li. 7.  
cap. 8.

Scripti cō-  
trouersia  
semper in  
qualitatis  
statu ver-  
santur.

rium affertur: aut ex eo quod scriptū est, aliud quoque quod scriptum non est ducimus. Ita sunt quatuor genera quæ cōtrouersiam in omni scripto facere possunt, ambiguum, discrepantia scripti, & volūtatis, scriptura cōtraria, ratiocinatio Ambiguum hoc modo. Testamento quidam iussit, poni statuam auream hastam tenentem: quæritur, Statua hastam tenens aurea esse debeat, an hasta aurea in alterius statua materia. Ex discrepantia verò scripti, & volūtatis, eiusmodi oritur cōtrouersia. Lex est, Peregrinus si murū ascenderit capite puniatur: cum hostes murum ascendissent, peregrinus eos depulit, petitur ad supplicium, ille volūtate allegat scriptoris. Ex contrariis scripturis, hoc modo existit contentio: lex est, Vir fortis optato præmium, quod volet: & altera lex est, Magistratus ab arce ne discedito: Magistratus qui fortiter egit, optat hoc præmium, ut ab arce liceat discedere: lex illi posterior opponitur, ipse verò priore se tuetur. In ratiocinatione verò quæritur, an ubi propria lex nō est, si mili sit utendum? ut lex est, lanas Tarento vehere nō liceat: quidam oues vexit, & si nulla lex certa est quæ factum eius nominatim prohibeat, tamen illa, quæ similis est accusatur. Itaque ex eo, quod certum est, id quod incertū est ducit hæc controuersia: quod quoniam ratiocinando sit, nomen etiā ratiocinationis accepit. Hæc quatuor controuersiarum genera quæ in scripto nascuntur, semper in qualitatis statu cadere cum Cic. debemus existimare, ut in primo genere status sit, utram æquū sit ex differentibus sententiis accipi: in secundo verò verbāne plus, an sententia valere debeant: in tertio, Vtrā legem sequi sit iustius: in quarto, oporteatne legem simile ad factum, quod venit sine lege in iudicium, accommodare.

Quomodo

Quomodo status tractetur.      Cap. 15.

**I**udicatio cū est constituta, proposita esse debet oratori, quō omnes argumentationes reperta ex inueniēdi locis coniiciantur, quod satis est ei, qui videt, quid in quoque loco lateat, quique illos locos tanquam thesauros aliquos argumentorum notatos habet. Quibus in mente, & cogitatione defixis, & in omni re ad dicendum posita excitatis, nihil erit quod in ullo dicēdi genere, oratorem possit effugere. Diligenter tamen ordinem, collocationemque argumentorum attendet, & curabit, ut firmissimū quodque sit primum, dum ea, quæ excellent, seruentur ad extremum, si quæ erunt mediocria (nam vitiosis nusquam esse oportet locum) in mediam turbam coniiciantur. Reliquum nunc est, quando de argumentorum locis, & causarum constitutionibus dictum est, ut rationem, qua expoliuntur ab oratore argumenta, quorum propria sedes est in confirmatione, accuratè doceamus.

Vtilissimū est locos in mēte, & cogitatione defigere.  
De orat. 2.  
Quomodo argumenta debeat collocari.  
Vitiosis argumentis nusquam locus esse debet.

De argumentatione.      Cap. 16.

**A**rgumentatio est argumenti vel explicatio, vel artificiosa expolitio. Sed ea conficitur, cū ex locis, de quibus superiori libro dictum est, aut probabilia sumpseris, ex quibus id efficias, quod aut dubium, aut minus probabile per se videtur: dubiis enim probari dubia quomodo possunt? Pro certis autem habemus primum quæ sensibus percipiuntur, utque videmus, audimus: deinde ea, quæ communi hominum opinione, atque sententia sunt cōprobata: ut, afficiendos esse honore parentes. Præterea quæ legibus cauta sunt, quæ persuasione, si non omnium hominum, eius certè ciuitatis, aut gentis, in qua res agitur, in mores recepta sunt: si quid inter utrāque partem cōuenit: si quid probatum est, denique cui-

Quid argumentatio sit  
Cic. in Par.  
Cic. lib. 1.  
de Inuent.  
Quint. li. 4.  
cap. 11.  
Quæ habentur pro certis sit li. 5.  
cap. 10.



Probabiliū  
generafunt  
tria.

*cumque aduersarius non contradicit. Probabilium autē genera sunt tria, unum firmissimum, quod ferè accidit, ut, liberos à parentibus amari: alterum velut propensius, eū qui rectè valeat, in crastinum peruenturum: Tertium tantum non repugnās, in domo furtum factum ab eo, qui domi fuit. Ad probandum verò id quod est dubium, hoc modo id, quod probabile est, potest adhiberi: sit dubium, an Catilina coniuravit, sumatur illud, quod credibile est: Homines aris alieni magnitudine oppressos, eos denique egētes, & sumptuosos, facile adduci ut coniurent: Iam id quod dubium erat, efficitur probabile: Catilinam coniurasse. Sed hac oratores nō tenuiter more Dialecticorū, sed copiosissimè expoliūt. Dicitur autem illa argumenti expolitio, argumentatio, de cuius quatuor partibus, ratiocinatione, inductione, enthymemate, & exemplo breuiter & enucleatè differemus.*

De ratiocinatione.

Cap. 17.

συλλογισμὸς  
vel ἰνκυσμα.  
Græcis  
appellatur.  
Ci. de Iuu.  
lib. 1. Quis.  
lib. 5 ca. 14.  
ad Her. l. 1.  
Propositio  
quid sit.  
Propositio-  
nis appro-  
batio Assu-  
ptio. Assum-  
ptionis ap-  
probatio.  
Cōplexio.

**R**atiocinatio, quam & syllogismum & epicherema Græci vocant, constat propositione, cum qua eius ratio iūgitur, deinde assūptione, & eius probatione, postremò cōplexione. Propositio, est per quā breuiter locus is exponitur, ex quo, omnis vis oportet emanet ratiocinationis. Propositionis verò approbatio est, per quam breuiter id, quod expositum est, rationibus firmatum probabilius, & apertius fit. Assūptio per quā id, quod ex propositione ad ostendendū pertinet, assumitur: assumptionis approbatio, per quam id, quod breuiter sumptum est, rationibus firmatur. Complectio, per quā id, quod conficitur ex omni argumentatione breuiter exponitur, hoc modo, sit propositio: Melius gubernatur ea, quæ consilio geruntur, quā quæ sine consilio administrantur: de

inde subiiciatur ratio. *Exercitus enim is, cui præpositus est sapiens imperator, omnibus partibus commodius regitur, quàm is, qui stultitia, & temeritate alicuius administratur. Assumptio deinde ponitur. Nihil autem omnium rerum melius quàm omnis mundus administratur, Assumptionis probatio, adiungitur: Nam & signorum obitus, & ortus definitum quendam ordinem seruant, & annuæ commutationes non modò semper eodem modo fiunt, verum ad utilitates quoque rerum omnium sunt accommodatæ. Tertio loco inducenda est complexio, quæ id infert, quod ex superioribus partibus cogitur hoc modo: Consilio igitur mundus administratur. Hæc uberiorius & doctius dicuntur in oratione, sed præcipiendi ratio hanc simplicem, & appertam breuitatem requirit.*

Quot sunt partes ratiocinationis. Cap. 18.

**E**X supradictis manifestum est, nihil referre siue tripartitam, siue quinq; partitam putes esse hanc argumentationem. Commodior tamen illa partitio videtur esse, quæ in tres partes distributa est, quod fit si propositionem, & eius rationem unam partem existimemus: alteram verò assumptionem, & eius exornationem: at si separet propositionem à ratione, & assumptionem ab exornatione, in quinq; partes distributa erit. Cùm propositio ex se intelligitur, sine ratione assumenda est. Assumptio etiã cùm perspicua est, nullius approbationis indiget. Quod si & propositio & assumptio perspicuæ sint, utraque approbatione præterita ratiocinationem cõficiem<sup>9</sup>, hoc modo. Summopere virtus expetenda est: At prudentiã esse virtutem in confesso est. Summopere igitur prudentia expetenda est. Vitare autem similitudinem, quæ satietatis est mater,

Nihil refert siue tripartitã, siue quinq; partitã ratiocinationem esse putemus Cic. l. i. de Inuẽ. Quint. l. i. cap. 14. Rectius existimatur ratiocinationem esse itipartitam, quam quinq; partitam. Cic. de Inuẽ. l. i. Similitudo quæ satietatis mater est in argumentationibus vitetur. Cic. in part. & lib. i. de Inuẽ.

*poterimus non semper à propositione ordientes, sed interdum à complexione, ab assumptione nonnunquam.*

## De Enthymemate. Cap. 19

Enthymema est syllogismi pars, vel syllogismus imperfectus.

Quint. li. 5. c. 10. & 14.

Optimū est enthymema expugnantibus.

Quint. li. 5. cap. 14.

Cic. in To. Homerus propter excellentiam, commune poetarū nomen effecit apud Græcos suum: sic cū omnis argumentatio bipartita enthymema dicatur, quia videtur ea quæ ex contrariis conficiatur, acutissima sola propriè nomen cōmune possidet. Eius generis est illud Cic. Eius igitur mortis sedetis ultores, cuius vitam si putetis per vos restitui posse, nolitis? Et illud

Ia Iug.

Li. Rhe. c. 1 & li. 1. post cap. 1. Enthymema

cur oratorius syllogismus dicitur. Li. 5. cap. 10. unde dictū fit enthymema.

inueniunt.

**E**nthymema est imperfectus syllogismus, vel ut alij definiūt syllogismi pars. Ratiocinatio enim tripartita est, ex tribus igitur eius partibus si una prateratur, bipartita fit argumentatio, quæ est enthymema, ut, Omnes artes sunt expetendæ: igitur expetenda est eloquētia. Intelligitur enim assumptio. Propositione verò praterita fit enthymema, hoc modo: Eloquentia est ars: igitur est expetēda. Optimū autē videtur enthymema quod fit ex pugnantibus, quod etiam solum enthymema quidam vocant, non quod non omnis argumentatio bipartita proprio nomine enthymema dicatur, sed ut Homerus propter excellentiam, cōmune poetarū nomen effecit apud Græcos suum: sic cū omnis argumentatio bipartita enthymema dicatur, quia videtur ea quæ ex contrariis conficiatur, acutissima sola propriè nomen cōmune possidet. Eius generis est illud Cic. Eius igitur mortis sedetis ultores, cuius vitam si putetis per vos restitui posse, nolitis? Et illud Mecipsæ ad Iugurtham apud Salustii. Quem alienum fidū inuenies, si tuis hostis fueris? Enthymemate sapius utitur oratores, quā ratiocinatione: quod mouit Arist. ut enthymema syllogismum oratorium esse diceret. Enthymema Quintil. commentū, aut commētationem interpretatur, quo nomine cū possint omnes animi cogitationes significari, argumentatio bipartita signatur. Alij propterea credunt bipartitam argumentationem enthymema appellatam, quod in animo maneat condita illa pars, quæ silentio est praterita.

**I**nductio est oratio, quæ rebus non dubiis captat assensionem auditorum, quibus assensionibus facit, ut illis dubia quadam res propter similitudinem earum rerum, quibus assenserint, probetur: vel, Inductio est argumentatio, quæ ex pluribus collocationibus peruenit, quod vult, hoc modo: Quod pōmum generosissimum? puto quod optimum: & equus? qui velocissimus: & plura in eundem modum. Deinde, cuius rei gratia illa proposita sunt: Ita hominum, non qui claritate nascendi, sed qui virtute maximè excellet, erit generosissimus. Hoc genere argumentationis plurimum Socrates usus est, propterea quodd nihil afferre ad persuadendum volebat, sed ex eo quod sibi ille dederat, qui cum disputabat, aliquid conficere malebat: quodd ille ex eo, quod iam concessisset, necessariò approbare debeat. Sed in oratione perpetua dissimile est. Etenim sibi ipse respondet orator. Poëtæ vehementer inductione delectantur: Vergilius inducit Aeneã à Sybilla petentem, ut iter doceat ad patrem, oratione fictis illa quidem fabulis plena, sed qua nihil esse possit vel blandius vel magis artificiosum: in qua hæc est inductio:

Si potuit manes arcessere coniugis Orpheus

Threicia fretus cithara fidibusque canoris?

Si fratrem Pollux alterna morte redemit,

Itque, reditque viã toties, quid Thesea? magnum  
Quid memorẽ Alcide? & mi genus ab Ioue summo.  
Sed maximè omnium eam frequentavit Ovidius, apud quẽ  
& multa & præclara sunt exempla: nos uno erimus contenti. Probat ille ad consolandam uxorem hac inductione, asperas res, & tristes segetem ac materiam est gloria.

Quid sit inductionis.

Cic. lib. 1.  
De Inuent.

Brevior inductionis definitio.  
In Topic.  
Quin. li. 5.

Inductione Socrates plurimum usus est.  
Arist. 19.  
Met. cap. 4.  
Cic. de Inuent. 1.

Lib. 6.  
Æneid.

Trist. li. 4.  
Eleg. 3.

Materiamque tuis tristem virtutibus imple,  
Ardua per præceps gloria vadit iter.  
Hæc tora quis nosset, fœlix si Troia fuisset?  
Publica virtutis per mala facta via est.  
Ars tua Tiphys iacet, si non sit in æquore fluctus:  
Si valeant homines, ars tua Phœbe iacet.  
Quæ latet, inque bonis cessat non cognita rebus,  
Apparet virtus, arguiturque malis.

*ἡ ἀπορία.*  
Quæ sunt  
in hoc ge-  
nere cauē-  
da.

*Hoc in genere duo sunt diligenter cauenda, primum ut illud quod inducimus pro similitudine, eiusmodi sit, ut sit necesse cōcedi. Deinde ut illud cuius confirmandi causa fiet inductio simile iis reb⁹ sit, quas res quasi nō dubias antè induxerim⁹.*

De exemplo.

Cap. 21.

Exemplum  
est indu-  
ctio imper-  
fecta. Arist.  
Rhet. i. ca. 1.  
& li. 2. c. 20  
Quint. li. 5.  
cap. 11.  
æcclè Arist.  
exemplum  
argumen-  
tationis  
partem esse  
dixit.  
Locis su-  
pra dictis &  
li. 1. prior.  
cap. 24. &  
Post lib. 1.  
cap. 1.  
*sumpt.*  
Exemplum  
vna re sin-  
gulari a-  
liam indu-  
cit.

**E**Xemplū est inductio imperfecta, vel quod idem est, In-  
ductio Rhetorica. Cicero pro Milone. Negant intueri  
lucem esse fas ei, qui ab se hominē esse occisum fateatur: in  
qua tandem urbe hoc homines stultissimi disputāt? nēpe in  
ea, quæ primum iudicium de capite vidit. M. Horatij for-  
tissimi viri, qui nondum libera ciuitate, tamen, Pop. Rom.  
comitiis liberatus est, cum sua manu sororem esse interfectā  
fateretur. Aliqui Aristot. summum in omni scientia virum,  
temerè ausi sunt reprehendere, quod exemplum genus argu-  
mentationis fecerit: sed magnus ille vir, & acuta mente  
præditus, maius quiddam perspexit: nimirum exemplum  
esse argumentum quidem à similitudine, sed in argumenta-  
tione positum efficere nouum argumentationis genus, quod à  
ratiocinatione, & inductione sine cōtrouersia differt. En-  
thymema autem esse non potest, cū in enthymemate semper  
generale aliquid vel ponatur, vel intelligatur: in exēplo ve-

re ex una re singulari alia inducatur. Vnde fit, ut sit quartū argumētationis genus, quod ea ratione ab inductione separatur, qua enthymema à syllogismo disiungitur.

## De Epicheremate.      Cap. 22.

**Q**uanuis argumētationis partes omnes sint iam exposita: tamen operæ pretiū fuerit, quid Epicherema, quid Sorites, quid Dilemma sit, explicare. Nā auctores, & quidē grauissimi, eorum mentionem fecerūt. Ea ubi explicata fuerint, facile intelligetur, cur noua argumētationis partes non debeant existimari. Epicherema igitur Græci aliquando argumentationem vocant, nonnunquam eam argumentationis partem, quam Cicero ratiocinationem appellauit, de qua paulō antè dictum est. Aliquando etiam Epicherema vocant, breuiter comprehensam ratiocinationem, cuius omnes partes in unam cōferuntur, hoc modo: Sine causa dominum seruus accuset? Similis enim est locus apud Ciceronē pro rege Deiotaro, quem seruus apud Cæsarem accusabat: En crimen, en causa, cur regem fugitiuus, dominum seruus accuset. Vbi vehemens argumentū Epicheremate inclusum & inuolutum est. Erit autem absoluta ratiocinatio si hoc modo euolueris: Sine causa non debet dominum seruus accusare: hic medicus est seruus Deiotari: nō igitur debet sine causa dominum accusare.

Quint li 5.  
cap. 14.

Epichere-  
ma est ali-  
quādo bre-  
uiter cōpre-  
hensa rati-  
ocinatio.  
Pro rege  
Deiot.

## De Sorite.      Cap. 23.

**S**orites contrā, multas argumentationes acervatim con-  
suoluit, atque completitur, unde nomen etiam inuenit. Cicero scripsit de eo in libro de Diuinatione his verbis: Si necesse sit, inquit, latino verbo liceat acervatē appellare, sed nihil opus est: ut enim ipsa philosophia & multa verba

Nisi sorites  
esset lati-  
no sermone  
ritius, pos-  
set acervatē  
appellari.  
Lib. 2.  
De diuin:

# DE ARTE

Offic.

ulgo ap-  
pellatur ar-  
gumētatio  
a primo ad  
vltimum.  
In. 5. Tusc.

Græcorū, sic sorites satis latino sermone tritus est. Pu'chrū imprimis est eius exemplū apud eundem Ciceronē: Atque sit, etiam hoc natura præscribit, ut homo homini quicūque sit, ob eam ipsam causam, quod is homo sit, consultum velit necesse est secundum eandem naturam, omnium utilitatem esse communem. Quod si ita est, unā continemur omnes, & eadē lege naturæ: idque ipsum si ita est, certē violare alterum lege natura prohibemur: verum autem primū, verum igitur & extremū. Sed apertissimē cōcludit sorites ille, qui est in Quinta Tusculana, propositum enim erat probare: Quod esset honestum, id solum esse bonum, id autem sic probat: Etenim quicquid sit quod bonum sit, id expetendum: quod autem expetendum, id certē approbandum quod verō approbandum, id gratum, acceptūque habendū: Ergo etiā dignitas ei tribuenda est. Bonum igitur omne laudabile. Ex quo efficitur, ut quod sit honestum, id sit solū bonum. In quo sorite cū per sex quasi gradus ad complexionem perueniatur, quinque ratiocinationes incluse sunt. Sed hoc argumentandi genus sæpe solet esse fallax, atque captiosum, dum enim minutatim, & gradatim multa adduntur, periculosissima respondet tela texitur, retexere igitur oportet, & seorsum singula considerare, sic facilius uniuersa franguntur. In hoc disputandi genere frequenter fuerunt Stoici, & Zeno qui eorum inuentor, & princeps fuit. Sed maximē omnium illo delectatus dicitur Chrysippus, ut Socrates inductione.

Sorites sæpe fallax est atque captiosus. Cicer. in Acad. Quomodo sit soriti resistendum. Persius Satyr. 6.

De dilemmate.

Cap. 24.

De dilemmate. Quid sit dilemma. ca. de inu. Orat. 1.

**D**ilemma est, in quo utrum concesseris reprehenditur, Cic. patriam cum Catilina sic agentem inducit: Quamobrem discede, atque hūc mihi timorē eripe: si verus ne op-



primar, sin falsus, ut tandem aliquando timere desinam. Et in epistola ad Quintum fratrem: Si implacabiles sunt iracundia, summa est acerbitas: sin autem exorabiles, summa lenitas. Dictum est autem dilemma, quod ita utrunque premat ac urgeat, ut ex altera parte capiat aduersarium, qua de causa cornutus etiam syllogismus vocatur: sic enim argumentationis cornua in eo disponuntur, ut qui alterum effugerit, in alterum incurrat. Cicer. complexionem appellat. Ea si vera est, nunquam reprehendetur: sin falsa duobus modis diluetur, aut conuersione, aut alterius partis infirmatione. Cum videre, inquit Varro apud Ciceronem philosophiam Gracis literis diligentissime explicatam, existimaui, si qui de nostris eius studio tenerentur, si essent gracis literis eruditi, graca, potius quam nostra lecturos: sin à gracorum artibus & disciplinis abhorrerent, ne hac quidem curaturos, quae sine eruditione graca intelligi non possunt: Itaque ea scribere nolui quae nec indocti intelligere possent, nec docti intelligere curaret. Hoc dilemma deinde Cicero in eum conuertit, hoc modo: Imo verò & latina legent: qui graca non poterunt, & qui graca poterunt, non contemnent sua. Veterum scriptis celebrata est conuersio ea, qua Euathlus discipulus Protagorae praeceptoris dilemma elusit: Alterius partis infirmatione reprehenderetur, si diceret Cicero: Et si doctis minus esset necessarium, tamen indoctis latine scribendo consului debere. Non est autem cur quisquam existimet complexionem, genus esse argumentationis à quatuor illis, de quibus supra dixi, diuersum. Est enim ratiocinatio imperfecta, quae à duabus partibus contrariis ducitur, cui si assumptionem subiunxeris, efficies ratiocinationem perfectam, hoc modo. Si implacabiles sunt iracundiae, summa est acer-

Vnde dictum  
sit dilemma.

Dilemma Ciceroni est complexio. De Inuent. lib. 1. Cōplexio falsa duobus modis diluitur. in Acad.

Euathlus conuertit in praeceptorem Protagorae ipsum dilemma. Gellius li. 5. cap. 10. Quomodo ex dilemmate fiat ratiocinatio perfecta.

bitas: sin autem exorabiles, summa lenitas: Sed vel implacabiles sunt iracundia, vel exorabiles: igitur in illis summa est acerbitas, vel summa lenitas.

De confutatione. Cap. 25.

**E**Xpositis generibus argumentationum, reliquum est, ut rationem, qua refutanda ac reprehendenda illa sunt, ostendamus. Refutatio dupliciter accipi potest. Nam & pars defensoris tota est posita in refutatione: & quæ dicta sunt ab aduersario debent utrinque dissolui, & hæc est proprie reprehensio, quam cum confirmatione, usu, & natura, & tractatione coniunctam esse diximus. Est autem reprehensio, per quam argumentando aduersariorum confirmatio diluitur, aut eleuatur. Hæc fonte inuentionis eodem utetur, quo utitur confirmatio: propterea quod quibus ex locis aliqua res confirmari potest, iisdem potest ex locis infirmari. Quare inuentionem & argumentationum expolitionem sumptam ex illis, quæ ante præcepta sunt, hanc quoque in partem orationis transferri oportebit. Sed ut facilius ea, quæ contradicentur, diluere, aut infirmare possimus, obseruare debemus, aut totum esse negandum, quod in argumentatione aduersarius sumpserit, si perspicuè falsum erit: ut pro Cluentio Cicero eum, quem dixerat accusator epoto poculo concidisse, negat eodem die mortuum: aut redarguenda esse ea, quæ pro verisimilibus sumpta sunt. Primum dubia sumpta esse pro certis, deinde etiam in perspicuè falsis, eadem posse dici. Tum ex iis quæ sumpserint non effici, quæ velint. Accedere autem oportet ad singula, sic vniuersa facilius frangentur.

Refutatio  
dupliciter  
accipi po-  
test. Quint.  
lib. 5. cap. 13.

Cice. 1. de  
Orat.

Quid refu-  
tatio sit.

De Inuent.  
lib. 1.

Eodem in-  
uentionis so-  
te utuntur

cōfirmatio,  
& confuta-  
tio. Quæ

sunt obler-  
uanda, ut,

quæ cōtra  
dicuntur, di-

luere, aut

infirmare

possimus.

Quint. li. 5.  
cap. 13.

Ci. in Part.

Quomodo sint argumentationes oratoriarum  
tractandarum. Cap. 26.Quint. li. 5  
cap. 14.

**I**n oratione insunt aliquando & ratiocinationes breuiter conclusæ, & aperta enthymemata, & inductiones, atque exempla subtili quadam, & breui oratione comprehensa. Quod ut reprehendendum non est, ita diligentissimè est curandum ne syllogismorum, & enthymematum turba conferta oratio sit: dialecticis enim disputationibus, quam oratoriis actionibus erit propior ac similior, quod longè aliter esse debet. Locuples enim, & speciosa vult esse eloquentia: quorum nihil consequetur, si conclusionibus certis, & crebris, & in una propè formam cadentibus concisa, & contemptum ex humilitate, & odium ex quadam seruitute & ex copia satietatem, & ex amplitudine fastidium tulerit. Feratur igitur non semitis, sed campis: non uti fontes angusti fistulis colliguntur, sed ut latissimi amnes, totis vallibus fluat: ac sibi viam, si quando non acceperit faciat. Adhibeatur in argumentando varietas & iucunda quadam distinctio, figuris verborum, & ornamentis sententiarum argumentatio expoliatur. Quod fuerit enim uberius, ac suauius, eò etià erit credibilior. Nunc sequitur ut de peroratione dicamus.

## De peroratione. Cap. 27.

**E**xrema pars orationis est peroratio, quæ diuisa est in duas partes, amplificationem & enumerationem. Augendi autem & hic est proprius locus in perorando, & in ipso cursu orationis declinationes ad amplificandum dantur, confirmata re aliqua aut reprehensa. Omnes enim affectus etià si quibusdam videntur in proæmio atque peroratione sedem habere, in quibus sanè sunt frequentissimi,

H ij

Oratio non debet syllogismorum, & enthymematum turba esse conferta. Locuples, & speciosa esse vult eloquentia. In argumento varietas est adhibenda. Cicero in Part.

Quod fuit uberius ac suauius eò erit credibilior argumentatio. Perorationis duæ sunt partes amplificatio & enumeratio. Quint. li. 6 cap. 1.

Affectus sunt in exordio, & peroratione frequentissimi in narratione & confirmatione breuioribus.

*tamē alia quoque partes recipiunt, sed breuiores, ut cum ex  
 his plurima sint reſeruanda. At hic ſi uſquā totos eloquētiæ  
 aperire fontes licet: hīc denique efficiēdum eſt oratori, ut nō  
 modō auditores qui ſua ſponte ſe dant, & quod impellit ipſe  
 inclinant, atque propēdent, penitus incitētur, ſed ut quietos  
 etiam & lāguentes poſſit vi orationis permouere. In quo &  
 ſi plus eſt operis, tantam vim habet tamen illa, quæ rectē à  
 bono poēta dicta eſt Flexamina, atque omnium regina rerū  
 oratio, ut non modo inclinantem erigere, aut ſtantē inclina  
 re, ſed etiam aduerſantem & repugnantē, ut imperator bo  
 nus ac fortis, capere poſſit. Quod uſque eò magnum eſt atque  
 præclarū, uſque eò admirabile, ut in eo penē ſint omnia. Ad  
 id autem conſequēdū, quæ ſuperiore libro de amplificatione  
 dicta ſunt valde conducunt: Sed illud caput eſt, in quo  
 optimi & grauiffimi auctores vna voce cōſentiunt, ut om  
 nes animi motus, quos orator adhibere uolet auditorbus, in  
 ipſo oratore impreſſi ſint atq; inuſti. Neque enim facile eſt  
 perficere ut incitentur alij, niſi iſ qui dicit, iis ipſis ſenſibus,  
 ad quos illos adducere uult, permoueatur. Vt enim nulla ma  
 teries tam facilis ad exardeſcendum eſt, quæ niſi admoto  
 igni, ignem concipere poſſit: ſic nulla mens eſt tam ad com  
 prehendam vim oratoris parata, quæ poſſit incendi, niſi  
 inflammatus ipſe ad eam, & ardens acceſſerit. Primum eſt  
 igitur ut apud eum, qui dicit ualeāt ea, quæ ualere apud au  
 ditores uolet: afficiatūrque priuſquā afficere conetur. Nihil  
 autē opus eſt ſimulatione, & fallaciis, ut toties omni animi  
 motu cōcitetur orator, Ipſa enim natura orationis eius quæ  
 ſuſcipitur ad aliorum animos per nouendos, oratorem ipſum  
 magis etiam quā quēquam eorum qui audiunt, permouet.*

In perora  
 tione peni  
 tus incitan  
 di ſunt au  
 ditores. De  
 orat. 2.

Magnam  
 vim habet  
 omnium re  
 gina rerum  
 oratio.

Cic. de or. 2.  
 Quint. li. 4.  
 cap. 2. Hor.  
 ſ. arte poet.

Ad mouen  
 dos animos  
 auditorum  
 caput eſt,  
 eū qui dicit  
 cōmoueri.

Qua ratio  
 ne mouea  
 tur iſ, qui  
 dicit.

Miram etiam vim habet in hoc ipsum, imagines rerum absentium ita cōplecti animo, ut eas cernere oculis, ac praesentes habere videamur: has quisquis bene conceperit, is erit in affectibus potentissimus. Hæc, quæ dicta sunt, vera esse iudicant multa Cic. perorationes, ut pro Milone, ubi ait, Sed finis sit: neq; enim præ lachrimis iam loqui possum, & hic se lachrimis defendi vetat: Et pro C. Rabir. Posthumo: Sed iam quoniam, ut spero, fidē, quam potui, tibi præstiti Posthume, reddam etiam lachrimas quas debeo. Et paulò post: Iam indicat tot hominū fletus, quàm sis charus tuis, & me dolor debilitat, includitque vocem. Aliis autē affectibus alia eiusdē perorationes sunt plena. Enumeratio autem nonnunquam laudatori, suadori nō sape, accusatori sæpius quàm reo est necessaria. Huius tempora duo sunt: si aut memoria diffidas eorum, apud quos agas, vel intervallo temporis, vel longitudine orationis: vel si frequentatis firmamenti vim est habitura causa maiorem: Quæ autem repetimus, quàm brevissimè dicenda sunt, & quod græco verbo patet, decurrendum per capita: nā si morabitur, non iam enumeratio, sed altera quasi fiet oratio. Quæ autē enumeranda erunt, cum pondere aliquo dicēda sunt, & aptis excitāda sententiis, & figuris utique variāda: alioqui nihil est odiosius recta illa repetitio ne velut memoria auditorū diffidentis. Est etiam in enumeratione vitandum, ne ostentatio memoria suscepta, videatur esse puerilis.

Quin. li. 6.  
cap. 1.  
Cic. in perorando fuit vehementissimus.  
Pro Mil.  
Pro C. Rabirio posth.

Enumeratio laudatori nonnunquam suadori non sape accusatori sæpius quàm reo est necessaria  
Cic. I Part.  
Enumerationis duo sunt tempora.  
Quint. li. 6 cap. 1.  
αὐτὸν καὶ φασὶν ὀρίσθαι.  
Quæ enumeratur cum pondere aliquid dicenda sunt, & varietate.  
Cic. in Part.

verò victoria. Hac cum ita sint, merito tertius hic libet, qui elocutionis praecepta continet, ut duobus superioribus utilior est, sic etiam erit aliquanto longior.

Quae in elocutione spectanda sint. Cap. 2.

**H**Aec in elocutione spectanda sunt, ut Latine, ut plane ut ornate, ut ad id, quodcunque agetur apte, congruenterque dicamus. De ratione puri, dilucidique sermonis, etsi permagni eam facere debemus, cum verborum delectus origo sit eloquentia, locus hic praeciendi non est. Nam traditur literis doctrinaeque puerili: & consuetudine sermonis quotidiani, & lectione veterum oratorum, & poetarum confirmatur. Reliquas igitur duas partes, quibus omnis admiratio ingenij, omnis laus eloquentiae continetur, explicemus: quae duae partes, illustrandae orationis, ac totius eloquentiae cumulanda, quarum altera dici postulat ornate, hanc habent vim, ut sit quam maxime iucunda, quam maxime in sensus eorum qui audiunt, influat, & quam plurimis sit rebus instructa.

quatuor in elocutione spectanda sunt. 3. De or. Verborum delectus, origo est eloquentiae. Caeſar auctore Ci. in Bruto.

Omnis eloquentiae laus continetur in apte, atque ornate dicendum.

De ornatu. Cap. 3.

3. De orat.

**O**Rnatur igitur oratio genere primum, & quasi colore quodam, & succo suo, nam ut grauis, ut suavis, ut erudita sit, ut liberalis, ut admirabilis, ut polita, ut sensus, ut dolores habeat quantum opus sit, non est singulorum articulorum, in toto spectantur haec corpore. Genus igitur dicendi est eligendum, quod maxime teneat eos, qui audiant, & quod non solum delectet, sed etiam sine satietate delectet. Sed volenti ornate dicere, diligentissime sylva rerum primum, sententiarumque comparanda est. Rerum enim copia verborum copiam gignit, & si est honestas, in rebus ipsis, de quibus dicitur, existit

Gen<sup>o</sup> dicendi eligendum est, quod sine satietate delectet. Rerum copia verborum copiam gignit.



ex rei natura quidam splendor in verbis, facileque suppedi-  
tat omnis apparatus, ornatuſque dicendi.

De ornatu orationis. Cap. 4.

Ornatus o-  
rationis  
aut est in  
ſingulis ver-  
bis aut in  
coniunctis.  
Cic. 3. de o-  
ra. In par-  
titionib.  
Quint. li. 8.  
cap. 3.

**O**Mnis oratio conficitur ex verbis, quorum primū nobis  
Oratio ſimpliciter videnda eſt, deinde coniuncte. Nā eſt  
quidam ornatuſ orationis, qui ex ſingulis verbis, eſt alius,  
qui ex continuatis, coniunctiſque conſtat. Ergo utemur ver-  
bis, aut iis quæ propria ſunt, & certē quaſi vocabula rerum,  
penē unā nata cū rebus ipſis, aut iis quæ nouamus & faci-  
mus ipſi.

De verbis ſimplicibus. Cap. 5.

Verba ſim-  
plicia alia  
ſunt conſo-  
nantiora,  
grandiora,  
& nitidiora.  
Cic. 3. de o-  
ra. In Part.  
Quint. li. 8.  
cap. 3.

**V**erba ſimplicia naturā ſunt, alia conſonantiora, gran-  
diora, leniora, & quodammodo nitidiora, alia contrā.  
Conſonantiora enim ſunt, quanquam, moderatio, & cōcer-  
tare, quā, & ſi, modēſtia, & conſligere, Grandiora imma-  
nis, cōtrucidare, optimus, officiōſiſſimus, quā hęc, magnus,  
necare, bonus, officiōſus. Nitidius, etiam bos, quā vacca.  
Vt ſyllaba autē ē literis melius ſonantibus clariores ſunt, ita  
verba ē ſyllabis magnis vocalia: & quō plus quæque ſpiri-  
tus habet, eō pulchrior: & quod facit ſyllabarū, idē verbo-  
rū quoque inter ſe copulatio, ut aliud aliq iunctū melius ſonet.  
In uniuerſum quidem optima ſimpliciū creduntur, quæ aut  
maximē exclamant, aut ſono ſunt iucundiſſima. Et honeſta  
quidem turpibus potiora ſemper, nec ſordidis unquam in o-  
ratione erudita locus. Clara verō, ac ſublimia materiæ modo  
cernenda ſunt. Quod enim alibi magnificum, tumidū, alibi:  
& quæ humilia circa res magnas, apta circa res minores vi-  
dētur: & ſicut in oratione nitida notabile eſt humilius ver-

Optima  
ſimpliciū,  
quæ aut ma-  
ximē exclā-  
mant, aut  
ſono ſunt  
iucundiſſi-  
ma.  
Cicero &  
Quint. ex  
Ariſt. rhet.  
Verba cla-  
ra & ſubli-  
mia mate-  
riæ modo  
cernenda  
ſunt.

bum,



bum, & velut macula, ita à sermone tenui sublime, nitidū-  
que discordat, fitque corruptū, quia in plano tumet. Sed ferè  
auriū quodam iudicio sunt ponderanda, in quo consuetudo  
etiam bene loquendi valet plurimum. Sed quoniam tria sūt  
in verbo simplici, quæ orator afferat ad illustrandam, atque  
exornandam orationem, aut inusitatum verbum, aut noua-  
tum, aut translatum, de singulis breuiter dicamus.

De verbis inusitatis. Cap. 6.

**I**nusitata sunt prisca ferè, ac vetusta, & ab usu quoti-  
diani sermonis iam diu intermissa, quæ sunt poetarum li-  
cētia liberiora, quàm oratorum, eoque ornamento acerrimi  
iudicij P. Vergilius vnice est usus, olī enim, & quia nā, &  
pone, pellucēt, & aspergunt illam (quæ etiam in picturis est  
gratissima) vetustatis inimitabilem arti auctoritatem. Ha-  
bet etiam in oratione poeticum aliquod verbum dignitatem  
si raro etiā, & in loco adhibeatur. Neque enim est, cur illud  
quisquam fugiat dicere, vt Cælius, sobolem, aut effari, aut  
nuncupari, & alia multa: quibus loco positis grādiōr, atque  
antiquior oratio sæpe videri solet.

De verbis nouis. Cap. 7.

**N**ouantur autem verba, quæ ab eo qui dicit ipso gig-  
nuntur, ac fiunt, aut similitudine, aut imitatione, aut  
inflexione, aut adiunctione verborū. Similitudine: vt syl-  
laturit: à Cicerone formatū est: & ab Asinio, simbriaturit, ad  
similitudinē verbi proscribitur: & à Liuiō, sobolescere, ab  
Horatio, inuenescere, à Vergilio letescere, & ignescere di-  
ctū est, vt feruescere. Imitatione facta sunt tinio, rugio, clā-  
gor, murmur, aliāq; permulta. Inflexione, vt à bibo bibosus,  
inflexit Laberij Mimographus. Adiunctione versutiloquus,

Verba sim-  
plicia iudi-  
cio aurium  
sunt pōde-  
randa.

Quæ sunt  
verba inu-  
sitata. Vir-  
gilius miri-  
ficē vsus est  
verbis inu-  
sitatis.  
Quint. li. 8.  
cap. 3.  
Ænc. 1. & 1.

Quatuor  
modis ver-  
ba nouan-  
tur.  
3. De orat.  
Ad Atti. lib.  
6. in epi. 2.  
Dec. 3. li. 9.  
Lib. 4. car.  
Ode. 7.  
Geor. 2. &  
Æncid. 9.

Græcis magis concessum est fingere, quam Latinis. *Quint. li. 8 cap. 3.* *Quibus remediis præmunitur, quæ periculosius fuisset videtur.* *Quid Tropus sit. Quint. li. 8 cap. 6.* *Græcis magis expectorare, nouit Ennius. Sed Græcis magis concessum est fingere, audendum tamen aliquando: & si quid periculosius finxisse videbimur, quibusdam remediis præmunendum est. Ut ita dicam, Si licet dicere, Quodammodo, Permitted mihi sic dicere, In quo non falli iudicium nostrum, solitudine ipsa manifestum erit. Nunc quoniam de verbis inusitatis & nouis dictum est: de tropis, nam illis verba transferuntur, exponamus.*

## De tropis. Cap. 8.

**T**Ropus verbi, vel sermonis à propria significatione, in aliam cum virtute mutatio: ut cum dicimus, *latas segetes*, verbum, *latus*, à propria significatione, qua *latos homines* dicimus, ad *segetes* cum virtute transfertur. Sunt autem tropi numero undecim. In uno verbo septem, Metaphora, Synecdoche, Metonymia, Antonomasia, Onomatopœia, Catachresis, Metalepsis. In oratione verò quatuor, Allegoria, Periphrasis, Hyperbaton, & Hyperbole: de quibus, tametsi nondum de eo dicamus ornatu, qui ex coniunctis, continuisque verbis constat, breuiter scribemus, ne iterum de tropis differere cogamur.

*μεταφορά, Translatio cum frequentissimum tropus est tum longè pulcherrimus Arist. Rhe. lib. 5. ca. 2. Quint. li. 8 cap. 6. Translatio generis genuit necessitas, iocunditas celebrauit. 3. De oratione. Aut ad Her. lib. 4. Quid translatio sit. Quint. li. 8 cap. 6.*

## De Metaphora. Cap. 9.

**I**ncipiamus igitur ab ea, qui cum frequentissimus est, tum longè pulcherrimus, translationem dico, qua Metaphora Græcè vocatur. Latissimè enim patet. Eam necessitas genuit inopia coacta, & angustiis, post autem delectatio incudit, & que celebrauit. Nam ut vestis frigoris depellendi causa reperta primò, post adhiberi capta est ad ornatum etiam corporis, & dignitatè: sic verbi translatio instituta est inopiæ causa, frequentata delectationis. Est autem translatio cum no-

men, aut verbum transfertur ex eo loco in quo proprium est in eum, in quo proprium deest, aut translatū proprio melius est. Id facimus aut quia necesse est, aut quia significantius, aut quia decetius. Nam gemmare vites, luxuriam esse in herbis, latas segetes etiā rustici necessitate dicūt. Oratores durū hominem aut asperum. Non enim proprium erat, quod darent his affectionibus nomen. Iam incensum ira, inflammatum cupiditate, & lapsus errore, significandi gratia. Nihil enim horū suis verbis, quā hīs accersitis magis proprium erat. Illa ad ornatum, lumen orationis, & generis claritatem & concionum procillas, & eloquentiæ flumina: ut Cicero pro Milone: Clodium fontem eius gloriæ vocat, & alio loco segetem, ac materiam. Illud autem admirādum videtur quid sit quod omnes translatis, & alienis magis delectantur verbis, quā propriis & suis. Nam si res suam nomen, & proprium vocabulum non habet, ut pes in naui, ut in vite gemma, necessitas cogit, quod nō habeas, aliunde sumere: sed in suorum verborum maxima copia, tamen homines aliena multo magis, si sunt ratione trāsata, delectāt. Causa autem illa est, quod translatio est similitudo ad unum verbum contracta, similitudine autem mirifice capiuntur animi. Eo tamen distat, quod illa comparatur rei, quam volumus exprimere, hæc pro ipsa redditur. Comparatio est, cum dico fecisse quid hominem ut leonem. Trāslatio est, cum dico de homine, leo est.

Quotuplex sit translatio. Cap. 10.

Metaphoræ autem vis omnis quadruplex est. Cum in rebus animalibus aliud proponitur: ut Liuius Scipionem a Catone allatrari solitum refert. Inanima pro aliis generis e-

Translatio verbo utimur quia necesse est, aut quia significantius, aut quia decetius.

Mirandum est cur homines tantopere delectentur translatione, & eius rei causa. De orat.

Pro Mil.

Translatio est similitudo ad unum verbum contracta. Arist.

Top. cap. 1. & Rhe. 3. c. 4.

Quint. li. 8 ca. 6. & Cic. 3. de orat.

Trāslatio vis est quadruplex. In re-

bus animalibus aliud

pro alio ponitur. Inanima ponitur pro in-

animis, aut pro rebus animalibus

inanima, aut cōtra.

Quint. li. 8 cap. 6.

De cl. 4. l. 7

uenire orationi putemus: nec enim pastorem populi, auctore Homero dixerim, nec volucres pennis remigare, licet Verg. in apibus, ac Dadalo speciosissimè sit usus. Modus autem nullus est florètior in singulis verbis, nec qui plus luminis afferat orationi, eoq; in illo explicàdo meritò lōgiore fuimus.

Multę poetis permiffę sunt metaphorę, quę oratori non conueniunt.

## De Synecdoche. Cap. II

**S**ynecdoche tropus est, in quo ex parte totum, aut contra, sicut ex antecedentibus sequentia intelliguntur. Quę descriptio octo illos modos comprehendit, quibus fit synecdoche, quos grauissimi scriptores tradiderunt. Ex parte totum intelligitur, ut ex puppi naui: ensis ex mucrone aut ex tecto domus, Cicero: Mucrones eorum à iugulis nostris reieci- mus. Huc pertinet, cum vel ex uno plures significantur. Livius: Romanus pralio victor: & Vergilius.

synecdochē  
Gręcis intel-  
lectio di-  
citur aut.  
ad Her.  
Quid sit sy-  
necdoches  
Octo mo-  
di synec-  
doches  
ab autori-  
bus traditi,  
ad quatuor  
reducuntur.  
In ca. j. or.

Hostis habet muros.

Vel genus ex forma, id est parte illi subiecta. Ver.

Dentēsque Sabellicus exacuit suis.

Pro quouis sue: vel ex materia res uniuersa: qua ratione & ferrum pro gladio, & pinus pro naui & aurum atque argentum, pro aurea & argentea pecunia sumitur. Cic. homines instructi, & certis locis cum ferro collocati. contra verò ex toto pars declaratur, ut in illo Vergilij.

Aened. 2.

Pro Cicina

Fontēque ignēque ferebant.

De quo genere est, cum aut è pluribus unus intelligitur. Cicero ad Brutum, paulo, inquit imposuimus, & oratores vi- si sumus: cum de se tantum loqueretur: Aut è genere pars illi subiecta. Vergilius.

Aened. 12.

Aen. 1. 13.

Prædâque ex vnguibus ales

Proiecit fluuio.

Pro Aquila.

Aen. 1. 2.

*Ex antecedentibus sequentia monstrantur: ut cum ait idem poeta,*Quint. li. 8.  
cap. 6.

Aspice, aratra iugo referunt suspenſa iuueni.

*Ut ex his perspicuum est, quæ hoc, & proximo capite dicta sunt, Translatio ad mouendos animos, & res penè sub oculos subiiciendas reperta est, at synecdoche ad locupletandum sermonem pertinet,*

AN. PER. 1. 1. 1.

Græci vel

ὑπ' αλλ' αὐτῶν

Aut. ad He.

denomina-

tionem ap-

pellat. Me-

tonymia

Quid. Om-

nes modi

quibus fit

metony-

mia ad qua

tuor reuo-

cantur.

De clar.

## De Metonymia. Cap. 12.

**M**etonymia est tropus, in quo causas per effecta, vel effecta per causas, vel ex eo, quod continet, id quod continetur, vel rem è signo intelligimus. Per causas effecta declaramus, cum inuentor, aut alicuius rei auctor, pro re inuenta ponitur, Verg.

Onerântque canistris

Dona laboratæ Cereris.

Hoc modo Platonem, Aristotelem, Demosthenem frequenter, pro eorum scriptis ponimus. Cicero Lectitâsse Platonem studiosè, audinisse etiam Demosthenes dicitur. Ex affectis autem causa significatur, cum sacrilegium deprehensum, & scelus dicimus pro scelerato. Hinc mæstum timorem, tristem senectutem, & pallidam mortem, eleganter optimi dicunt auctores, Verg.

Aen. 1. 1.

Mœstûmque timorem

Mittite.

Horatius.

Pallida mors æquo pulsât pede pauperum tabernas  
Regûmque turres.

*Ex eo quod cõtinet, id quod continetur venustè etiã intelligitur. Sic bene moratæ urbes vocâtur, sic seculum felix: sic*

Roma pro Romanis, Athenae pro Atheniensibus frequenter ponuntur, Verg.

Caelo gratissimus amnis. Id est, Caelestibus.

Aeneid. 7.  
De orat.

Cicero: Ut omittam illas omnium doctrinarum inuentrices Athenas, in quibus summa dicendi vis & inuenta est, & perfecta: Athenas dixit pro Atheniensibus. Huc referuntur etiam illa, cum ex possessore res, quae possidetur: aut ex duce exercitus significatur, Verg.

Declat.  
orat.

Iam proximus ardet

Vcalegon. Id est, Vcalegontis domus.

Aeneid. 1.

Sic hominem deuorari, cuius patrimonium deuoratur: & ab Annibale apud Cannas caesa sexaginta millia dicimus, id est ab eius copiis. E signo denique res monstratur: unde toga, quae pacis erat insigne & otij, pro pace: & fasces usurpantur pro magistratu. Verg.

Georg. 2.

Non illum populi fasces, non purpura Regum Flexit.

Metonymiam, ut ait Cicero, Rhetores hypallagen vocant.

De Antonomasia. Cap. 13.

**A**ntonomasia ponit aliquid pro nomine, ut, Euerfor Carthaginis & Numantiae, pro Scipione, & Romanae eloquentiae princeps, pro Cicerone. Epitheton autem, siue Latine malis dicere appositum, non est tropus, quia nihil vertit. Necesse est enim semper, ut id, quod est appositum, si a proprio diuideris, per se significet, & faciat Antonomasia. Nam si dicas, ille qui Carthaginem, & Numantiam euerxit, Antonomasia est: si adieceris, Scipio, appositum. Apposito & frequentius, & liberius poetae utuntur, namque illis satis est conuenire verbo, cui apponitur: & ita dices albi, & humida

ἀντωνομασία.  
Graeci. Aus.  
Ad Her. l. 4  
vocat pronominatio-  
nem Antonomasia quid sit. Epitheton non est tropus.  
Quomodo differat epitheton ab antonomasia.



# DE ARTE

Orator quādo epithetis vtitur. Arist. lib. 3. rhet. cap. 3. & Quint. li. 8. cap. 6. *vina, apud eos non reprehenduntur. Apud oratorem nisi aliquid efficitur, redundat. Tum autem efficitur, si sine illo, quod dicitur, minus est, qualia sunt, & scelus abominandum, & deformem libidinem. Exornatur autem res tota maxime translationibus, cupiditas effrenata, & insana substructio nes. Solet etiam fieri aliis adiunctis Epitheton tropis, apud Vergilium: Turpis egestas, & tristis senectus. Veruntamen talis est ratio huius virtutis, ut sine apposis nuda sit, & velut incompta oratio, ne oneretur tamen multis. Nam sit longa, & impedita.*

ὀνοματοπεία  
Græc. au.  
ad Her. no-  
minationē  
appellat  
li. 4.  
Onomato-  
pœia vix  
Latinis per-  
mittitur.  
Quint. lib.  
8. cap. 6.

## De Onomatopœia. Cap. 14.

**O**nomatopœia id est fictio nominis, Græcis inter maximas habita virtutes, Latinis vix permittitur. Ab his tamen plurima sunt per onomatopœiam posita, qui primi sermone fecerunt aptantes affectibus nomē. Nam mugitus, & sibilus, & murmur, & vagitus, aliæque quàm plurima inde venerunt. At nunc raro, & cum magno iudicio hoc genere utendum est, ne noui verbi assiduitas odium pariat: sed si commodè quis eo utatur, & raro, non modo non offendet nouitate, sed etiam exornabit orationem.

## De Catachresis. Cap. 15.

καταχρησις  
Græc. aut.  
ad Her. est  
abusio.  
Quid sit ca-  
tachresis.  
Quint. li. 8.  
cap. 6.

**C**atachresis, quam rectè dicimus abusionem, non habentibus nomen, suum accommodat, quod in proximo est. Sic,

Equum diuina Palladis arte, Aedificant.

Et, Pyxides, cuiuscūque materiae sunt, & parricida matris quoque, aut sororis interfector dicitur. Valde similis est metaphora, sed ab ea tamen distinguitur, quod abusio nomen ex vicina, ac finitima re accommodat alteri rei, quæ sine nomine



est:metaphora verò,etiam si nomen non deest, undecunque, modò similitudinē res habeat,alienum nomen asciscit. Quid tam propinquum patris interfectori,quàm matris,aut sororis,aut fratris interfectori?ergo is,quia nomen Latino sermone non habet,per abusione parricida vocatur. Quid rursus magis seiunctū,quàm arbor,atque Respublica, quæ florere, verbo ab arbore translato, dicitur? Vnde apparet duos hos tropos ita similes esse, vt tamen sint diuersi.

De Metalepsi. Cap. 16.

**S**uperest ex his,qui aliter significant, Metalepsis, id est, Strāsumptio,ex alio in aliud velut viam præstans.Tropus autem est rarissimus,& maximè improprius.Vergilius,  
 Post aliquot mea regna videns mirabor aristas.  
 Gradatim enim ab aristis ad spicas,à spicis ad segetes,ab his ad æstates,ab æstatibus ad annos acceditur. Idem etiā poëta in primo libro Aeneid.sic ait,

Speluncisque abdidit atris.

Vbi spelunca nigra,ac per hoc crassis & obscuris tenebris circumfusa,ad extremū denique infinita altitudine depressæ intelliguntur.

De Allegoria. Cap. 17.

**A**llegoria, quam inuersionem interpretamur, aliud verbis,aliud sensu ostendit, ac etiam interim contrarium,Vergilius.

Sed nos immensum spatiis confecimus æquor:

Et iam tempus æquum spumantia soluere colla.

Habet vsus talis allegoriæ frequenter oratio, sed rarò totius,plerunque apertis permixta est.Tota apud Cic.talis est: Hoc miror enim,querórque, quenquam hominē ita pessun-

μετάληψις  
Metalepsis  
est rarissimus tropus  
& maximè improprius  
Quint.li.8.  
cap.5.

ἀλλογορία  
Græci. Aut  
ad Her. per  
mutationē  
vocal.li.4.  
Quid sit allegoria.  
Geor.1.  
Oratio recipit etiam  
allegoriā,  
sed rarò totam.

Allegoria mista in oratione sic quens est. Pro Mil. Speciosissimum genus orationis est, quod constat allegoria, similitudine, & translatione. Pro Mu. dare alterum verbis velle, ut etiam nauē perforet, qua ipse nauiget. Illud commissum frequentissimū. Equidem ceteras tēpestates, & procellas in illis duntaxat fluctibus concionū semper Miloni putavi esse subeūdas: nisi adiecisset, fluctibus concionū, esset allegoria, nunc eā miscuit. Illud verò lōgē speciosissimū genus orationis, in quo triū permista est gratia, similitudinis, allegoria, & trāslationis. Quod fretū, quē Euri pū tot motus, tamq; varias habere creditis agitationes, commutationes, fluctus, quantas perturbationes, & quātos aestus habet ratio comitiorū. Dies intermissus unus, aut nox interposita saepe perturbat omnia, & totā opinionē parua nōn unquā cōmutat aura rumoris. Nā id quoque in primis est custodiendū, ut quo genere caperis trāslationis, hoc desinas. Multi enim cū initū à tēpestate sumpserunt, incendio, aut ruina finiunt, quæ est in consequentia rerū fædissima. Ceterū, allegoria paruis quoque ingeniis, & quotidiano sermoni frequētissime seruit: nā illa in agēdis causis trita: Pedē conferre, & iugulū petere, & sanguinē mittere, inde sunt. Allegoria, quæ est obscurior, anigma dicitur, vitium profectō, siquidē dicere dilucidē virtus, quo tamen & poëtæ utuntur. Vergilius,

Treis pateat cæli spatium non amplius vlnas.

Et oratores nōn unquā, ut, in Triclinio Coa, in cubiculo Nola

De Ironia. Cap. 18.

**I**Ronia, quam illusionem vocant, allegoria est, quæ non solum aliud sensu, aliud verbis ostendit, sed contrarium. Ea aut pronuntiatione intelligitur, aut persona, aut rei natura. Nam si qua earum verbis dissentit, apparet diuersam esse orationi voluntatem. Cic. in Clodium, Integritas tua te purgavit (mihi crede) pudor eripuit, vita antea cta serua-

Quid in allegoria eu-  
stodiendum  
sit. Allego-  
ria in quo-  
tidiano ser-  
mone est  
frequentissi-  
ma.  
Aenigma  
est obscu-  
rior allego-  
ria.  
eclog. 3.  
in Oenone

Græc. inuer-  
sionē vocāt  
& dissimu-  
lationem.  
Lat. Quid  
ironia sit  
eam Aut. ad  
He. li. 4. vo-  
cat permuta-  
tionē A-  
rist. Rhe. ad  
Alex. ca. 10  
& Quint. li.  
3. cap. 6.  
Quomodo  
Ironia in-  
telligatur.

nit. & Turnus apud Vergilium,

Méque timoris

Argue tu Drance, quando tot cædis aceruos

Teucrorum tua dextra dedit.

De Periphrasi. Cap. 19.

**C**um pluribus verbis, id quod unum, aut paucioribus dici potest, explicatur, Periphrasin vocant, circuitum loquendi, qui est apud poetas frequentissimus. Ut,

Tempus erat, quo prima quies mortalibus ægris

Incipit, & dono diuum gratissima serpit.

Et apud oratores non rarus, semper tamen astrictior: quicquid enim significari brevius potest, & ornatu latius ostenditur, periphrasis est. Verum ut cum decorem habet periphrasis, ita cum in vitiū incidit, perissologia dicitur: obstat enim quicquid non adiuvat.

De Hyperbato. Cap. 20

**H**yperbaton, id est transgressio, tropus est solis poetis concessus, qui etiam verborum divisionem, & transgressionem faciunt. Vergilius,

Hyperboreo septem subiecta Trioni:

Quod oratio nequaquam recipiet. Est autem diligenter animaduertendum, hyperbaton, ubi nihil ex significatione mutatum est, sed structura sola decoris gratia varietur, tropum non esse, id quod tropi definitio declarat.

De Hyperbole. Cap. 21.

**H**yperbole, est ementiens superiectio, cuius virtus est ex aduerso par augendi, ac minuendi. Vergilius,

Geminique minantur In cælum scopuli:

Et, Fulminis ocyoralis.

Aeneid. 11.

περίφρασις, circuitio est aut ad Her. li. 4. Quin. lib. 8 ca. 6. Quid sit periphrasis, eam Adu. ad Her. circuitio vocat Periphrasis est apud poetas frequentissima Aeneid. 1. Periphrasi contraria est perissologia ὑπερβατόν Græci, vel ὑπερβολή: transgressionē nomināt, aut ad Her. lib. 4. Hyperbatō tropus solis poetis concessus dicitur. Georg. 3. Hyperbatō est tropus, quando cōponitur ex duobus intellectibus. ὑπερβολή, superlatio est aut ad Her. li. 4. Hyperbole valet ad augmentum & minuentum. Aeneid. 11. Aeneid. 5.

## DE ARTE

*Cicero in Antonium, Quæ Carybdis tam vorax? Carybdim dico, quæ si fuit, fuit animal unum: Oceanus medius fidius vix videtur, tot res, tã dissipatas, tã distantibus locis positas, tam cito absorbere potuisse. Illud Vergilij ad minuendum, Vix ossibus hærent.*

*Hyperbole non debet esse ultra modum. Sed tam in augendo, quàm in minuendo seruetur mensura quædam. Quamuis est enim omnis hyperbole ultra fidem, non tamen esse debet ultra modum.*

De ornatu, qui est in verbis coniunctis.

Cap. 22.

*De orat.* **S**equitur continuatio verborum, quæ duas res maximè scollationem primùm, deinde modum quendam, formamque desiderat. Tum & verbis & sententiis oratio conformanda est, de quibus post tropos aptissimè dicemus: deinde de collocatione: postremò de modo & forma, id est numeris qui sunt adhibenda in oratione, differimus.

De figuris. Cap. 23.

*Quid sit figura. Quint. li. 9 cap. 1. Quod sit discernimè inter tropos & figuras. Tã verbis propriis, quàm translatis, figuratur oratio.* **F**igura (sicut nomine ipso patet) est conformatio quædã orationis remota à communi & primùm se offerente ratione. Differt autem à tropis figura, quia propriis verbis figura fieri potest, quod in tropos nõ cadit: ut, Fuit hoc quondam, fuit proprium pop. Rom. figura est in verbo geminato, in sua significatione permanente. Illud tamen notandum, coire frequenter in easdem sententias, & tropum, & figuram. Tam enim translatis verbis quàm propriis, figuratur oratio: ut, Qui spem Catil. mollibus sententiis aluerunt, coniurationemque nascentem corroborauerunt. Aluerunt & corroborauerunt, translata sunt, & similiter desinentia, similiterque cadentia.

## De generibus figurarum. Cap. 24.

**S**icut omnem orationem, ita figuras quoque necesse est  
 versari in sensu, & in verbis. Ut verò natura prius est  
 cōcipere animos res, quàm enūciare: ita de iis figuris antelo-  
 quendum esset, quæ ad mentem pertinet: sed facilitatem se-  
 cuti, de figuris verborum prius dicimus. Est autem verborū  
 exornatio, quæ ipsius sermonis insignita continetur perpoli-  
 tione. Inter conformationem verò verborum & sententia-  
 rum hoc interest, quod verborum cōformatio tollitur si ver-  
 ba mutaris: sententiarum permanet, quibuscunque verbis  
 uti velis: ut, Nunc verò quid agat, quid moliatur, quid de-  
 nique quotidie cogitet, quem ignorare nostrū putat? Repe-  
 titio est verborum figura, & interrogatio figura sententia-  
 rum (persæpe enim unus & idem locus & verborum, &  
 sententiarum ornāmētis illuminatur) muta verba. Quid a-  
 gat & moliatur, ac denique quid cogitet, quem ignorare no-  
 strū putat? Repetitio tollitur, interrogatio permanet, semp̃r  
 que permanebit, quibuscunque verbis uti velis. Sed quo-  
 niam parum inter auctores cōuenit de numero, & nomini-  
 bus figurarum, & in eo etiā magna discrepantia est, quodd  
 aliqua à quibusdam inter verborum ponuntur, quæ ab aliis  
 inter sententiarum ornāmēta numerantur: nos mediam viā  
 secuti, ea, de quibus grauissimorum scriptorum maior cōsen-  
 sus est, explicabimus.

Figuræ vel  
 sunt in ver-  
 bis, vel in  
 sententiis.  
 Quid sit ver-  
 borum figu-  
 ra, Aut. ad  
 Her. lib. 4.  
 Quo pacto  
 verborū fi-  
 guræ à figu-  
 ris senten-  
 tiarum di-  
 stinguātut.  
 3. De orat.

Parum cō-  
 uenit inter  
 auctores de  
 numero, &  
 nominibus  
 figurarum.

## Quot modis fiant figuræ verborum. Cap. 25.

**F**iguræ verborum tribus maximè fiunt modis, per adie-  
 ctionem, detractiōem, similitudinem. Per adiectiōem,  
 ut Cicero pro Milone: Occidi, occidi non Spuriū Meliū  
 quo loco, verbum occidi figuratè geminatū est. Per detractiō-

Figuræ ver-  
 borum tri-  
 b<sup>9</sup> maximè  
 fiunt modis  
 Quint. li. 9.  
 cap. 3.

Pro. Mil.

Inuēt. 1.

Figuræ quæ  
vocū habēt  
similitudi-  
nē aures in  
se præcipuē  
vertunt. In  
Orat.

nē etiā fiunt, figuræ in quibus multum est venustatis. Cic. in Catil. Abijt excessit erupit, euasit ubi coniunctiones prætermittuntur. Sed tertium genus figurarum, quod quandam vocum habet similitudinem, & aures præcipuē in se vertit & in animos excitat, Cic. in Oratore: Itaque efficis, ut cum gratiæ causa nihil facias, omnia tamen sint grata, quæ facis.

ἀναφορά vel  
ἐπιβολή.  
Græ. Aug.  
ad Her. li.  
4 Quia. li.  
9. ca. 1. 4.  
De Orat. 3.  
Acriter &  
In Orat.  
instaret, ab  
eodē verbo  
ducta: sæ-  
pi⁹ oratio.  
Inuēt. 1.

De figuris, quæ fiunt per adiectionem. Cap. 26.

**R**epetitio est, cum ab eodem verbo dicitur sæpius oratio: vel, ut Cicero describit, Est eiusdem verbi crebra à primo repetitio. Quod acriter, & instanter fit. Cicero in Catilinam, Nihil agis, nihil moliris, nihil cogitas, quod ego non modò audiam, sed etiam videā, planèque sentiam. Idem cōtra Rullum, Quid enim est tam populare, quàm pax? qua nō modò ij. quibus natura sensum dedit, sed etiam testā, atque agri mihi letari videntur. Quid tam populare, quàm libertas? quam non solūm ab hominibus, verūm etiam à bestiis expeti, atque omnibus rebus anteponi videtis. Quid tam populare, quàm otium? quod ita iucundum est, ut & vos, & maiores vestri, & fortissimus quisquā vir maximos labores suscipiendos putet, ut aliquando in otio possit esse, præsertim imperio, ac dignitate.

ἐπιφορά vel  
ἐπιβολή.  
Græ.  
Phil. 3.

Conuersio est, cū in idem verbū cōiicitur sæpius oratio. Cicero in Antonium: Doletis tres exercitus populi Romani interfectos: Inter fecit Antonius. Desideratis clarissimos ciues: eos quoque eripuit vobis Antonius. Auctoritas huius ordinis afflictā est: afflixit Antonius.

ἐπιπλάσις.

Complexio est, quæ repetitionem, & conuersionem complectitur. Qui sunt, qui fœdera sæpe ruperunt? Carthagi-

nenses. Qui sunt, qui crudele bellum in Italia gesserūt? Carthaginenses. Qui sunt, qui Italiam deformauerunt? Carthaginenses. Qui sunt, qui sibi postulant ignosci? Carthaginenses. Cicero pro lege Agraria. Quis legē tulit? Rullus. Quis maiore populi parte suffragiis priuauit? Rullus. Quis comitiis praefuit? idem Rullus.

Conduplicatio, est verborū geminatio, quae habet interdū vim, lepore aliās. Geminantur autē verba modis pluribus: aut enim adiungitur idem iteratum: ut Cicero in Catilinam, Viuis, & viuis non ad deponendā, sed ad confirmandam audaciā. Aut & idem ad extremum refertur: Cicero in Verrē, Multi & graues dolores inuenti parentibus, & propinquis multi. Aut continenter vnum verbum non in eadem sententia ponitur: Cicero pro Ligario, Principum dignitas erat penē par, non par fortasse eorū qui sequebantur. Aut post aliquā interiectionē repetuntur, Cic. Bona, miserū me (consumptis enim lachrymis tamen infixus animo haeret dolor) bona, inquā, Cn. Pompeij acerbissimae voci subiecta praconis. Possunt quoque media respondere, vel primis, ut Vergil.

Te nemus Angicia, vitrea te Fucinus vnda.

Vel ultimis, Cic. in Verrē, Hac naui onusta ex praeda. Siciliensi: cū ipsa quoque esset ex praeda. Interim sententia tota reperitur. Cicero in eadem Aët. Quid Cleomenes facere potuit? nō enim possum quēquā insimulare falso. Quid, inquā, Cleomenes magnopere facere potuit? Ille verò apud Ciceronē locus est pulcherrimus, in quo & primo verbo logo interuallo redditū est ultimū, & media primis, & mediis ultima cōgruunt. Vestrū iā hic factū reprehenditur P. C. non meū: ac

σταλ' ὡς ἄλλοις

Inuēt. 1.

Aët. 7.

Aliquando continenter idem verbū in diuersis ponitur sententiis. Phil. 1.

Media verba possunt primis respondere. Aeneid. 7.

Aliquando sententia tota reperitur. Loc. apud Ciceronē pulcherrimus.

ὡς ἄλλοις Grē.



*pulcherrimum quidem factum, verum (ut dixi) non meum  
sed vestrum.*

πε ἀντιρροῖ  
Pro Mil.

**T**Raductio est, cum verba paululum immutata ponuntur. Cicero, *Homines te propter pecuniā iudicio liberarūt, hominibus iniuria tui stupri dolori non fuit. Homines tibi arma, alij in me, alij pōst in illū, in victum ciuem dederunt: hominum beneficia prorsus concedo tibi. Et pro Archia: Pleni sunt omnes libri, plenæ sapientum voces, plena exemplorum vetustas.*

εὐνοησιν.

Inuect. 1.

Inuect. 1.

Non verba  
modò, sed  
sensus quo-  
que idē fa-  
cientes ac-  
ceruantur.

ἀντιρροῖ  
τῶν.

Georg. 3.

**S**ynonymia est, cum verba idem significantia congregantur. *Quæ cum ita sint, Catilina, perge quod cæpisti: egredere aliquando ex urbe, patēt porta, proficiscere, & alio libro: Abiit, excessit, erupit, euasit. Nec verba modò, sed sensus quoque idem facientes aceruantur. Perturbatio istum mentis, & quedam scelerum effusa caligo, & ardentes furiarū faces excitarunt.*

**P**oly synteton est schema, quod coniunctionibus abundat. *Tectumque, larēque,*

*Armāque, Amyclæumque; canem, Crelsamque; pharetrā.*

ἀντιρροῖ.

**G**radatio repetit quæ dicta sunt, & priusquā ad aliud descendat, in pluribus resistit. Vel, ut cū Cicerone definiamus, *Gradatio est, cū gradatim sursum versus redditur. Africano virtutē industria, virtus gloriā, gloria amulos cōparauit. Cicero pro Milone: Neque verò se populo solum, sed etiā senatui cōmisit: nec senatui modò, sed publicis præsidiis & armis, neque his tantū, sed etiā eius potestati, cui senatus totam Remp. commisit. In tertio loco, cū dicendum fuisset, nec publicis præsidiis, & armis tantū: consulto, quoniam id longum erat, & insuauē, pro eo dixit: neque his tā-*

tum. Hæc figura apertionem habet & artem magis effectatam, ideòq; esse rarior debet.

De figuris verborum, quæ fiunt per detractionem Cap. 27.

**S**equuntur figurae quæ per detractionem fiunt, quæ breuitatis, nouitatisque maximè gratia petuntur, quarum una est synecdoche, non tropus ille, de quo dictum antea est, sed verborum figura, cum substractum verbum aliquod satis ex cæteris intelligitur ut Cicero, ad Brutum: Sermo nullus scilicet nisi de te, quid enim potius?

Dissolutio, quam articulum alij vocant, est, cum demptis coniunctionibus dissolutè plura dicuntur. Cic. Sit in eius tela Gallia, cuius virtuti, fidei, felicitati cõmedata est. Aptæ est hæc figura nõ in singulis modo verbis, sed sententiis etiã ut Cicero pro Archia: Hæc studia adolescentiam alunt, senectutem oblectant, secundas res ornant, aduersis perfugiũ præbent, delectant domi, non impediunt foris, pernoctant nobiscũ, peregrinantur, rusticantur. Dissolutionis autè & polysyntetici fons unus est, quia acriora faciunt, quæ dicuntur, & vim quandam præ se ferentia velut sapius erumpentis affectus.

Adiunctio est in qua vnum ad verbũ, quòd primum, aut prostremum collocatur plures sententiæ referuntur, quarum unaquæque desideraret illud, si sola poneretur. Fit autem præposito verbo, ad quod reliqua respiciant, hoc modo: Vicit pudorẽ libido, timorem audacia, rationẽ amentia: aut illato, quo plura clauduntur, nec enim is est Catil. ut te, aut pudor unquam à turpitudine, aut metus à periculo, aut ratio à furore reuocauerit. Mediũ quoq; potest esse quod & prioribus & sequentibus sufficiat, ut formæ dignitas, aut morbo deflorescit, aut vetustate. Quod cum sit, Coniunctio figura est.

Figurae quæ per detractionem fiunt, nouitatis, breuitatisque gratia maximè petuntur.

Quint. li. 9. c. 1. Ci. p. de Orat in Orat. Aut. ad Heren. li. 4. diálaton aut áporon.

De pro cõf. Dissolutio nõ singulis modo verbis & polysyntetici vnus est fons.

De polysyntetico dictũ est ca. superiori. *αποτιθέμενος* & *προτιθέμενος* comprehendit adiunctio. Tribus modis adiunctio fit.

# DE ARTE

*Distinctio (quam perspicuitatis gratia, quoniam superiori contraria est, hoc loco tradimus) est cum eorum de quibus dicimus, unum quodque certo concluditur verbo. Cic. pro Archia: Me autem quid pudeat, qui tot annos ita vivo Iudices, ut ab illis nullo me unquam tempore, aut commodum aut ociū meū abstraxerit, aut voluptas auocarit, aut deniq;*

Hometum  
multa cisi  
rates suum  
ciuem esse  
dicunt.

*somnus retardarit? Et in eadē oratione. Homerū Colophonij ciuem esse dicunt suum, Chij suum vēdicant, Salaminij re-*

*petunt, Smyrnai verō esse suum confirmant.*  
*Synecdoche, cuius & Cicero & Quintilianus memine-*  
*runt, non tropus modō de quo antē dictum est, sed verborum*  
*etiam est exornatio. Ea fit cum subtractum aliquod verbum*  
*satis ex ceteris intelligitur: Præcisionē vocat auctor ad Her.*  
*Cicero ad Brut. Sermo nullus scilicet nisi de te. Quid enim*  
*potius? Simul enim intelligitur in priori quidem parte, est, in*  
*posteriori verō, faciamus, aut aliq̃d simile. Differt ab Apo-*  
*siopefi, quæ sententiarum est exornatio, quōd in ea unū ver-*  
*bū, & manifestum quidem desideratur, ut in superiori ex-*  
*emplo, & in illo etiam Cic. Data Lupercalibus, quo die*  
*Antonius Casari, ubi nihil aliud intelligi potest quā hoc,*  
*diadema imposuit. At in Apopsiopefi, aut incertum est, quod*  
*tacetur certē longiore sermone explicandum.*

Synecdo-  
che differt  
ab apopsio-  
pefi.

*ἡ ἀποσιώπῃς est quæ duas res diuersas colligat, hoc modo:*  
*Tam deest auaro quod habet, quā quod non habet.*

*De figuris verborum tertij generis.*

Cap. 28.

Cic. 1. de  
Ora. & in  
Or. Quin.  
lib. 9. c. 3. au-  
to. ad Her.  
lib. 4.

*Tertium est genus figurarum, quæ aut similitudine vo-*  
*cem, aut paribus, aut contrariis, vertunt in se aures, & a-*  
*nimos excitant.*

*Annominatio, quam Græci Paronomasiam vacant, est cum paululū immutata verba, atque deflexa, in oratione ponuntur. Ea multis & variis rationib' cōficitur: Adiectione hoc modo, Cicero pro Cluentio: Si in hac calamitosa fama, quasi in aliqua perniciosissima flamma. Et, emit morte immortalitatem. Detractione, sic contra eum qui se legationi immortitū dixerat, pater Quintiliani: nō exigo ut immoriaris legationi, immorare. Comutatione, hoc modo: Cicero in Catilinā, Hanc reipublicæ pestem paulisper reprimi, non in perpetuū cōprimi posse. Trāslatione: Videte Iudices utrū homini gnauo, an vano credere malitis. Hæc figura leuis alioqui, sententiarū pondere implenda est. Merito igitur illa exempla vitæ di potius, quàm imitædi gratia ponit. Quintilianus: Auium dulcedo ducit ad auium, & non Pisonum, sed pistorū: pessimūverò, Ne patres Conscripti, circūscripti videantur: & Rare euenit, sed vehementer venit: aliæque similia.*

Multis & variis rationibus fit paronomasia. Pro Cluentio.

Inuent.

Paronomasia pondere sententiarum implenda est.

Pro lege Manil.

Pro Archia.

Similiter cadens nō solū est in nominibus sed etiam in verbis.

Pro lege Manil.

Pro Mil.

*Similiter cadens exornatio est, cum in eisdem casus verba cadunt. Græci Homoiptoton appellant. Cicero, Ac primum quanta innocentia debent esse imperatores? Quanta deinde omnibus in rebus temperantia? Quanta felicitate? Quāto ingenio? Quanta humanitate? Et alibi: Hunc ego non diligam non admirer? nō omni ratione defendendū putem? Similiter cadens est in illis membris, Diligam, admirer, putem. Nam & verborum, ut nominum sui etiam sunt casus.*

*Similiter desinens est cum siue casus sint in verbis siue nō, tamen similes exitus sunt: Cicero, ut eius semper voluntatibus non modo ciues assenserint, socij obtemperarint, hostes obediunt, sed etiam venti, tempestatésque obsecundarint. Et pro Milone, Non modo ad salutem eius extinguen-*

Similiter  
cadens, & si  
militer de-  
sinens quo-  
modo diffe-  
rant.

dam, sed etiam gloriā per tales viros infrigendum. Differt hæc figura à superiori, est enim similiter cadens, tantum casus similis, etiam si dissimilia sint, quæ declinentur: ac similiter desinens in eosdem exitus cadit, ut, Audacter territas, humiliter placas. Atque eo fit, ut similiter cadens in verbis & nominibus tantum esse possit, cum similiter desinens non modo in his, sed in illis etiam, quæ declinari non possunt, reperiatur, ut proximum declarat exemplum.

§ 107.

Animi quo-  
dam sensu  
sine nostra  
enumeratione  
compar fit, pro  
lege Manil.  
av. 18. 107.  
Singula sin-  
gulis oppo-  
nuntur per  
contentionem.  
Cic. pro Cl. Bi-  
nabinis op-  
ponuntur  
per conten-  
tionem. pro  
Murena.  
Crebra cre-  
bris per an-  
titheton op-  
ponuntur

Compar Græci vocant Isocolum, habet membra orationis, quæ constant ex pari ferè numero syllabarum. Hoc non de enumeratione nostra fiet, nam id quiddè puerile est: sed tantum affert usus, & exercitatio facultatis: ut animi quoddam sensu par membrum superiori referre possimus. Cicero pro lege Manilia: Extrema hyeme apparuit, ineunte vere suscepit: media æstate confecit. Loquitur autè de bello, quod Pompeius gessit contra Piratas.

Contrapositum autem, vel: ut quidem vocant, Contentio (antitheton Græcis dicitur) non uno fit modo. Nam & fit, si singula singulis opponuntur, ut, Vicit pudorem libido, timorem audacia, rationem amentia. Et bina binis: Non nostri ingenij, vestri auxilij est. Et sententiæ sententiis: Odit pop. Ro. priuatā luxuriam, publicam magnificentiam diligit. Nec semper contrapositum subiungitur, ut in hoc Ciceronis pro Mil. Est enim hæc Iudices non scripta, sed nata lex. Sed crebra etiam crebris opponuntur, ut in eo quod sequitur, quā nō didicimus, accepimus, legimus, verum ex natura ipsa arripuimus, hausimus, expressimus. Sunt quidam auctores, qui duplicem faciunt contentionem, unā verborum, quam Antithesin appellant: sententiarum alteram, quam Antitheton vocant. Eas autem ita discernūt, ut contentionē verborum

figuram esse dicant, cum ex verbis contrariis conficitur oratio, ut, Inimici: te placabilem, amicis inexorabilem præbes: sententiarum verò cum sententiæ contrariæ ex comparatione referuntur. Sed cum Quintilianus Ciceronē secutus Antitheton inter verborum numeret exornationes, & discrimen illud tenue sit, & exile, satis esse debet, quod de contentione dictum est. Magnæ veteribus curæ fuit gratiā dicendi è quatuor his proximis figuris acquirere. Gorgias in hoc immodicus, copiosus utique prima ætate Isocrates fuit. Delectatus est his etiam Marcus Tullius, verum & modū adhibuit, non ingrata (nisi copia redundet) voluptati, & rem alioqui leuē sententiarū pondere impleuit. Nā per se frigida, & inanis affectatio, cū in acreis incidit sensus, innata videtur esse, non accersita. Et quoniā contrapositū sæpe fit assumpta pariter commutatione, de ea hoc loco dicamus.

Veteres ex quatuor proximis figuris sunt aucupati gratiā dicendi. Cicero optime usus est his figuris. Pro lege Manil. *ἀντίθετον* & *ἀντιθέσις* vel *ἀντιθέσις* & *ἀντιθέσις*, pro Mil. Poema est loquens pictura. Multæ verborum figuræ, in eandē sententiam sæpe cadūt Pro Cecin.

Commutatio est, cū duæ sententiæ inter se discrepantes ita efferuntur, ut à priori posterior contraria priori proficiatur: Non ut edam uiuo, sed ut uiuam edo. Item, si poema loquens pictura est, pictura tacitū poema debet esse. Et apud Ciceronē: Ut & sine inuidia culpa plectatur, & sine culpa inuidia ponatur. Hac de verborum figuris dicta sint, in quibus illud notandum est, multas earum cadere frequenter in easdē sententias, idque cū magna venustate. Cicero: Si quantum in agro, locisque desertis audacia potest, tantū in foro, ac iudiciis impudentia valeret. Cōpar est & similiter cadens: Non minus nunc in causa cederet Aulus Cicerinus Sexti Ebutij impudentiæ, quā tunc in vi facienda cessit audaciæ. Cōpar similiter cadens, similiter desinens. Accedit & ex illa figura gratia, qua mutatis casibus verba repetū. Non minus cederet, quā cessit.

Figura illa est traductio.

Quid verborū figuræ orationi conferant, & quid in eis cauendum sit. Cap. 29.

**S**I quis autem parçè, & cum res possit, verborum figuris utatur, iucundiores faciet orationem. Qui verò immodicè & sine iudicio eas adhibuerit, ipsa illā gratiā varietatis amittet. Danda igitur opera est, ut nec multæ sint supra modū, nec eiusdē generis, aut iunctæ, aut frequentes: quia scietas ut paucitate earū, ita varietate quoq; vitatur. Quod de his verborū figuris quæ nobiles sunt atque insignes intellegendū est, non de illis quæ valde sunt vsitata, ac vulgares, quæ etiam si sunt crebriores, consuetas aures minus feriūt. Ridiculum enim est neglecto rerū pondere, & viribus sententiariū, inania verba in hos modos deprauari. Cū enim figuræ sint quasi quidā gestus orationis, eas sine sententiā sectari tam est ridiculum, quàm quarere habitum, gestūque sine corpore. Non sunt etiam nimis densanda. Sciendum verò imprimis quid quisque in orando postulet locus, quid persona, quid tempus. Maior enim pars harum figurarum posita est in delectatione: ubi vero atrocitate, inuidia, miseratione pugnandū est, quis feret contrapositis, & pariter cadentibus, & consimilibus iracientem, flentem, rogantem? Cum in his rebus cura verborum derogat affectibus fidem, & ubicunque ars ostentatur, veritas abesse videatur.

Quid sit  
sententiarum  
figura.  
Cice. 3. de  
Ora. & in  
Ora Quin.  
lib 9. ca. 3.  
Auctor ad  
Het. lib. 4.  
Rufinianus  
Aquila &  
Rutilius.  
Maiora sūt  
sententiarū  
ornamenta  
quam ver-  
borum.  
Demosthe-  
nes cur ora-  
torum prin-  
ceps iudice-  
tur.

De figuris sententiarum. Cap. 30.

**N**unc res ipsa monet, deinceps ad sententiarum exornationes transeamus. Est autē sententiarum exornatio, quæ non in verbis, sed in ipsis rebus quandam habet dignitatem. Atque ea de causa sententiarum ornamenta maiora sunt. Quo genere, quia præstat omnibus Demosthenes, idcirco à doctis oratorū est princeps iudicatus. Schemata ea vo-



cant Græci, quæ maximè ornent orationem, eaque ut definitio demonstrat non tã in verbis pingendis pondus habent, quàm in illuminandis sententiis. Nec aliud quicquã est dicere nisi oēs, aut certè pleraq; aliqua specie illuminare sententias.

Interrogatio figura est quoties non sciscitandi gratia assumitur, sed instandi: Quo usq; tandē abutere Catil. patientia nostra? & patere tua consilia non sentis? Et totius denique hic locus. Quãto enī magis ardet, quã si diceretur? Diu abuteris patientia nostra: & patent tua consilia. Interrogamus etiã, quod negari non possit. Cic. pro Cluen: Dixitne tandem causam C. Fiduculanus Facula? Aut ubi respondendi difficilis est ratio, ut vulgò uti solemus: Quomodo? Qui fieri potest? aut inuidiæ aut miserationis, ut Sinon apud Vergil.

Inuict. 1.

Variis de causis interrogatione, quæ sententiarū est figura, utimur.  
Pro Cluen.

Heu quæ nunc tellus, inquit, quæ me æquora possunt Accipere?

Aeneid. 2.

Conuenit etiam indignationi.

Et quisquam numen iunonis adoret?

Aeneid. 1.

Et admirationi.

Quid non mortalia pectora cogis

Auri sacra fames?

Aeneid. 1.

Est interim acrius imperandi genus.

Aeneid. 4.

Num arma expedient, totaq; ex vrbe sequentur.

Et ipsi nosmet rogamus: quale est illud Turni apud Vergil.

Quid agam aut quæ iam satis ima dehiscat

Aeneid. 7.

Terra mihi?

Responsio figura est cū aliud interroganti ad aliud, quia sic utilius sit, occurritur, tum augendi criminis gratia: Ut testis in reum rogatus an à reo fustibus vapulasset? Et innocens, inquit. Tum declinandi, quod est frequentissimum:

# DE ARTE

*Quæro an occideris hominem? respondetur latronem.*

αιτιολογία.

Pro Lig.

*Subiectio est, cum orator vel interrogat seipsum, & respondet sibi: vel cum alium rogauerit, non expectat responsum, ut Cicero pro Ligario: Apud quem igitur hoc dico? nempe apud eum, qui cum hoc sciret, tamen me antequam vidit, reipublicæ reddidit. Et, domus tibi deerat? at habebas: pecunia superabat? at egebas. Sunt autem interrogandi, & respondendi sibi non ingratae vices.*

In orat.

πρόληψις.

In diuin.

*Occupatio quam Quintilianus, Præsumptionem, Græci Prolepsin dicunt, est cum id quod obiici potest, occupamus.*

*Huc pertinet illa Ciceronis præmunio contra Quint. Cæcilium, quod ad accusandum descēdat, qui semper defenderit. Verborum quoque vis, ac proprietas cōfirmatur, vel præsumptione: Quanquā illa non pœna, sed prohibitio sceleris fuit vel reprehensione, quam alij correctionem appellant.*

Reprehensio quam alij correctionem vocant, est occupationis genus quoddam. Correctio est verborum & sententiarum figura.

*Correctio est quæ tollit sententiam aliquam, & eam alia, quæ magis idonea videtur, emendat, & corrigit, Cicero: Italiam ornare, quàm domum suam maluit: quamquam Italia ornata, domus ipsa mihi videtur ornatio. Est etiā Correctio in verborum exornationibus, quæ tollit verbum, quod dictum est, & pro eo, id quod magis idoneum videtur, reponet hoc modo: O virtutis comes inuidia, quæ bonos insequeris, atque adeo insectaris: Et, Ciues, ciues inquam, si hoc eos appellari nomine fas est.*

διαιρίσις.

Pro cluent.

*Dubitatio est, cum quærimus unde incipiendum, ubi desinendum, quid potissimum dicendum, an animo dicendum sit. Eiusmodi exemplis plena sunt omnia sed vnum inter m sufficit: Cicero pro Cluentio: Equidem, quod ad me attinet, quod me vertam, nescio. Negem fuisse infamiam iudicij corrupti: & quæ sequuntur.*

*Communicatio non procul abest à dubitatione, cùm aut ipsos aduersarios consulimus. Cicero. Tu denique Labiene quid faceres tali in re, ac tempore? cùm ignauia ratio te in fugam, atque in latebras impelleret, improbitas & furor L. Saturnini in Capitolium arcesseret, consules ad patriæ salutem, ac libertatem vocarent, quam tandem auctoritatem, quam vocẽ, cuius sectam sequi, cuius imperio parẽre potissimum velles? Aut cum Iudicibus deliberamus, ut Cato, Si vos in eo loco essetis, quid aliud fecissetis?*

Pro Rab.

*Prosopopœia est personarum ficta inductio, vel grauissimum lumen augendi, hac & aduersariorum, & nostros cū aliis sermones, & aliorū inter se credibiliter introducimus: & suadendo, obiurgādo, querēdo: & laudādo, miserādo personas idoneas damus. Quin mortuos excitare in hoc genere dicēdi cōcessū. est Vrbes etiā populūq; vocẽ accipiunt: in quibus hoc modo molior sit figura: Et enim si mecū patria, quæ mihi vita mea multò est charior, si cūcta Italia, si omnis res publ. sic loqueretur. M. Tulli quid agis? & quæ sequuntur. Sed magna quædam vis eloquentiæ desideratur, Falsa enim & incredibilia natura, necesse est, aut magis moueāt quia supra vera sūt, aut pro vanis accipiantur, quia vera non sunt. Formas quoque fingimus sæpe, ut famæ Vergilius: ut voluptatis ac virtutis (quemadmodum à Xenophonte traditur) Prodigus, ut multarum aliarum rerum Ouidius.*

Vrbes etiā & populi vocem accipiunt per prosopopœiam laue 1. Magna vis eloquentiæ desideratur in hac figura.

Formæ rerū quæ corporis expertes sunt per prosopopœiam finguntur. Aeneid. 4.

*Apostrophe est auersus à iudice sermo: mirè autē valet, siue aduersarios inuadimus: Quid. n. tuus ille Tubero in acie Pharsalica gladius agebat? Siue ad inuocationem aliquam cōuertimur, Vos. n. iam Albani tumuli, atque Luci: Siue ad inuidiosam implicationē O leges Porcia, legēsque Sepronia.*

Græc. aduersio. Ci protig. pro Mil.

*Aypotyposis, quam illustrem explanationē Cic. appellat,*

Aut ad He. est demonstratio.  
De Orat. 3. Hypotyposis res penè subaspèctû subiicit.  
Cic. act. 7. in Ver.  
Cic. pro Mil.  
est proposita quadã forma rerû ita expressa verbis, ut cerni potius videatur, quã audiri: vel, Est rerû quasi geratur, sub aspèctû penè subiectio, ut actione in Verrè septima: ipse inflammatus scelere, ac furore in forû venit, ardebãt oculi: toto ex ore crudelitas emicabat. Nec solû quæ facta sint, aut fiat sed etiã quæ futura sint, aut futura fuerint dicèdo exprimus. Mirè tractat hæc Cic. pro Milone, Quæ facturûs fuerit Clodius, si præturã inuasisset. Hæc translatio tēporû, erit recundior, si proponamus talia: Credite vos intueri: ut Cicero. Hæc, quæ non vidistis oculis, animis cernere potestis.

ἀποσιώπησις.  
est.

De Orat. 3. Æncid. 1.  
Reticentia ostendit affectus itæ vel sollicitudinis.

ἠθιοπία, vel  
μίμησις Gr.  
Aut. ad He.  
est effusio,  
& notatio.

Aposiopesis, quam Cic. reticentiam, nonnulli interruptio-  
nem appellant, & ipsa ostendit affectus, vel iræ, ut Verg.

Quos ego: sed motos præstat componere fluctus.  
Vel sollicitudinis, & quasi religionis: An huius ille legis, quã Clodi⁹ à se inuētã gloriatur, mētione facere ausus esset, viuo Milone, ne dicã cōsule? de nostrû. n. oīm, nō audeo totû dicere

Ethopæia est imitatio vitæ, ac morû alienorum, magnum quoddam ornāmētum orationis, & aptum ad animos cōciliandos vel maximè, sæpe autem ad permouendos: Cicero cōtra Rullû: ineunt tandem magistratus tribuni plebis, cōcio tandē expectata P. Rullû, quod & princeps erat Agraria legis, & truculentius se gerebat, quàm ceteri. Iam designatus alio vultu, alio vocis sono, alio incessû esse meditabatur, vestitu obsoletiore, corpore inculto, & horrido, capillatior quàm antè, barbâque maiore, ut oculis, & aspèctû denuntiare vim Tribunitiam, & minitari Reip. videretur.

ἐμφάσις.  
Aut. ad He.  
est significatio.

Emphasis est cùm ex aliquo dicto latens aliquid eruitur: vel, ut Cicero definit, quæ plus ad intelligendum quàm dicitur relinquit. Vergilius:

Demissum lapsi per funeum. Idem de Cyclope.

Iacuitque per antrum.   Immenſum.

*Vbi prodigioſam illum corporis magnitudinem è loci, ſpatio intelligimus.*

*Suſtentatio eſt figura, qua diu ſuſpenduntur auditorũ ani-  
mi, atq; aliquid deinde inexpectatũ ſubiungitur, ut in Verre  
Cicero: Quid deinde? quid cenſetis? furtũ fortaiſſe, aut prædã  
aliquam? Deinde cum diu ſuſpendiſſet iudicũ animos, ſubie-  
cit, quod multo eſſet improbius. Aliquando etiã cũ expecta-  
tionem alicuius rei grauiffimæ orator concitauerit, ad ali-  
quid quod leue ſit, aut nullo modo criminofum defendit.*

*Prætermiſſio, vel præteritio eſt cũ dicimus nos præterire,  
aut nō ſcire, aut nolle dicere id, quod tunc maximè dicimus  
Cic. in Rullũ: Non queror diminutionem vectigaliũ nō ſta-  
gitiũ huius iacturæ, atque dāni. Prætermiſſio illa, qua nemo  
eſt, quin grauiffimè, & veriffimè cõqueri poſſit, nos caput pa-  
trimoniũ publici, pulcherrimã pop. Ro. poſſeſſionẽ, ſubſidium  
annonæ, horreũ belli, ſub ſigno clauſtrisq; Reip. poſitũ vecti-  
gal ſeruare nō potuiſſe: cum deniq; nos agrum P. Rullo cõ-  
ceſſiſſe, qui ager ipſe perſeſe & Syllanæ dominationi &  
Gracchorũ largitioni reſtitiſſet: nō dico hoc ſolũ in Rep. ve-  
ctigal eſſe, quod amiſſis aliis remaneat, intermiſſis nunquã  
quieſcat, in pace niteat, in bello nō obſoleſcat, militẽ ſuſten-  
tet, hoſtẽ non pertimeſcat: prætermiſſio omnẽ hanc orationẽ,  
& concioni reſeruo. De periculo ſalutis, ac libertate loquor.*

*Licentia eſt, cũ apud eos, quos aut vereri, aut metuere de-  
bet orator, tamẽ aliquid pro iure ſuo dicit, quod eos minime  
offendat. Cicero pro Ligario: Vide, quam non reformidem:  
vide, quãta lux liberalitatis, & ſapiẽtiæ tuæ mihi apud te  
dicenti aboriatur: quantum potero voce contendam, ut hoc  
populus Romanus exaudiat, Suſcepto bello Cæſar, geſto etiã*

magna ex parte, nulla vi coactus, iudicio meo, ac voluntate ad ea arma profectus sum, quæ erant sumpta contra te.

Concessio est, cum aliquid etiam iniquum videtur orator pati, atque concedere, ut quæ deinde dicturus, est grauiora videatur. Cicero in Verrem actione 7. Leuia sunt hac in hoc reo crimina: metum virgarum Nauarchus nobilissima ciuitatis precio redemit: humanum. Alius ne condemnaretur pecuniam dedit, usitatum est. Non vult pop. Ro. obsoletis criminibus accusari Verrem, noua postulat, inaudita desiderat: non de Prætoris, Sicilia, sed de crudelissimo tyranno fieri iudicium arbitratur. Interruptio est breuis declinatio à proposito. Nam longior illa digressio, quæ multis pars causa videtur, inter figuras numeranda non est, Verg.

Vare tuum nomen, superet modo Mantua vobis  
(Mantua, vix miseræ nimium vicina Cremonæ)

Cantantes sublime ferent ad sidera cygni.

Hæc breuior à re digressio plurimis fit modis, Sed hoc exempli gratia sufficiat.

Hyperbaton.

Ironia & à Quintiliano & à Cicerone inter sententiarum exornationes numeratur. Differt autem ab illa, quæ tropus est, quod tropus breuior sit, & apertior. At in figura totius voluntatis fictio est. Cic. pro Ligario, Nouum crimen, C. Cæsar, & ante hunc diem inauditum, propinquus meus ad te Q. Tubero detulit. Q. Ligarium in Africa fuisse: idque C. Pansa præstanti vir ingenio, fretus fortasse ea familiaritate, quæ est ei tecum ausus est confiteri. Itaque, quod me verum, nescio. Paratus enim veneram, cum tu id neque per te scire, neque audire aliunde potuisses ut ignorantia tua ad hominis miseri salutem obuterer

Pro Lig.

Distributio, quæ ad sententiarum exornationes pertinet, est, cum aliquid in partes plures tribuitur, quarum unicuique ratio deinde sua subiungitur ut: Alexandro Macedoni

neque in deliberando consiliū, neque in praliando virtus, neque in beneficio benignitas deerat. Nam Cū aliqua res dubia accidisset, apparebat sapiētissimus: quum autem confligendum esset cum hostibus, fortissimus: cum verò præmium dignis tribuendum, liberalissimus.

Rutilius ex Arist.

ἰωυτρετν.

Permissio est cum alicui rei vehementer confidimus, & ostendimus nos eam tradere, atque concedere alicuius voluntati, hoc modo: Sed ego iam iudices summum, ac legitimum mea causa ius omitto: vobis quod æquisimum videatur, ut constitutis, permitto. Non enim vereor, quin etiam si novum sit vobis instituendum, libet̃er id quod postulo, propter utilitatem communis consuetudinis sequamini. Cic. in Catilinā, Orat. i.

Rutilius ex Hyperide.

Quid expectas? proficiscere, nimium iandiu te imperatorem illa tua Manliana castra desiderant. Et in eadem oratione. Egredere cum importuna sceleratorum manu: confer te ad Manlium, cōcita perditos ciues, secerne te à bonis, infer patriæ bellum, exulta impio latrocinio.

Deprecatio, quā vel obsecrationem, vel obtestationē alij appellāt, est cum opem alicuius imploramus, Cicero pro Deiotaro: Quamobrem hoc nos primū metu C. Cæsar per fidem, & constantiam, & clementiam tuam libera, ne residere in te ullam partem iracundiæ suspicemur. Per dexteram te istam oro, quam Regi Deiotaro, hospes hospiti porrexisti: istam, inquam, dexteram non tam in bellis, & in præliis, quā in promissis, & fide firmiorem.

ἀνέκν.

Execratio est, qua malum alicui precamur. Cicero pro Deio. Dij te perdant fugitive, ita non modo nequam & improbus, sed fatuus & amens es,

ἰπιφωτμακ.  
Æneid.

Epiphonema est rei narrata, vel probata summa acclamatio, Ver.



Tantæ molis erat Romanam condere gentem.

Phil. j.

*Exclamatio est quæ conficit significationē doloris: aut indignationis alicuius, per hominis, aut rei, cuiuspiā cōpellationem: Cic. in Antonium: O miserum me, consumptis enim lachrymis, infixus tamen pectori hæret dolor. Idem contra Rullum. O perturbatam rationem, ô libidinem refrenandam, ô consilia dissoluta atque perditâ. Et in Catilinam, ô tempora, ô mores! Senatus hoc intelligit, Consul uidet, hic tamen uiuit?*

AA. 9.

*Sunt & illa iucunda, & ad commendationem cum varietate, tum etiam ipsa natura plurimum valent, quæ simplicem quandam & non præparatam ostendunt orationem. Quæ quoniam nullum habet latino sermone nomen, breuiter hoc loco explicabuntur. In primis quasi pænitentia ducti, ut Cicero pro Calio. Sed quid ego ita grauem personam introduxit? Et quibus utimur vulgo, Imprudens incidi. Vel cum querimus, quid dicamus. Quid reliquum est? & Nunquid omisi? Et cū aliqua velut ignoramus: Cicero in Verrē: Sed earum rerum artificem? quem nam? rectè admones. Polycle-tum esse dicebant. Et cū deponimus apud memoriā auditoris aliqua, & reposcimus quæ deposuerimus. Hæc omnia dāt orationi varios velut vultus. Gaudet enim res varietate & sicut oculi diuersarū aspectu rerū magis detinetur, ita sæper animis præstāt aliquid, in quod se velut nouū cōuertat.*

*Hæc de tropis & ornamentis cū verborū tum sententiarum dicta sint, in quorum numero, nominibus, vi & natura explicanda usque adeò dissentiunt auctores vel Græci vel Latini, ut non modò inter se dissentiant, sed quod modo est. Cicero, qui ut ornatissimus in dicendo, sic in præcipiēdo fuit diligētissimus, ipse sibi descrepet. Nam ut Quintilia-*

nus animaduertit, multas figuras in tertio de Oratore libro posuit, quas in Oratore postea scripto, quoniam de illis mentionē nō fecit, videtur repudiāsse. Quas dā posuit inter verborū exornationes, quæ sententiarum sunt lumina. Quas dā ne figuræ quidē sunt. Nō tamen est cur quisquā vel illū, vel alios auctores hac de causa temerē reprehēdat. Ea enim quæ de tropis, & figuris præcipi possunt, valde minuta sunt, & exilia: ideōq; nō multū interest, hōcne an illo modo sentias. Quā ego causam fuisse puto, cur idē Cicero striclim semper, & cursim illas attigerit, & nullis nec definitionibus explicatas, nec exēplis illustratas quasi per transennā ostenderit. Iam numerus illarū nec fuit olim certus, nec verō unquam esse poterit. Cui⁹ rei duas ego reperio causas. Altera est, quōd nouæ figuræ Quintiliano etiā auctore fieri adhuc, & exco-  
 gitari possunt. Altera, quōd tam verborū quā sententiarū figuræ, nō in formas quarū certus, sed in partes, & quasi mēbra, quorū infinitior est numer⁹, distribuūtur. Quod optimē vidit Cicero: In Topicis enim cū aliud diuisionē, aliud partitionē esset docuisset, dixissetque nō esse vitiosum in partitione, si partē aliquā prætermittas, quod idē in diuisione vitiosum est. Sic deinde causam eius rei addit. Formarū enim certus est numerus, quæ cuique generi subijciantur: partiū distributio sape est infinitior, tanquā riuorū à fonte deductio. Itaque in oratoriis artibus quæstionis genere proposito, quot eius formæ sint, subiungitur absolutē: at cum de ornāmētis verborū, sententiarūque præcipitur, quæ vocātur *exornationes*, nō fit idem. Res enim est infinitior: hæc esse in causa puto ut omnis hac de tropis, & figuris disputatio, non solū dubia & incerta, sed controuersa etiam, plenāque dissensionis semper fuerit. In qua ego, quod simillimū veri visum est, si secut⁹.

Lib. 9. c. 3.

Cic. 3. de  
Orat.

*Sequitur collocatio, quæ erit optima, si vinctam orationem efficiet, si coherentem, si lenem, si æquabiliter fluentem. In ea necessaria sunt ordo, & iunctura: primum igitur de ordine, Sed illud prius dicam, studiosis dicendi imprimis esse necessaria ea, quæ deinceps de ordine, iuncturæque tradentur. Valde enim conducunt ad formandum stilum, qui dicendi perfectior est, & magister.*

De ordine. Cap. 32.

Quint. li. 9.  
cap. 4.  
Oratio nõ  
debet decre-  
scere.  
Phil. 1.

**O**rdinis observatio est in verbis singulis, & contextis: in singulis cauendū est ne decrescat oratio, & fortiori subiungatur aliquid infirmius ut sacrilegus fur, aut latroni petulans. Augeri enim debent sententiæ & insurgere, ut optimè Cic. Tu, inquit, istis faucibus, istis lateribus, ista gladiatoria totius corporis firmitate: aliud enim alio maius superuenit: Ac si cepisset à toto corpore, nõ bene ad latera, faucesque descenderet. Est & alius naturalis ordo, ut diè ac noctem, ortum & occasum dicas, potius quàm retrorsum. Quædam ordine permutato sunt superuacua, ut fratres gemini: nam si præcesserint gemini fratres addere nõ est necesse. Verbo sensum claudere, si cõpositio patiat, longè optimū est, Cui Ver. Itaque ille M. Cato sapiens, cellam penariam

Verbo sensum claudere optimū est. A. Q. 4.

Reipub. nostra nutricem plebis Romanæ Siciliam nominavit. At si id asperum erit, decori potius orationis erit consulendum, ut fit apud summos Græcos, Latinosque oratores frequentissimè: Cicero in actione eadem: Nam cū omnium sociorum, prouinciarum rationem diligenter habere debetis, tū præcipuè Sicilia, Iudices, plurimis, iustissimisque de causis. In oratione nõ sunt ad pedes verba dimissa ut in carmine, ideoque ex loco transferuntur in locū, quo maximè congruunt, sicut in rudium structura saxorum fieri consuevit.

In oratione nõ sunt ad pedes verba dimissa.

## De iunctura.   Cap. 33.

**I**unctura verò ut concinna, & elegans sit, assequemur, si  
 verba extrema cū cōsequentibus primis ita iungemus, ut  
 neue asperè concurrāt, neue vastius diducantur. Asperū cō-  
 cursum efficiunt cōsonantes illæ, quæ sunt asperiores, ut, S.  
 ultima cum X. proxima, ut exercitus Xerxis: quarū tristior  
 etiam si binæ collidantur, stridor est: ut, Ars studiorū, Rex  
 Xerxes. Hiulcam verò reddit orationē vocalium cōcursum.  
 Pessimè lōgæ, quæ easdē inter se literas cōmittunt, sonabūt,  
 ut, Viro optimo obtēperare. Præcipuus tamē erit hiatus ea-  
 rum, quæ cauo, aut patulo maximè ore proferunt, ut Sensu  
 humanitatis. E plenior litera est, I. angustior: ideòq; obscu-  
 rius in his vitiū. Minus peccabit, qui lōgis breues subiiciet:  
 & adhuc, qui præponet lōgæ breuē: nō tamē id, ut crimē in-  
 gēs expauescēdum est. In quo nescias negligētiāne, an solici-  
 tudo sit peior. Neesse enim est, ut hic metus impetum dicēdi  
 retardet, & ab his, quæ potiora sunt, auertat. Quare ut ne-  
 gligētis est orationis hiulca subinde oratione uti: ita humi-  
 lis est animi, atq; demissi ubiq; perhorrescere. In hoc merito  
 quidā Isocratē, & ei⁹ discipulos, atq; præcipuē Theopōpum  
 reprehēdunt, quòd eas literas tātòpere fugerint. At Plato in  
 populari etiā oratione, crebrā habet vocalium cōcursionē. Ci-  
 cero certe, & Demosthenes modicè respexerunt ad hāc partē  
 Nam hiulca nonnunquā etiam decent, faciūntque amplio-  
 ra quædā. Habet enim ille tanquam hiatus, & concursus  
 vocalium molle quiddam, quod indicet nō ingratam negli-  
 gentiā de re hominis magis, quā de verbis laborantis. Itaque  
 ille in oratione pro Marcello sic ait: Dolebam enim P. C. ac  
 vehementer angebar, cum viderem virum talē, qui in eadē  
 causa, in qua ego fuisset, non in eadē esse fortuna, nec mihi

De orat. 1.

Quæ cōso-  
nantes aspe-  
rū concur-  
sum effi-  
ciant.Quint. li. 9  
cap. 4.Quæ voca-  
les pessimè  
concurrāt.Cōcursus,  
vocaliū nō  
est nimis ti-  
midè vitā-  
dus.Isocrates,  
& eius di-  
scipulū re-  
prehēdū-  
tur, quod  
iātòpere vo-  
cales fuge-  
runt.In Orat.  
Quint. li. 9  
cap. 4.Hiulca nō-  
nunquam  
decent.

In Orat.

Pro Marco  
Marcello.

persuadere poterã, nec fas esse ducebã, versari me in vestro veteri curriculo, illo, amulo atque imitatore studiorũ, ac laborum meorum, quasi quodam socio à me, & comite distracto. Unde apertè intelligimus crebram, & nimiam vocaliũ

Syllabæ verbi prioris ultimæ nō sūt primæ verbi sequentis.

Quint. li. 9. cap. 4.

Mo nō sūt ba multa non sūt cōtinuanda.

Verborum breuium & longorũ vitāda est cōtinuatio.

Nec verba verbis, nec nomina nominibus cōtinuant debent.

cōcursionem esse quidem vitandam, modicam verò, & quæ in loco sit non esse reprehendendam. Videndum etiam est ne syllabæ verbi prioris ultimæ, sint primæ sequentis, quod Ciceroni in epistolis excidit: Res mihi inuisa, visa sunt Bru-

te. Et in carmine: O fortunatã natam me consule Romam.

Etiam monosyllaba, si multa sint, malè cōtinuabũtur. Breuium præterea verborum, ac nominum vitāda continuatio

est, ne cōpositio minuta sit, atque concisa: Et ex diuerso, longorum, afferũt enim tarditatẽ. Illa quoque vitia sunt, si cadentia similiter, & similiter desinentia, & eodẽ modo declinata multa coniugantur. Nec verba quidẽ verbis, aut nomina nominibus, similiãque his cōtinuari debent. Cũ virtutes etiam ipsæ tedium pariãt, nisi gratia varietatis adiutæ.

Illud postremò addamus hanc orationis quasi structurã, quæ ordine, iuncturãque constat, maximam quidem desiderare diligentia, ea lege tamen ne fiat operosè. Nam esset cũ infinitus, tum puerilis labor. Stylus enim exercitatus efficit facilem hanc viam componendi. Nam ut in legendo oculus

Ci. in orat.

Aurium iudicium est superbissimum.

3. De Orat.

sic animus in dicendo prospiciet, quid sequatur: ne incõditis verbis, & malè coagmentatis offendãtur aures, quarum est iudicium superbissimum.

De modo & forma verborum. Cap. 34.

**N**on est ex multis res una, quæ magis oratorẽ ab imperito dicẽdi, ignaròque distinguat, quã quod ille rudis inconditè fundit, quãtum potest, & id, quod dicit, spiritu, nō arte determinat. Orator autẽ sic illigat sententiã verbis, ut

nihil inane, nihil inconditum, nihil curtum, nihil claudicās, nihil in oratione sit redundās. Hoc oratorio sit numero, qui aptam, & cōcinnam & suauem efficit orationem. Breuiter igitur origo, deinde causa, pōst natura, tum ad extremum v-  
sus ipse explicetur orationis aptæ, ac numerosæ.

Oratorii  
numeri vit-  
lita: ca.

De origine orationis numerosæ. Cap. 35.

**P** Rinceps inueniendi aptam verborum, & numerosam conclusionem fuit Thrasymachus: cuius omnia nimis etiam erant scripta numerosè. Isocrates autem ita sciens, moderatèque rem totam temperauit, ut multi existimarint illum huius concinnitatis auctore, & principē extitisse. Vbi verò hæc formandæ orationis ratio cognita, & inuenta est, sic omnibus placuit oratoribus, ut Aristoteles, quo nemo nec doctior, nec acutior, nec in rebus vel inueniēdis, vel iudicādis acrior unquā fuit, versum in oratione vetet esse, numerum iubeat. Eius auditor Theodectes imprimis, ut Aristoteles sæpe significat, politus scriptor, atq; artifex hoc idem & sentit, & præcipit. Theophrastus verò iisdā de rebus etiam accuratius. Romani Ciceronis ferè tempore agnouerunt, cū iam anni propè quadringenti essent apud Græcos, cum hoc probaretur. Vsq; adeo autem hanc orationis conformandæ, rationē ipse Cicero probauit, ut non solum eius hoc modo faciendæ & ornandæ summus ipse artifex fuerit, sed diligentissimè etiam de tota ea re præceperit.

Thrasyma-  
chus nume-  
rosè oratio-  
nis inuētor  
fuit.  
In Orat.

Arist. ver-  
sum in ora-  
tione vetet  
esse nume-  
rum iubet.

Ciceronis  
tempore a-  
gnouerunt  
Romanis  
orationis  
numerū an-  
nis quadrin-  
gentis post  
Græcos.

Cur numerosa oratio inuenta sit. Cap. 36.

**Q** Uoniam igitur habemus aptæ orationis eos principes, auctoresque, quos diximus, & origo inuenta est, cau-  
sa queratur, quæ facilis, & aperta est. Aures enim, vel animus potius, aurium nuncio naturalem quandam in se cō-  
tinet vocū omnium mensuræ. Itaq; & longiora, & breuior-

In Orat.

Animus na-  
turalē quā-  
dam conti-  
net in se vo-  
cū omnium  
mēsuram,

ra iudicat, & perfecta ac moderata semper expectat, mutila sentit quaedam, & quasi decurtata, quibus tanquam debito fraudetur, offenditur, productiora alia, & quasi immoderatus excurrentia: quæ magis etiam aspernâtur aures. Cû igitur fortuito sæpe, ut sit, aliquid conclusè, apteq; initio diceretur, animos hominû, aurêsq; pellebat, ut intelligi posse id, quod casus effudisset accidisse incûdè: tûc notatû genus est.

Notatio, & animaduersio peperit artem numerorû orationis.

Notatio autè, & animaduersio peperit artē. Itaq; ut poetica & vsus inuentus est terminatione auriû, obseruatione prudentiû: sic in oratione animaduersû est multò illud quidè serius, sed eadè natura admonēte, esse quosdã certos cursus cõclusionesque verborû. De quarû natura ut differere possimus necesse est, ut de incisîs mēbris, & periodo pri<sup>o</sup> dicam<sup>9</sup>.

De incisîs membris & periodis. Cap. 37.

Incisâ Græ.  
μέμματα.  
membra.  
κῶλα vocât  
Quid sit in  
cisum.  
Quint li. 9.  
cap. 4.  
Quid mē-  
brum sit.

**I**ncisum est sensus non expleto numero cõclusus: plerîsq; pars membri. Tale est enim quo Cicero utitur, Domus tibi decrat? at habebas: Pecunia superabat? at egebas: ubi incisa sunt quatuor. Fiunt & singulis verbis incisa, ut Diximus, testes dare volumus. Incisum est, diximus: Membrum autem est sensus numeris cõclusus, sed à toto corpore abruptus, & per se nihil efficiens, ut, O callidos homines, O rem excogitatam: ô ingenia metuenda: quem quæso nostrum fefellit id vos ita esse facturos? O callidos homines: perfectum est, at remotum à cæteris vim non habet, ut per se manus, & pes, & caput: & ô rem excogitatam ô ingenia metuenda. Quando ergo incipit corpus esse? cû venit extrema cõclusio: Quem quæso nostrum fefellit, id vos ita esse facturos? Periodum Cicero tum ambitum, tum circuitû, tum comprehensionem, aut continuationem, aut circûscriptionem dicit.

In Cornel.  
quæ nō ex-  
tat.

Periodum  
multis no-  
minibus ap-  
pellat Cic.



Cum temperetur autē membris omnis paulō longior circuitus, tamen aliud est casim, & membratim, aliud, circūscriptē dicere. Circūscripto enim est cum ab initio ad finē vsque quasi in orbem inclusa fertur oratio, donec consistat in singulis perfectis, absolutisq; sententiis, Cicero pro leg. Man. Aristot. 3.  
Rhet ca. 4.  
Cic in Or.

Quamquam mihi semper frequens conspectus vester multō iucundissimus, hic autem locus ad agendum amplissimus, ad dicendū ornatissimus est visus Quirites, tamen hoc aditu laudis, qui optimo cuique semper maximē patuit, nō mea me voluntas, sed vite meae rationes ab ineunte etate susceptae prohibuerunt. Membratim verō dicimus, cum in singulis membris liberior insistit oratio, Cicero pro Milone: Itaq; quando illius postea sica illa, quam à Catilina acceperat, conqueiuit? Cic. pro lege Man.

Hac intentata nobis est: huc ego vos obiici pro me non sum passus, hac insidiata Pompeio est: Hac istam Appiam viam monumentum sui nominis nece Papirij cruentauit. Incisim verō dicimus, cum in singulis incisim insistit oratio. Cicero in Catilinam Inuect. 4. Tenentur litera, signa, manus, denique vniuscuiusque confessio. Quomodo autem, cum in incisim, & membris, tum in circuitu numerus sit adhibendus paulo post dicetur. Sed quia nullus extra poeticos numerus esse potest, pedes, quibus & poema fit, & oratio numerosa temperatur, ponamus: mox enim intelligitur inter versum, & orationem numerosam permagnum esse discrimen. Quid sit membratim dicere.  
Cic. pro Mil.

De pedibus. Cap. 38.

**P**edes, qui duas habent syllabas numero sunt quatuor, Spondeus, Pyrrichius, Chorus, & Iābus. Spōdeus est è longis duabus, ut dicūt, mores, illi cōtrarius est Pyrrichius ut, nouus, tulit. Chorus est è longa, & breui, ut, scribit, sēper. Huic Iābus est contrarius, ut, legunt, reos. Trium verō Quatuor syllabarum pedes sunt quatuor.

# DE ARTE

Trium syllabatum pedes sunt.

Quicquid supra tres syllabas habet, id ex pluribus est pedibus.

syllabarum pedes sunt octo, Molossus ex tribus longis ut dicendi, conseruat, Trocheus, quem Tribachum alij appellat ex tribus breuibus, ut facimus. Dactylus ex longa, & duabus breuibus, ut litora. Anapaestus ex duabus breuibus & longa, ut pietas, peragunt. Bacchius ex breui, & duabus longis ut amores. Antihacchius ex duabus longis, & breui, ut, audisse. Creticus, quem alij Amphimacrum vocant, ex longa, breui, & longa, ut possident. Amphibrachus ex breui, longa, & breui: ut petebat. Cic. ex aliis pedibus tres tantum ponit, nec tamen ipse dissimulat, quibusdam numeros videri, non pedes: nec immerito (quicquid enim supra tres syllabas habet id ex pluribus est pedibus) paonas duos, & Dochimum, quibus & nos erimus contenti. Est igitur Paon primus, ex longa & tribus breuibus, ut aspiciate. Paon ultimus, ex tribus breuibus & longa, ut, facilitas. Dochimus vero ex Bacchio constat, & Iambo, ut, perhorrescerent.

## De numero oratorio. Cap 39.

Numerus oratorius Græ est μέτρος. Rhythmi constat spatio temporum, pedes etiā ordine. Nullus est numerus qui non aliquo loco in oratione adhibetur. In orat. Multū interest inier poema, & orationem numerosā.

**Q**uid inter sit inter oratorium numerum atque poeticū itēque inter orationē & poema diligēter nunc attendendum est. Numerū oratoriū Græci Rhythmū poeticū Metrum vocant. Quod etiā si constat utriūque pedibus, habet tamē non simplicē differētiā. Nam Rhythmi spatio tēporū constat, pedes etiā ordine. In Rhythmo enim nihil refert Dactylus ne sit, an Anapaestus, cū eodē tēporū spatio uterq; constet, in versu pro Dactylo poni nō potest Anapaestus. Est & illud discriminē, quod metri sēper idē est cursus. ut in Heroico carmine, Dactyli & spondei. In oratione alius, atq; alius numerus est adhibendus, ita ut nullus sit, qui nō aliquo loco adhiberi possit. Ex his facile est intelligere quā multū inter orationē munerōsā, & poema inter sit. Versus certis le-

gibus astrict<sup>9</sup> est, ut nihil fiat extra præscriptū: at in oratione nihil est certū, nisi ut aptè verbis cōprehendatur sentētia itaque omnis, nec claudicās, nec quasi fluctuans, & equaliter, constantēque ingrediēs numerosa habetur oratio. Atque id in dicēdo numerosum putatur: non quod constat totū ē numeris, sed quod ad numeros proximè accedit. Quod etiam difficilius est oratione vti, quā versib<sup>9</sup>, quod illis certa quædā, & definita lex est, quā sequi sit necesse: in dicendo autē nihil est propositū, nisi aut ne immoderata, aut angusta, aut dissoluta, aut fluens sit oratio. In quo illud est vel maximū, quod versus in oratione si efficitur coniunctione verborum, vitium est, & quidem graue, ac longa animi prouisione fugiendum, & tamē tam coniunctionem sicuti versum numerosē cadere, & quadrare, & perficere volumus. Quod quomodo faciendum sit deinceps explicemus.

Difficilius est oratione numerosa vti quā versū.

Versu in oratione si efficitur vitium est.

In qua parte ambitus debeat inesse numerus. Ca. 40.

Est igitur intelligendum in toto verborū ambitu numeros tenēdos esse: Falluntur enim qui censent cadere tantū numerosē oportere, terminarique sententiā. Et si enim id maximè decet, quoniā aures semper extremum expectāt, in eoque acquiescunt: ad hunc exitū tamē à principio ferri debet verborum illa comprehensio, & tota à capite ita fluere, ut ad extremum veniens ipsa consistat. Cum autē omnes in oratione sint quasi permisti, & cōfusi pedes, nec enim effugere posset orator animaduersionē si semper eisdem vteretur qui numeri & ad principium, & ad medium, & ad extremum periodi sint magis accomodati, explicandum est.

Ci in orat. Quint. l. 9. cap. 4.

Tota periodus numerosa esse debet.

De initio periodi. Cap. 41.

Clausulæ maximè cōcinnitatem desiderant.

Clausulas diligētius, quā cetera omnia, seruandas esse inter omnes conuenit, quod in his maximè perfectio

Proximam  
clausulis  
diligentiam  
initia po-  
stulant.  
Rhet. 3. c. 4  
Cicero in  
Orat.

De lege  
Manilia.  
Liui<sup>9</sup> hexa-  
metri exor-  
dio cœpit.  
Dochimus  
semel posi-  
tus quôuis  
loco apt<sup>9</sup>.

de leg. agr.

Qui pedes  
in extremo  
circuitu  
sint seruân-  
di.  
Nihil tã vi-  
tiosum est  
in oratio-  
nis nume-  
ro, quàm si  
semper est  
idem.

Ari. Pæona  
vltimū. Ci.  
Creticū ap-  
tissimū iu-  
dicat in  
clausulis.

atque absolutio iudicatur. Proximā autē clausulis diligen-  
tiam initia postulant. Nam & adhuc intentus est auditor.  
Optimè hac nascuntur à proceris numeris, ac liberis, maximè  
Dactylo, quē Heroum vocat Aristoteles, & Pæone priore,  
quē idem auctor ut optimū probat. Cicero mollissimū quidē  
numerus, eundemq; amplissimū esse fatetur; sed Creticum  
anteponit. Anapæstus etiā qui Dactylo est spatium par, ordine  
cōtrarius, rectē orationem incipit. Cicero pro lege Manilia.  
Quanquā mihi semper frequēs cōspectus vester: Exorsus est  
à spondeo, Anapæste, & cretico: Et in eadem oratione: Testis  
est Italia: à Cretico, & Ita tātum bellum: ab Anapæsto, &  
spondeo, & Qui Siciliā adiit: à pæone priore. Initia versū  
initis orationis nō cōueniunt, etsi Tit. Liuius hexametri  
exordio cœpit: Facturus ne operæpretiū sim. Dochimus quo  
uis loco aptus est, dum semel ponatur: iteratus, aut cōtinua-  
tus numerum apertū, & nimis insignē facit, Cicero de lege  
Agraria: Est illud amplissimū quod pauld ante cōmemora-  
ui Quirites. Vbi à spondeo, & Dochimo ducitur initium.

#### De fine periodi. Cap. 42.

**I**N extremo autē circuitu, duo, aut tres sunt ferè seruādi,  
& notādi pedes: quos aut Choreos, aut spondeos, aut alter-  
nos esse oportebit. Asia geminātū Choreum, qui Dichoreus  
vocatur, maximè secuta est. Cadit autē ille præclarè: sed in  
orationis numero nihil est tã vitiosum, quā si semper est idē  
Spondeus est in clausulis firmus, & stabilis, quo plurimū est  
vsus Demosthenes. Pæona alterum orationi cadenti aptissi-  
mum putat Aristoteles, quem Cicero nō reijcit, sed aptiorem  
eo loco iudicat Creticū. Qui siue geminetur, siue spondeū præ-  
cedat, multū decoris habet in clausulis. Cicero pro Mar. Pri-  
stino more dicendi: Creticus est geminatus, & spondeus, &

cōseruatā ac restitutā puto: Spōdeus, & duo Cretici. Et, Nec  
ulla unquā etas de tuis laudibus cōticescet. Duo Cretici &  
Dichoreus. Optimē etiā est sibi iunctus Anapaestus. C. Nihil  
habet nec fortuna maius, quā ut possis, nec natura tua me-  
lius, quā ut velis cōseruare quāplurimos. Est & Dochimus  
stabilis in clausulis, & seuerus, Cic. in Antonium, Te miror  
Antoni quorū facta imitere, eorum exitus nō perhorresce-  
re. Quia postrema syllaba breuis, an lōga sit, ne in versu qui-  
dē refert. Multae sunt aliae clausulae, quae numerosae, & iucū-  
dē cadunt, quas diligentissimē ostendit Quintilianus. Etiam  
intelligendū est clausulas versuū nō cōuenire clausulis ora-  
tionis, quod Bruto excidit: Quanquā sciunt placuisse Cato-  
ni, & vitandū esse ne pluriū syllabarū verbis utamur saepe  
in fine, quod etiā in carminib⁹ est permolle. Nō desunt enim  
qui Ciceronē vituperent in his: Familiaris cæperat esse bal-  
neatori. Et pro Calio, Nō minus dura Archipirata. Nec il-  
lud quidē praterendum est clausulas maximē apparere, &  
intelligi, quod aures continuam vocē secuta ductaeque velut  
prono decurrentis orationis flumine, tum magis iudicent, cū  
ille impetus stetit, & intuenti tempus dedit. Variandae sunt  
igitur, ne aut animorum iudicio repudientur, aut aurū sa-  
tietate. Hoc vicissitudines numerorum efficient, quae presta-  
bunt, ut neque ūsatiētur, qui audient fastidio similitudi-  
nis, nec orator, id quod faciet, opera dedita facere videatur.

Pro Lig.  
Optimē si-  
bi iungitur  
Dichoreus  
in clausulis  
Phil. 1.

Clausulae  
versuū nō  
conueniūt  
clausulis  
orationis.

Cur clausu-  
lae sint va-  
riandae.

De media periodo. Cap. 43.

**C**um verborum cōprehensio à principio ferri debeat, &  
tota à capite ita fluere, ut ad extremū veniens ipsa cō-  
sistat, dicendum est nunc qui maximē cadant in orationem  
apti numeri: Et Aristoteles quidē Spondeum numerū grā-  
diorem iudicat, quā desideret soluta oratio, Iambum au-

In orat.  
Quos nu-  
meros ab  
oratione se-  
greget,  
quos maxi-  
mē probet  
Arist.

tem nimis è vulgari esse sermone. Ita neque humilè & abiectam orationem, nec nimis altam, & exaggeratā probat, plenam tamen eam vult esse grauitatis, vt eos, qui audient, ad maiorem admirationem possit traducere. Trocheum autem, quem alij Tribrachum appellant, ab oratione segregat, quia contractio, & breuitas dignitatem nō habet. Ita Pæona probat, quem orationi vel orienti, vel mediæ, vel cadenti aptissimum iudicat. Cicero autem sentit omnes in oratione esse permistos, & quasi confusos pedes. Nec enim effugere posset animaduersionem orator, si semper iisdem vteretur. Cū igitur (vt supra etiam dictū est) permista & temperata numeris, nec dissoluta, nec tota numerosa oratio esse debeat Pæone maxime, quoniā optimus autor ita censet, sed etiam reliquis numeris, quos ille præterit, tēperanda est. In his quæ demisso, atque humili sermone dicentur, iābus erit frequentissim⁹, Pæon in amplioribus, in utroq; Dactylus. Ita varia & perpetua oratione hi sunt inter se miscendi & tēperādi: sic minimè animaduertetur delectationis aucupiū, & quadrāda orationis industria. Nec verò nimius is cursus numerorū esse debet, id enim in dicendo numerosum putatur, non quod totum cōstat è numeris, sed quòd ad numeros proximè accedit. Nullus enim pes est, qui non aliquādo venit in orationē. Miscēdi ergo sunt, curādūmq; vt sint plures, qui placeant, & circūfusi bonis deteriores lateant. Dochimus quouis loco est aptus, dūmodo nō iteretur. Plurimū etiam venustatis habet Creticus, Cic. pro Mar. Nullius est tantū flumē ingenij, nulla dicendi, aut scribendi tanta vis, tantāque copia, quæ non dicam exornare, sed enarrare C. Cæsar res tuas gestas possit: tamen hoc affirmo, & hoc pace dicam tua, nullam in his laudem esse ampliorem, quā eam, quā hodi-

Cic. sentit  
omnes in  
oratione ef  
se permis  
tos nume  
ros.

In humili  
oratione iā  
bus, in am  
pliori Pæo,  
in vtraque  
Dactylus  
frequentis  
simus.

Dochimus  
quouis lo  
co aptus dū  
modo non  
iteretur.  
Pro Mar.



erno die cōsecutus es: in hac periodo sunt quidem alij pedes, sed qui eam iucundissimam efficiunt, sunt Cretici, Dochimus, Paon, Daetyli, & Spondei.

De his quæ suapte natura numerosa sunt. Cap. 44.

**A** Liquādo suapte natura numerosa sunt, quæ dicuntur, Cum paria paribus referuntur, aut casus in exitu sunt similes oratio sua sponte numerosa efficitur in Orat. Pro Mil.  
 Atiā si nihil factū est de industria. Cū enim sunt casus in exitu similes, aut paribus paria referuntur, quasi sua sponte concinnitatē habet oratio, ut in illo Cic. pro Milone, Cum cōtra ria referuntur, numeros sponte sequitur. A. Q. 4. in Verrem.  
 Est enim iudices hac non scripta, sed nata lex, quam nō didicimus, accepimus, legimus, verum ex natura ipsa arripuimus, expressimus, hausimus: ad quam non docti, sed facti: nō instituti, sed imbuti sumus. Hac enim talia sūt ut quia referuntur ad ea, ad quæ debēt referri, intelligamus nō quæsitū esse numerum, sed secutum. Quod fit item referēdis contrariis. In hoc genere Cic. frequēs est, ut illa sunt in quarto accusationis: Cōferte hāc pacem cum illo bello: huius Prætoris aduētū, cū illius Imperatoris victoria: huius cohortē impuram cū illius exercitu inuictō: huius libidines cum illius cōtinētia: ab illo, qui cepit cōditas, ab hoc qui cōstitutas accepit, captas dicetis Syracusas, quæ sunt venustissima. Sēper enim hac, quæ à Græcis antitheta nominari suprà diximus cū de figuris ageremus, numerum oratorium necessitate ipsa efficiunt, & eum sine industria.

Quæ vitia sunt vitāda in oratione numerosa. cap. 45.

Hæc tamen vitia in tota hac re diligentissimè sunt vitāda, imprimis ne apertè verba traiiciātur, quo melius aut cadat, aut voluetur oratio: deinde ne inania quædam verba, quasi cōplemēta numerorū inculcētur: tertio ne minutis cōcidatur, infringaturq. setētia. Sed verba iā probata & electa cōcinne coagmētētur nā vel dura inter se cōmista potiora



Multa minus sunt inutilibus. Multa sunt autem, quae vitiis declinatis, numerosè componendi laborem minuunt. Sunt enim multa figura, quibus, & casus, & numeri possint variari: Sunt multa etiam quae idem valet atque significat, ex quibus exercitati facile illud eligunt, quod instituta verborum comprehensioni maximè quadrat. De magnitudine ambitus. Cap. 46.

Periodus habet membra minimum duo, saepe tria.

**H**abet autem periodus membra minimum duo, saepe etiam tria: Cic. pro lege Manii. Nam cum antea per atatem nondum huius auctoritatem loci contingere auderem, statueremque nihil huc, nisi perfectum ingenio, elaboratum industria afferri oportere, omne meum tempus amicorum temporibus transmittendum putavi. Cic. enim ambitum mediocritatem habere ait, qui quatuor ferè membris constat. Nam & aures implet, & nec breuior est, quam satis sit, nec longior. Vult autem ut è quatuor quasi hexametrorum versuum instar quod sit, constet ferè plena comprehensio. Eius generis est illud pro Milone, Ego cum tribunus plebis Republica oppressa me senatui dedissem, quem extinctum acceperam: Equitibus Romanis, quorum vires erant debiles: bonis viris, qui omnem auctoritatem Clodianis armis abiecerant: mihi unquam bonorum praesidium defuturum putarem. Debet autem periodus sensum concludere: sit etiam aperta, ut intelligi possit & non immodica, ut memoria contineri possit.

Ambitus mediocris quarum ferè membrorum constat.

Pro Mil.

Quid praestare debeat periodus. Quinr. lib. 6. cap. 4.

De numero, qui est in membris, & cuiusmodi ea esse debeant. Cap. 47.

Cic. in Ora. Quint. lib. 9. cap. 4. Oratio quae membris constat, valde reficit spiritum.

**Q**uid sit membrum: quid incisum, quid ambitus, antea dictum est. Illud etiam est explicatum, aliud esse circumscribere aliud membratim dicere. Illic enim circumscribitur verborum comprehensio, donec in clausula semel consistat: hic in singulis membris oratio insistit. Quod in pronuntiando magno-

perè reficit spiritum, unde fit ut oratio, quam mēbris carpi-  
mus, lōgior multo esse possit, quā ea, quæ constat circuitu.  
Ita ut aliquādo ad quindecim, aliquando ad viginti mem-  
bra excurrat. Cic. pro Mil. Occidi, occidi non Spuriū Me-  
lium, & quæ sequuntur. Nihil autem tam debet esse nume-  
rosū, quā hoc, quod minimè apparet. Sed nō tam apertè;  
& palām in incisionibus, & membris numerus est adhibē-  
dus, quā apertè, & palām in ambitu adhibetur.

Oratio quæ  
mēbris car-  
pitur lōgior  
simè aliqūā  
do excurrit

In quo scribendi genere circumscriptè, in quo sit  
membratim dicendum. Cap. 48.

**I**N historia, laudationibus, totōque eo genere, quod Gra-  
eci epidiēticon nomināt, quod quasi ad inspiciendum dele-  
ctationis causa computatum sit, omnia Isocrateo, Theopon-  
peōque more illa circumscriptione, & ambitu dicēda sunt, ut  
tanquam in orbe inclusa currat oratio. Itaque posteaquā est  
cognita hæc vel circumscriptio, vel cōprehensio nemo qui ali-  
quo esset in numero scripsit orationē eius generis, quod esset  
ad delectationem comparatum remotūque à iudiciis, fō-  
rēsi que certamine, quin redigeret omnes in quadrum nume-  
rūmq. sentētias. Genus autem hoc orationis nec totum as-  
sumendum est ad contentiones & causas veras nec omnino  
repudiandum. Si enim semper utare, cūm satietatem affert  
tum quale sit ab imperitis etiam cognoscitur. Detrahit præ-  
tereā actionis dolorē, aufert humanum sensum actoris, tol-  
lit funditus veritatem, & fidem. Sed quoniā adhibenda nō  
nunquam est, primū videndum erit quo loco, deinde quā-  
diu retinenda sit, tum quot modis commutanda. Adhibenda  
est igitur numerosa oratio: si aut laudandum est aliquid or-  
natiū, ut C. in accusationis secundo de Siciliæ laude dixit:

In Epidiēti-  
co genere  
omnia sunt  
circumscri-  
ptè dicēda.  
Cic. in Ora.

In veris cau-  
sis, nec assu-  
menda est  
omnino nu-  
merosa ora-  
tio, nec om-  
nino repu-  
dianda.

Ad. 2. in  
Veritem.

Act. 4. in  
Ver.

In amplifi-  
canda re  
numerosè  
funditur  
oratio.

Peroratio-  
nes hoc ge-  
nere oratio-  
nis cōstāt.

aut exponēda narratio, quæ plus dignitatis desiderat, quàm doloris, ut in quarto accusationis, idem Cic. de Syracusarum situ dixit. Est etiam apta proëmiis maiorum causarum ubi sollicitudine, miseratione, commendatione res eget. Sape etiā in amplificanda re concessu omnium funditur numerosè & volubiliter oratio. Id autē tum valet, cum is, qui audit ab oratore iam obsessus est, ac tenetur. Nō enim id agit, ut insidiantem obseruet, sed iam fauet, processumq; vult, dicēdiq; vim admirans, non inquit quod reprehendat. Hæc autem forma perorationes quidē includit, sed in reliquis orationis partibus retinenda non diu est. Nam cūm locis suprā dictis ea fuerimus vsi, tota dictio est ad incisa, & mēbra transferenda. Incisim autem & membratim tractata oratio in veris causis plurimum valet; maximēque his locis, cūm aut arguas, aut refellas.

Qua ratione paretur hæc facultas aptè, ac numerosè dicendi. Cap. 49.

Ci. in Ora.  
Non est tā-  
ti laboris,  
quāti vide-  
tur hæc fa-  
cultas nu-  
merosè di-  
cendi.

Antipater  
Sidonius  
solitus est  
versus ex  
tēpore fun-  
dere.

**H**æc autem facultas aptè atque numerosè dicendi non est tāti laboris quāti videtur. Nec ideo hæc tractatur à summis viris, ut oratio, quæ fieri debet ac fluere, demetiēdis pedibus, ac perpēdendis syllabis cōsenescat: satis enim in hoc oratorē formabit multa scribendi exercitatio, ut ex tēpore etiā aptè, numerosēque dicat. Antē enim circūscribitur mēte sententia, confestimque verba cōcurrunt, quæ, mēs eadē, quæ nihil est celerius, statim dimittit, ut suo quodq; loco respōdeat. Quod si Antipater ille Sidonius solitus est versus Hexametros aliōsq; variis modis ac numeris fundere ex tēpore tantūmq; hominis ingeniosi, ac memoris valuit exercitatio, ut cūm se mēte ac voluntate coniecisset in versū verba sequerentur quanto id facilius in oratione, exercitatione

Et consuetudine adhibenda cōsequemur? Nihil est enim tā tenerū, neque tam flexibile, neq, quod tam facile sequatur, quocunque ducas, quā oratio. Ex hac versus, ex eadē disparēs numeri cōficiuntur: ex hac hęc etiā soluta variis modis, multorūque generū oratio. Et ut mollissimam cerā ad nostrum arbitriū formamus: sic orationis genus ad omnem rationem, Et ad aurium voluptatem, Et animorum motū facile mutatur, Et vertitur. Neminem itaque Pæon, aut Creticus ille, aut Dichoreus cōturbet, ipsi occurrent orationi, ipsi, inquam, se offerent, Et respondebunt nō vocati, cōsuetudo modō adsit scribendi hoc modo, atque dicendi. Ut enim musici accuratē primo, Et cogitatē suā artis præscripta, Et formulas observant, at ubi vsus accessit, sine cogitatione etiā Et cura eadem illa incredibili celeritate efficiunt: sic ubi orator hoc modo scribere initio consueverit, sine ullo labore postea similiter scribet, ac dicet.

Quanti momenti sit aptē dicere. Cap. 50.

Quantū autē sit aptē dicere, experiri licet, si aut cōpositi oratoris bene structā collocationē dissoluas, permutatione verborū: corrūpatur enim tota res: ut hac Cic. in Cornelianā: Neque me diuitiæ mouent, quibus omnes Africanos Et Laliōs, multi venalitij mercatorēsque superarunt, immuta paululū: ut sit: Multi superarūt mercatores, venalitijq; perierit tota res. Et quæ sequuntur: Neq, vestis, aut calatū aurū Et argentū, quo nostros veteres Marcellos, Maximōsque, multi Eunuchi ē Syria, Aegyptōq, vicerūt. Verba permūtā sit, ut sit vicerunt Eunuchi, ē Syria Aegyptōque. Adde tertiū. Neq, verō ornamenta ista villarū, quibus L. Paulū, Et L. Mūmiū, qui rebus his urbē, Italiāq, re-

Hic locus est apud Cic. in Orat. nō Cornelianā nō extat. Cic. in Orat. Quint. li. 2. cap. 4.

ferferūt, ab aliquo video perfacile Deliacō aut Syro potuisse superari. fac ita, potuisse superari ab aliquo Syro, aut Deliacō. Vidēsne ut ordine verborū paulū cōmutato, iisdē verbis stāte sententia, ad nihilum omnia recidant, cū sint ex aptis dissoluta? aut si alicuius inconditi arripias dissipatā aliquā sententiam, eāque ordine verborum paulū cōmutato in quadrū redigas, efficiatur aptū illud, quod fuerit antea diffuens, ac solutum. Age sume de Gracchi apud censors illud, Abesse non potest, quin eiusdem hominis sit probos improbare, qui improbos probet. Quanto aptius si ita dixisset: Quin eiusdem hominis sit, qui improbos probet, probos improbare? Hoc modo dicere nemo unquam noluit, nemōque potuit, quin dixerit. Qui autem aliter dixerunt, hoc assequi nō potuerunt. Res autem se sic habet, ut breuissimē dicam quod sentio, cōpositē, & aptē sine sententiis dicere, insania est: sententiosē autem sine verborum, & ordine, & modo, infantia: sed huiusmodi tamē infantia, ut ea qui utātur, non stulti homines haberi possint, etiam plerunque prudentes: quo, qui est contentus, utatur. Eloquentes verō, qui nō approbationes solū, sed admirationes, clamores, plausus, si liceat, mouere debet, omnibus oportet ita rebus excellat, ut ei turpe sit quicquā aut spectari, aut audiri libētius. Hac Cicero in Oratore. Quare cū Aristoteles, qui aureum fundit flumen orationis: cū Theophrastus, qui diuinitate loquēdi nomen inuenit: cū Isocrates, quem eloquentiæ patrem Cic. appellat: cū Demosthenes, cui sine dubio summa vis eloquentiæ cōceditur: cū Cicero, qui primū cum Græcorum gloria Latine dicendi copiam æquauit, hanc eloquentiæ partem tanti fecerint: eam nobis summa debemus industria, summo etiam studio comparare.

Eloquens  
omnibus  
debet rebus  
excellere.

Aristoteles  
aureū fun-  
dit oratio-  
nis flumen.

Demosthe-  
ni summa  
vis eloquē-  
tiæ conce-  
ditur.

De tribus generibus dicendi. Cap. 51.

**P**erspiciu[m] est aliquid dicendi genus in paruis causis, aliud in modicis, aliud in grauib[us] desiderari. Nec solum varia causa, variu[m] dicendi genus efflagitat: sed diuersa orationis partes, diuersam quoque orationis formam postulat. Quod cum ita sit, quot sint genera dicendi, & in quibus tu causis, tu orationis partibus ea sint adhibenda, dicamus. Tria sunt igitur dicendi genera, in quibus omnibus peraeque debet florere excellens & perfectus orator: Vnu[m] subtile, acutum; & tenue: Alterum vehemens, copiosum, & graue. Terti[u]m est interiectum inter medium, & quasi temperatum, in quo neque est acumen superioris generis, nec vis posterioris. Cum autem oratoris tria sint officia docere, mouere, & delectare: subtile in probando, modicum in delectando, vehemens in flectendo versatur. In genere subtili forma debet esse orationis a viculis numeroru[m] libera & soluta, non tamen vaga ut ingredi libere non ut licenter videatur errare. Diligentia etiam conglutinandi verba praetermittenda est, & omnis insignis ornatus remouendus. Ponentur tamen acuta, crebraque sententiae: ornamenta verborum, & sententiarum cum tropis verecunde parcaeque adhibebuntur: translationes tamen poterunt esse crebriores, nec tam crebra tamen, quam in genere dicendi amplissimo. Genus temperatu[m] vberius est aliquanto & robustius, quam hoc humile, de quo dictu[m] est: summissius autem, quam illud, de quo dicitur, amplissimum: Huic omnia dicendi ornamenta conueniunt, plurimumque est in hac oratione suauitatis. In idem verboru[m] cadunt lumina omnia multa & sententiarum. Hoc in genere nervoru[m] vel minimum, suauitatis autem est, vel plurimum. At illud amplum, graue, copiosum ornatu[m], vim profecto habet vel maximam, modo enim perfrigit, modo irrepit

Cic. in ora.  
Quint. lib.  
9. cap. 4.

Tria sunt  
genera di-  
cendi: sub-  
tile, tempera-  
tum, & ve-  
hemens.  
Quint. lib.  
11. cap. 10.

Genus sub-  
tile in pro-  
bando, modi-  
cu[m] in dele-  
ctando, vehe-  
mens in fle-  
ctendo ver-  
satur.

Quae dic-  
di ornamē-  
ta conueniūt  
generi tempe-  
rato.

Genus dic-  
di graue vi-  
bi habet maxi-  
mam.



In Orat.  
pro Czfa.

in sensus, inserit nouas opiniones, euellit infitas. Hic orator  
& defunctos excitabit, ut Appiū Cacū. Apud hūc & patria  
ipsa exclamabit, aliquēq; (ut apud Ciceronē in oratione cō-  
tra Catilinā in senatu) alloquetur. Hic & amplificationib⁹  
extollet orationē, & vi superlationū quoq; eriget: ut Quæ  
Charybdis tā vorax: & Oceanus medius fidius ipse: hic irā  
hic misericordiā inspirabit: hic dicet. Te vidit & fleuit, &  
appellauit, & per omnes affectus tractatur. His trib⁹ gene-  
rib⁹ utetur orator, ut res exiget, nec pro causa modò, sed pro  
partibus causæ. Magni igitur iudiciū, summæ etiā facultatis  
esse debet moderator ille, & quasi tēperator huius tripar-  
titæ varietatis. Nā & iudicabit, quid cuiq; op⁹ sit, & pote-  
rit quocūq; modo postulabit causa, dicere. Ad causas tenues  
cuiusmodi est causa pro Cecinna, summissū ad graues, qualis  
est Rabirij vehemens: ad mediocres, ex quo genere est pro le-  
ge Manilia, temperatum dicendi genus accommodatum est.

Orator ut  
tur his tri-  
bus gene-  
ribus ut res  
exiget.

Ad causas  
tenues ge-  
nus dicen-  
di tenue ad  
graues, gra-  
ue ad medi-  
ocres tēpe-  
ratū accō-  
modandū  
est.

Eloquētiæ  
propriū est  
parua sum-  
mis, modi-  
ca tēperate  
magna gra-  
uiter dice-  
re.

Genus ora-  
tionis ad  
personæ, lo-  
ci & tempo-  
ris ratio-  
nem aptari  
debet.

Eloquētiæ  
sicut exte-  
rarum rerū  
fundamen-  
tum est sa-  
pientia.

In eadem etiam oratione ad conciliandū quidem mediocre:  
ad docendum verò atque probandum subtile & enucleatū:  
ad mouendum graue debet adhiberi. Est enim eloquētis pro-  
prium, parua submis, modica temperatè, magna grauiiter  
dicere. Multū etiam refert quæ sit persona eius, qui dicit, &  
eorū, qui audiunt. Non enim omnis fortuna, non omnis ho-  
nos, non omnis auctoritas, non omnis atas, nec verò locus  
aut tempus, aut auditor omnis eodem aut verborum genere  
tractandus est, aut sententiarum. In omnibus etiam rebus  
videndum est quatenus. Etsi enim suus cuique modus est,  
tamē magis offendit nimium, quam parum: unde fit ut elo-  
quentia, sicut reliquarum rerum, fundamentū sit sapientia.  
Hæc de elocutione dicta sunt. Nunc quoniam omnia cōfor-  
mandæ & expoliendæ orationis præcepta, exposita sunt, or-



dine ut instituimus, ad memoriam transeamus.

De memoria. Cap. 52.

**M**emoria artē primū omnīū instituisse ferunt Chium Simonidem. Cū enim celebri, & frequenti cōiuiuo interesset, de triclinio egressus est. Eo egresso tricliniū supra cōiuias corruit, atque ita cōtudit, ut cū eos humare vellet sui, nō possent obtritōs internoscere ullo modo. Tūc Simonides dicitur ex eo, quōd meminisset, quo eorū loco quisq; cubuisset, demonstrator uniuscuiusque sepeliendi fuisse. Ex hoc Simonidis factō notatum videtur, iuuari memoriā signatis animo sedibus. Quod suo quisque etiam experimento credere potest. Nam cum in loca aliqua post tempus reuersi sumus nō ipsa cognoscimus tātum, sed etiam quæ in iis fecerimus, reminiscimur, personaque subeunt, nonnunquam tacita quoque cogitationes in animum reuertuntur.

Simonides  
Chius me-  
moriz arcē  
instituit.  
Cicer. 3. de  
Orat.  
Quint. lib.  
11. cap. 1.

Memoria  
iuuatur si-  
gnatis ani-  
mo sedibus

An memoria sit eloquentiæ pars. Cap. 53.

**E**tiam si memoria eloquentiæ cum aliis artibus sit cōmunis, tamē artificiosa memoria oratoriæ artis meritō pars existimatur. Nesciretur enim quāta vis eius esset, quāta diuinitas, nisi in hoc lumē orādī vim extulisset. Nō enim rerū modō, sed etiā verborum ordinē præstat, nec ea pauca cōtexxit, sed propē in infinitum, ita ut in longissimis actionibus prius audiendi patientia, quā memoria fides deficiat. Nō immeritō igitur thesaurus hic eloquentiæ dicitur, cum explorum, legum, sapienter dictorum, benèque factorum velut quasidā copias, quibus abundare, quāsque in promptu semper habere debet orator, incredibilis eius vis representet.

Artificiosa  
memoria  
eloquentiæ  
pars est.

Memoria  
est eloquen-  
tiæ thesau-  
rus.

De artificio memoriæ. Cap. 54.

Artificium  
memoriæ  
constat lo-  
cis, & ima-  
ginibus.

**A**rtificium igitur memoriæ à veteribus traditum, locis constat & imaginibus. Itaque iis, qui hāc ingenij partē

Cuiusmo-  
di loci esse  
debeant

exercent, loca multa prius animo capienda sunt spatiosa, multa varietate signata, illustria, explicata modicis intervallis, ut aduſſe ferè magnarū, aut alterius adificij: Hac animo diligenter sunt affigenda, ut sine cūctatione, ac mora partes eius omnes cogitatio poſſit ordine percurrere. Plus enim quā firma debet eſſe memoria, quæ aliā memoriā adiuuet. Tum ea, quæ fuerint ſcripta, vel cogitatione cōprehēſa, ordine his locis sunt commendanda, ſignis, quæ memoriā eorum excitent notata. Ita fiet ut res ordine teneatur. Exempli gratia ſi ſit de nauigatione, re militari, & agricultura dicendū, nauigationis anchora, rei militaris gladius, vel ſpiculum, agricultura ſpica vel ſimile aliquid imago eſſe poteſt. Hæ imagines ſupra dictis locis ordine sunt cōmittēda. Deinde cūm repetēda fuerit memoria, incipies ab initio loca recēſere, & quod cuiq; credideris repoſces. Imago enim cuiusque admonēbit ut quamlibet multa ſint, quorum meminiffe oporteat ſint ſingula cōnexa quodā choro. Sic enim ſit ut orationē rerū locorum ordo conſeruet, res autem ipſas rerum effigies notēt. Utendum eſt autem imaginibus aliquid agentibus, acribus, inſignitis, quæ occurrere celeritēq; percutere animū poſſint. Loca quæ aſſumpſeris, egregiè, cōmoditēq; notare oportebit, ut perpetuo hāere poſſint. Nam imagines pro rerum varietate ſubinde sunt mutāda, at loca perpetuo remanere debēt. Quid conferat hoc memoriæ artificium. Cap. 55.

Singulorū  
verborum  
imagines  
memoriæ  
mandare &  
inutile eſt  
& infinitū.

**V**T ad quædam prōdeſſe hac nō eſt negandum, ut ſi rerū nomina multa per ordinē audita reddēda ſint, vel res diuerſæ ordine cōplectēda: ſic in ediſcendis orationis perpetuæ verbis nihil ferè proſunt. Singulorū enim verborum imagines memoriæ mandare, & inutile eſſet, & infinitum.

Si longior complectēda memoria oratio fuerit, proderit per partes ediscere. Non est autem inutile, quo facilius hāreāt, aliquas apponere notas, quarum recordatio commoneat, & quasi excitet memoriam. Illud neminem nō iuuabit, iisdem, quibus scripserit chartis, ediscere. Si tamen quis unā maximāque artē memoria quarat, exercitatio est & labor. Multa ediscere, multa cogitare, & (si fieri potest) quotidie potētissimum est. Quantum autem natura studiōque valeat memoria, vel Themistocles testis est, quem unum intra annum optimē locutum esse Persicē cōstat: vel Mithridates, cui duas & viginti linguas, quot nationibus imperabat, traditur notas fuisse: vel Crassus ille diues, qui cū Asia praeisset, quinque graci sermonis differentias sic tenuit, ut qua quisque apud eum lingua postulasset, eadem sibi ius redditū ferret, vel Cyrus quem omnium militum tenuisse creditum est nomina. Quin semel auditos, quamlibet multos versus protinus reddidisse dicitur Theodoſtes. Explicatis memoriae praeceptis, restat, ut de pronuntiatione dicamus.

exercitatio  
est maxima  
memoriae  
ars.

Themistocles,  
Mithridates, Crassus  
Cyrus &  
Theodoſtes: memo-  
ria plurimū valuerunt.

De pronuntiatione & eius vtilitate. Cap. 56.

Pronuntiatio à plerisque actio dicitur, sed prius nomē à voce, sequens à gestu videtur accepisse. Hac autem pars est, quae in dicendo una dominatur. Sine hac summus orator esse in numero nullo potest, mediocris hac instructus summos saepe superare. Nā & infantes actionis dignitate eloquentia saepe fructū tulerūt, & disertis deformitate agēdi multi infantes putati sunt. Ut itā nō sine causa huic primas dedisse Demosthenes dicatur, cū rogaretur quid in dicēdo esset primū, huic secūdas, huic tertias. Est enim actio quasi corporis quaedā eloquentia. Cū sit autē in duas diuisa partes vocē ge-

Pronuntiationis laus.

Actio est  
quasi corporis  
quaedā  
eloquentia

Pronuncia  
tionis dux  
sunt partes

stúmque quo alter oculos, altera aures mouet, per quos duos  
sensus omnis ad animum penetrat affectus, prius de voce,  
deinde de gestu qui voci etiam accommodatur, dicendum est.

De voce. Cap. 57.

Animusma  
ximè voce  
mouetur.

Quod gen  
voci postu  
lent iracū  
dia, misera  
tio, metus,  
vis, & volu  
ptas.

Bonus ora  
tor omnes  
sonorum  
tum inten  
dens, tū re  
mittens va  
riat sonos.

Nihil in ge  
stu debet su  
peresse.  
Quæ sint  
vitanda in  
gestu.

**V**ocis mutationes totidē sunt, quot animorū, qui maxi  
mè voce mouētur. Itaq; perfectus orator utrunq; se af  
fectū videri, & animū audiētis moueri volet, ita certū vo  
cis admouebit sonum. Aliud enim vocis genus iracūdia po  
stulat, acutum, incitatum, crebrū incidens. Alius miseria  
tio ac mæror, flexibile, plenum, interruptum flebili voce. Aliud  
metus, demissum & hæsitans, & abiectum. Aliud vis, con  
tentum, vehemens, imminens, quadam incitatione grauita  
tis. Aliud voluptas, effusum, lene, tenerum, hilaratum, ac  
remissum. Aliud molestia sine commiseratione, graue quid  
dam, & vno pressu ac sono obductum. Ac vocis quidem bo  
nitas optanda est (non est enim in nobis) sed tractatio in no  
bis. Ergo bonus orator variabit & mutabit, omnes sonorū  
tum intendens, tum remittens persequetur gradus. Nec mo  
dò in diuersis rebus sed etiam in iisdem partibus, iisdemque  
affectibus, quasdam non ita magnas vocis mutationes ad  
hibebit. Nam varietas cum gratiam præbet, ac renouat au  
res, tum dicentem ipsa laboris mutatione reficit.

De gestu. Cap. 58.

**V**ocē subsequi debet gestus, & animo simul cū ea pare  
re. Gestu sicutendum est, ut nihil in eo superfit. Status  
erit erectus & celsus, rarus incessus, nec ita longus, excursio  
moderata, eaque rara, nulla mollitia ceruicū, nulla argu  
tia digitorum, non ad numerum articulus cadens: trunco  
magis toto se orator moderabitur, virili laterum flexione: